


# Gorejga-majze

Triceigim Kafolim.



•) e = ie, tis ir, e, kad nestov isokumá vorda skajtos vis-ierdz  
= sch, sz.

Rioá. 1901

Дозволено цензурою. Рига, 2-го Января 1901 года.

Libellum, cui titulus „Gorejga majze del ticejgim katolim“, legi, nihilque in eo neque adversus fidem Catholicam, neque adversus bonos mores inveni.

23 Novembris 1900 anni.

Vicarius Petropolitanus  
R. C. St. Stanislai ecclesiae  
Sacerdos Franciscus Trasun  
Scr. Tl. mgr.

In fidem suprascripti sacerdotis, linguae letonicae gnari, libellum, cui titulus „Gorejga majze del ticejgim katolim“ approbamus, atque ut typis mandetur licentiam concedimus.

Die 4 Decembris 1900 an. Petropoli.

† Carolus Antonius Eppus.

Secretarius Curiae

C. Propolanis.



## Stosti nu Svatim Rokstim.

Nu isokuma Divs radeja dabasus un zemi. Uz zemes bej timss, un dzili iudini. Un Divs pasceja: Ļaj tūp gajsma. Un gajsma rodos. Divs atškejra pečok gajsmu nu timsibas, un gajsmu nusaucia par dinu un timsibu par nakti. Taj isasocia laiks, tika vokors un rejts, un tej beja pirmo dina. Utrá diná Divs radeja dabasu citejbu, tis ir, radzamu debesi. Trešá diná Divs atškejra iudini nu zemes, un lika zemei dut visajdus auglus, kukus un zoli; un nutika taj. Caturtá diná Divs radeja sauli, menesi un zvajgznes. Piktá diná putnus un zivis. Sastá radeja visus zverus un ropulus. Tamá pat sastajā diná pasceja Divs: „Radejsim cilvaku pec miusu gima un lejdzibas.“ Un tiulen Divs patajseja cilvaka misu nu mejkstās zemes, voj moļa, ipiutia jamá dveseli nikod nemerstušu, apdovinotu ar protu un brejvu valu; pirmajam cilvakam vordu lika Odums. Pečok Divs Odomu imidzinoja majgá migá, un kad viņš guleja, izjemia tam sonkauli, nu kura patajseja pirmu siviti ar vordu Iva. Septejtá diná Divs Kungs duseja, tis ir, porstoja jaunas litas radejt, un tu dinu sveteja.

Divs Kungs Odumu un Ivu ilajdia dzejvot luti jauká raja dorzá. Atlovia jim auglus est nu visim kukim, izjimdamš vinu, kūrš saucias par ļoba un slihta pazejšonas kuku. Bet miusu pirmi dzimdinotoji nepaklauseja Diva Kunga. Neškejsts gors, porsaverts par čiusku, pasarodeja Ivaj un pirunoja nuraut un est aizligtu augli. Iva edia, idevia vejram un tis edia, un taj obi divi rupi sagrajoja. Odums un Iva par itu graku topa



izdzeiti nu raja; un ne tik vin ji poši, bet un visim laudim, kurim nu jim bej jadzimst, nevareja iit dabusús, bet ajzpelneja miuzejgu pazušonu. Visi pazustu, ja milasirdejjajs Divs nebiutu tiulen sulejs un apsajemis atsiutejt pasaulam Pestejtoju, kurs caur sovu muku pi krista grakus nucaľtu, un dutu varejbu visim ticejgim iit dabasu valstejbá.

Odumam un Ivaj beja daudzi barnu. Pirmus treju dalu vordi beja šajdi: Kains, Abels un Sets. Kad pagoja vajrok ne kaj tiukstušu godu nu pasaula radejšonas, beja daudzi lauzu vers zemes, bet visi palika par sliktim, bezdivejgim. Divs tod nustrojeja pasauli ar iudinia polim: nuslejka visi, tik palika tajsnejgajs Noe\*) ar sovu sajmi. Palikuši dzejvi Noe dali beja: Sems, Kams un Jafets.

Pec iudinia polim lauzu otkon pisavajroja, bet ari ne visi beja lobi. Divs izredzeja vinu divabajleju vejru Abraams vorda par jaunas cilts pirmu tavu: pečok tu cilti saucia par Izraela, vaj Židu cilti. Abraamam Divs apsajemia atdut Kanaana moľu, un pasludinoja, ka nu jo cilts dzimuma atis Pestejtojs.

Abraamam beja dals Izaaks. Izaakam beja dals Ezavs un Jakubs. Jakubam beja divpadsmit dalu: Rubens, Simeons, Levis, Juda, Isachars, Zebulons, Gads, Asers, Dans, Navtalus, Jezups un Benjamins. Jezups beja porduts nu sovim brolim uz Egiptu, bet Divs Kungs devia jam sovu svetejbu un padareja viniu par pirmu pec keninia kungu. Jezups atvedia uz Egiptu dzejvot sovus brolus ar tavu, un tur Židi dzejvoja lejdz divejim simtim godu un daudzi jus pisavajroja. Nu isokuma jim beja ľabi, bet pečok Egipta dzeivotaji Židus apspidia un jemia komot.

Mojžess\*\*) pec Diva valas Izraela ciltis izvedia nu Egipta nevalas; brejnejgi jus porvedia caur Sorkonu jiuri un atgoja uz Arabijas tuksnesi. Te uz Sinai kolna Divs Kungs devia laudim caur Mojžesu sovu desmit bauslejbu, kuras socas ar

vordim: „Es esmu tovs Divs un Kungs, kurs esmu tevi izvedis nu Egipta zemes nu nevalas noma. Tev nebius svešu Divu turet pret mani,“ un taj tolok, kaj skajtom potorus.

Židi dzejvoja tuksnesi čettrudesmit godu, cikam igoja apsulejtajá zemé. Divs dareja del jus daudzi brejnumu. Židi rejzi agri rejta iraudzeja visaplejk ľeľu rosu, uz kuras beja daudzi sovajdu putromeniu, tis ir, tajdu boltu azbareniu, kaj snigs. Brejnodamis tod Židi vajvoja: „Kas tis ir?“ Mojžess jim atsaceja; „Tej ir majze, kuru Divs Kungs idevia jums del ešanas.“ Tus putromenius vajadzeja tik lasejt un tod cept majzi, kura beja bolta un gorda, kaj ar madu. Bez šitos brejnejgos majzes, saucamas par „mannu“, visi ji biutu nudzejbuši nu boda.

Mojžess pec Diva valas patajseja sadarešonas skrejni un pornasamu baznejceni, voj citim vordim, mozu mojeniu, patajsejt taj, ka ju vareja vigli pornest nu vitas uz vitu. Itamá mojenia beja nulikta Sadarešonas skrejnia.

Mojžess sovu broli Aaronu isveteja par visuaugstoku baznejckungu. Tod del parodejšonas laudim, ka pats Divs caur ju pasaucia Aaronu uz tajdu gudu, Mojžess saľaseja nu ikkotra ciltsvacoka pa vazaj; uz tom vazom bej pirakstejti cilts vordi. Uz vazas Levis'a cilts beja uzrakstejts vords — Aarons. Visas tos vazas Mojžess nulika pornasamá baznejceniá pret Sadarešonas skrejni. Reita agri iraudzeja visi, ka Aarona vaza ajzzideja: soka ľopot, rodos pučas un augli.

Pec Mojžesa por visuaugstoku versiniku Židim beja Jozue\*); tis Židus ivedia apsulejtá zemé, porgoja brejnejgi visi ar sausim kojom upi Jordanu. Pec Jozue noves Židus valdeja, taj saucami, Sudejtoji\*\*); varejgoki nu tim beja; Gedeons, Samsons, Heli\*\*\*) un Samuels.

Par pirmu keninu beja Sauls. Pec Saula valdeja Davids; tis beja riupejgoks dzar Diva gudu par visim Židu keninim,

\*) Jozuas.

\*\*\*) Sogi.

\*\*\*\*) Gideans, Simsans, Helus.

\*) Noass.

\*\*\*) Mozus.



piraksteja daudzi dzišmu\*), kuras un mes tagad Divu slavinojami dzidojam. Davids ari dabojā nu Diva zinot, ka nu jo cilts dzimuma atis Pestejtojs. Pec Davida valdeja vinia dals Salamons. Tis izbuveja Jeruzalemas bazneju un isveteja ju ar lelu gudu un jaukumu. Par Salamona trona mantiniku topa jo dals Roboams. Tamā laikā Zidu zeme izadalejas divjom kenestim: vina nu tom saucias par Izraela kenesti, utra par Judas. Izraela kenesti keniniu goļvona\*\*) pilsata beja Samarija, un Judas kenesti Jeruzalema. Divs siuteja Zidim profetus, kuri laudis moceja, rodeja lobu celu un pimineja Pestejtoja atnokšonu. Par tajdim profetim beja: Eliass, Elizeuss, Jonass, Izaiass, Jeremiass, Ezechiels, Daniels un daudz citu. Bet Zidi nevisod jus kļauseja, ļajkim atsastojā nu ejsto Diva un dzejvoja kaj pogoni; todel Divs Zidus nustropeja ar karim un nevalu. Nu Diva daļajzšonas Asirijas keninš Salmanasars visu Izraela kenesti izjaucia un pajemia lauds zam sovas valdejšonas. Judus kenests ari ilgi nepastoveja, bet tika zam Babilonas keninia Nubuchodonzora valdejšonas. Jeruzalema un bazneja topa izjauktas. Nevala Babilonā pastoveja 70 godu. Zidi tamā garā ļajkā atsagrizia uz Divu, un zeļejgajs Divs jus ipricinoja. Jaunais Persišu keninš Kiruss palajdia jus uz sovu molu; un tiulen lejdz 50,000 Zidu zam Zorobabela vadejbas grizes atpakal uz tavuzemi Palestinu, izbuveja Jeruzalemas pilsatu un bazneju nu jauna, un dzejvoja otkon tavu apsulejtā zemē gajdejdamī vinumar Pestejtoja atnokšonas.

Nutika taj, kaj beja nu Diva pascejts vel raja dorzā, un kaj profeti sludinoja. Ne drejzi, bet pec 4000 godu gajdejtajs Pestejtojs atnociā uz pasauli, tis ira, utra Visusvatokas Trejadibas Persona, Diva Dals, neporstodams biut par Divu, topa ari par cilvaku, un pajemia vordu JEZUS.

Tulajk kad Zidu baznejkungs Zakariass Divam kolpoja kiupinodams pi oltora nu tiribuluma, pasarodejas jam Engels

\*) Salmu.

\*\*) Goļvas pilsata.

un pasludinoja, ka jo siva Ilza pidzimdinos daļu, kuram vords bius Jons, un tis sagatavos laudis uz pijimšonu nokušo Pestejtoja.

Seši mēneši pec to tis pats Engels Gabriels beja siutejts nu Diva uz mistu Nazaretu pi Jumpravas Marijas, saļaulotas ar Jezupu nu Davida cilts. Kad Visusvatoko Jumprava Marija liudzia Diva, Engels stojis pret viniu un pasaceja; „Esi stejcinota, pilna zelestibas, Kungs ar Tevim.“ Kad Jumprava Marija nu tim vordim nusabejda, Engels otkon jaj saceja; „Nesabejst, Marija, esi atroduse zelestejbu pi Diva. Tagad ijimsi un pidzimdinosi Dalu un liksi Jam vordu Jezus.“ Tulajk atsaceja Visusvatoko Jumprava Marija: „Še es esmu muna Kunga kolpiune, ļai man nūtejk lejdz tovam vordam.“

Drejzi pec to Jumprava Marija apraudzeja sovu radiņeju Ilzu, kura Diva Moti iraudzejuse atsasaucia: „Tu esi svatoka storp visom sivitem, un svats ir auglis tovas misas.“ „Un nu kurines man tis, ka muna Kunga Mote atgoja uz manim?“

Kad par Rima kejzeri beja Augusts, un Herods par Zidu keniniu, Jumprova Marija un Jezups atgoja nu Nazareta uz Betlejemu ajzarakstejt, kaj beja pavalats nu kejzera. Un niu, ite tamā pat naktī pidzima Kungs Jezus nu Visusvatokos Jumpravas Marijas. Vinia Mote satina ju tejtovos un ilika silé, todel ka Jezupam ar Mariju nakts moja beja stallī. Tamā šalti Engels pasarodeja gonim, kuri sorgoja lupu tejrumā un saceja jim: „Nesabejstit, raug, es sludinoju jums un visim laudim lelu pricu, ka šudin pidzima jiusim Pestejtojs Kungs Jezus Davida mistā. Un tu zejmi dumu jums: atrassit berneni, satejtu tejtovos un iliktu silé.“ Kad Engels beidzia runot sasavinoja ar ju daudzi citu Engelu, kuri slavinoja un gudinoja Divu dzidodami; „Guds Divam augstejbā un vers zemis mirs laudim, ļoba prota.“ Goni atteceja uz Betlejemu un atdevia gudu Berneniam — Divam. Ne ilgi pec to atbraucia trejs kenini nu austruma zemes\*) pasakļanejtu Kungam

\*) nu rejta puses.



Jezam, upureja Jam zaltu, kiupinojamu viroku\*) un mirres, tis ir oleju, kurs sorgoj nu majtošonas. Ceturdasmitá diná pec Jeza pidzimšonas Jumprava Marija ar svatu Jezupu nunesia Pestejtoju uz baznejcu Jeruzalemá, ka tur Ju upuret Divam Tavam, un izpildejt Mojzeša likumu.

Drejzi Herods jemia kaut zemé bernenius gribadams Pestejtoju nunovet. Tulajk Engels pasarodejas svatajam Jezupam sapiná, un lika jam ar svatu Berneniu un Jo Moti begt uz Egipta zemi. Pec Heroda novel Svato Sajme atgoja atpakal un dzejvoja Nazareta mistá.

Kungs Jezus lajcejgos dzejves divpadsmitá godá rejzé ar sovu Moti un svatu Jezupu atgoja uz Jeruzalemas baznejcu Lejdines lajká, un te sadadams baznejcá storp roksta mocejtojim, klausejos jus un vaicoja, un visi brejnojso Jo gudrejbjaj. Nu Jeruzalemas mista Kungs Jezus atgoja uz Nazaretu un beja paklausejgs sovaj Motej un sv. Jezupam; palejdzeja vinim ikdiniškús dorbús, un auga godús pasavajrodams ikš gudrejbas un zelestejbas pi Diva un laudim.

Kungs Jezus, kad Jam bej jau godu 30, atgoja uz Jordanu, kur svatajs Jons Kristejtojs saucia Židus pi graku vajdešonas; sludinot, ka Pestejtojs jau atnocia, un ka Jis bius nukauts, kaj Diva Jars, un taj nucels pasaula grakus. Tus kuri pakutavoja sv. Jons kristeja Jordana upé. Kungs Jezus ari pijemia kristejbu nu sv. Jonia, un kad tikku izgoja nu iudinia, atsavera vers Jo dabasi, un Divs Svatajs Gors boļuza izskotá nustoja uz Jo, un topa dzerdats bolss nu dabasim: „Tis ir muns milejgajs Dals, ikš kura ir man paticis.“ Kungs Jezus pec kristejbas nugoja uz tuksnesi, kur biudams 40 dinu un nakšu gaveja, niko neesdams un nedzerdams, un beja kardinots nu valna.

Kungs Jezus ar sovu Moti nugoja rejzi uz kozom misteniá Kaná. Kad pitriuka tur vejna, Pestejtojs uz sovas Motes liugšonu padarija visim redzejt pirmu brejnumu, ejsti, iudini porvarsdams par vejnu. Nu to lajka Kungs Jezus isoka

sludinot sovu dabasu mocejbu; drusku garoká par trejim godim lajká apraudzeja Židu zemes solas, mistenius, pilsatas, visur labi darejdams. Moceja lauds dabasu gudrejbas un dareja visajdus brejnumus, kaj pimaram, dzideja t. i. zoleja slimus, oklus, kurslus, mamus, klibus, visajdus špitaligus, uu numirusus cela nu mirunim ar vinu tik sovu vordu. Daudzi kas, redzedami Jo divišku vari Jam iticeja un palika par jo moceklim. Nu tim moceklim Kungs Jezus izveleja divpadsmit un pasaucia jus par apustolim. Tus apustoļu vordi ir šajdi: Pilers, kuru Kungs Jezus icela par sovu vitiniku, tis bej par pirmu Pavestu, t. i. svatu Tavu un Rima Vejskupu, Visuaugstoku Baznejcas Valdiniku. Citi apustoli beja par pirmim vejskupim, jus vordi ir: Andrivs, Jons, Pilips, Jakubs, vacokajs, Bartuls, Tums, Mateuss, Sejmans, Tadeuss aba Juda, Jakubs jaunoks un Judass Iskariots. Kajdu rejzi Kungs Jezus iraudzedams baznejcas priksas nomá, vušku, boļužu un citu upurej vajdzejgu litu percejus un pordevejus, patajseja pejkcu nu aukleniom un izdzina visus sacejdams taj: „Nedorit muna Tava nomu par pardutovu. Muna moja bius nusaukta par liugšonas nomu, un jius patajsejat viniu par slapkauniu oļu\*).

Vins lels Židu kungs Nikodems vordá atgoja uz Pestejtoju nakts laiká gribadams izzinot, ko vajag ka topt ispestejtam. Kungs Jezus atbildeja: „Patiši tev soku, jo kas nepidzims otkon nu jauna nu iudina un Svata Gora (caur sv. kristejbu), nevaris iit dabasu valstejbá.“

Kad Kungs Jezus idams ar Apustolim caur Samariju pikusa, atsasada pi okas, uz kurini atgoja nezkajda sivite pec iudinia. Jezus papraseja, ka idutu Jam atsadzert, un pečok saceja uz šiviti taj: „Ikotris kas dzer šitu iudini, vel slops, bet jo kas dzertu iudini, kuru es jam dušu, ne slops miuzam. Un iudins, kuru es jam dušu, tops ikš vinia par iudinia olutu, takušu uz miuzejgu dzejvi.“ Šamá lejdzejbá Kungs Jezus ruvoja par Gora Svata zelestejbu, kura visim laudim bej ajzpel-

\*) Iadona.

\*) bedri, dubi.



nejama caur Jo muku un novi, un kura dud ticejgim dabasu valstejbu.

Rejzi Kungs Jezus izkops kolnā, vujceja sovus mocekļus, taj sacejdam: „Svetejgi ir nabogi gorā, jo jus ir dabasu valstejba. Svetejgi ir lenejgi,\* ) jo vini imontos\*\* ) zemi. Svetejgi ir ti, kuri raud, jo vini taps ipricinoti. Svetejgi ir ti, kuri ir olkoni un slopst pec tajsnejbas, jo vini bius pabaroti. Svetejgi ir milasirdejgi, jo vini milasirdejbas dabos. Svetejgi ir mira darejtoji, jo vini taps nusaukti par Diva barnim. Svetejgi ir, kuri tajsnejbas del ciš vojošonas, jo jus ir dabasu valstejba.“

Rejzi, kad daudzi laužu kļausejos Pestejtoja mocibas, un kād jim nebeja edinia lejdz, Kungs Jezus picus majzes kukulus un divi zivs sveteja un lika Apustolim izdalejt laudim, kuru ti beja vairok, nekaj picas tiukstušas. Vini paedia un tika sejti. Pec tos brejnejgas pabarošonas Jezus moceja taj: „Patiši soku jums, kas tic ikš manis, tam ir miuzejga dzejve; es esmu dzejvo majze, kura nukopia nu dabasim. Kas itu majzi ess, dzejvos miuzejgi; un majze, kuru es jam dušu, ir muna misa del pasaula dzejvis.“ Ar tim vordim ir pasludinota Visusvatoko Sakramenta istodejšona. — Rejzi Kungs Jezus pavajcoja Apustolu, par ku Ju vini tur? Sejmans Pitera atsaceja: „Tu esi Kristus dzejva Diva Dals.“ Uz to Kristus atsaceja: „Svetejgs esi Sejman, Bar-Jona, ajzto ka ne misa un asnis tev ir tu sacejuši bet muns Tavs, kurs ira debesis. Un tev šoku, ka tu esi akmins,\*\* ) un uz ito akminia izbuvešu munu baznejcu, un elles vorti (tis ir spaks) jos neizvares. Un idušu tev atslagus dabasu valstejbas. Un ku tik sasisi vers zemes, bius sasits un debesis, un ku izrajsejsi vers zemes, bius izrajsejts un debesis.“

Mukaj tivojutis, Kungs Jezus pajemia trejs Apustolus: Piteri, Jakubu un Joni; uzkopia ar jim uz augsta kolna, un

\*) lana, pazemejgo saderejgo prota, romi.

\*\* ) dabos.

\*\*\* ) klints = akmins.

porsamejas pret vinim. Jo vajgs spejdeja, kaj saule un drabes palika boltas, kaj snigs. Kungam Jezam suplok pasarodejos divi vejri apliti ar spudrumu, Mojzeš un Eliass, un runoja ar Ju ap nokušu muku un novi Jeruzalemā. Pečok spudris mokuls\*) jus apkļoja, Mojzeš un Eliass topa neredzami un nu mokula izgoja bolss: „Tis ira muns milejgajs Dals, kurā ir man ciš paticis, Jo kļausit.“

Kad atgoja lajks, kurā Kungs Jezus beja nusprids cist por miusim, tod goja ar Apustolim uz Jeruzalemu. Ne tol nu mista biudams, Kungs Jezus atsasada uz jauninka ezela un ijoja Jeruzalemā. Mista dzejvotoji izgoja priškā Pestejtojam leļā pulkā, ka Ju satikt, kaj sovu keniniu, nesia palmu zorus, un pricejgi apsveicia tejkdami: „Hosanna Davida Dala, Svetejgs kurs atnoc Kunga vordā, Zidu keninš.“

Padejā dinā pret sovu muku, tis ir Leļajā Caturtdiniā Kungs Jezus edia ar sovim moceklim leldines jereniu, un kaj licejbu sovas bezgalejgos milejbas del laudim, atdeviā jim Sevi Pati par barejbu. Pajemia majzi, sveteja ju un porvertia par sovu Misu, vejnu otkon porvertia par sovu Asni, un devia tu visu Apustolim jimt un baudejt,\*\* ) piscejdams, ka un ji pečok tu pat darejtu, turedami svatu Miši un izdalejdami Visusvatoku Sakramentu. Pec padejom vakareniom Kungs Jezus vujceja Apustolus, ka del imontošonas miuzejgas lajmes nepicišami vajag pazejt ejstinu Divu un nu Jo pasaulam atsiutejtu Pestejtoju; ka jotie ikš vinia, jotur nuceja\*\*\* ) un milejba. Todel saceja uz vinim taj: „Es esmu vejna kuka caļms un jius atvases.\*\*\*\* ) Kas dzejvoj ikš manis, un es ikš vinia, tis daudzi auglu atness, ajzto ka bez manis ninika nevarit padarejt. Ticat ikš Diva un ikš manis ticit. Jo milojat Mani, pildit munas bauslejbas. Un Es liugšu Tava un citu Ipricinotoju dus jums, Goru tajsnejbas, kura pasauls nevar pijimt,

\*) tiuč, debess.

\*\* ) est un dzert.

\*\*\* ) cerejba.

\*\*\*\* ) atlasēs pazares.



todel ka Jo neredz, nedz Ju zina. Bet jius Ju pazejsit, ka ikš jiusim dzejvos un ikš jiusim bius.“ Tiulen pec to Kungs Jezus ar Apustolim goja Eleja dorzá un ti liudzia Tava sacejdams taj: „Tavs, jo gribi, nucel nu manis tu bikeri; laj gon ne muna, bet Tova vala laj nutejk.“ Tod rodos pi Jo Engels Ju idrusinotu.

Tulajk atskreja ti Judass pordevejs ar karavejrim un Zidu versiniku kolpim, sajemia Pestejtoju un sasitu atvedia uz Tisu pi Annaša un Kaifaša. Peçok Zidi stodeja Ju pret Pilatu, gribedami Ju nutisot uz novi, todel ka saucia sevi par Diva Dalu. Pilats atdevia Kungu Jezu Zidim pisist pi krista. Tiulin ajzvedia Pestejtoju uz Kalvarijas\*) kolnu un ti Ju pikola ar noglom pi krista. Kad topa pacalts uz krista kuka, saula apsatimsoja un tims beja trejs stundes. Zam krista stoveja Visusvatoku Jumprova Marija, Jeza Mote, vel Kleofasa Marija, Marija Madala un svatajs Jons Apustols. Kaj tik Kungs Jezus numira uz krista, ikš baznejcas porplejsa tos ajzkortnes, kuras svat-svatu vitu nu atlikušas baznejcas dalas škejra. Akmini škaldejos gobolim, numirušu škersti\*\*) tajsejos valá un dazi nu tim, atgojuši uz mistu pasarodejos dzejvotajim. Tamá pat diná zam vokoru nujemia Kunga Jeza Misu nu krista un pagloboja jauná grobá, izkolta nu akminia. Zidi groba dubes durovas pispidia ar smogu akmeni un pastateja karavejrus par sorgim. Bet raug, Kungs Jezus tresá diná ar sovu divišku vari augšan celas nu mirunim un izgoja nu groba, neajztikdams akmenia, nedz peçetes\*\*\*) lauzdams. Sorgotoji nusabejda un palika nu bajles, kaj numiruši.

Pec augšan celšonas nu mirunim Kungs Jezus palika vel 40 dinu te vers zemes. Rodejos sovim moceklim, moceja jus ap sovu svatu baznejcu, un lika jim it uz visu pasauli sludinot Evangelijumu sacejdams: „Idami tod mocat visas cilts kristejdami jus ikš vorda Diva Tava un Dala un Svata

\*) Golgotas.

\*\*) grobs = škersts.

\*\*\*) zegels = peçete.

Gora. Kas itices un taps nukristejts, tis bius izpestejts, un kas netices, bius pazudinots.“ Peçok Pestejtojs atgoja ar Apustolim un daudz citim ticejgim laudim uz Eleja kolnu, un nu turines jim redzejt uzkopia debesís. Tiulen pasarodeja divi Engeli un pasceja, ka tis Kungs Jezus, kurs tagad uzkopia dabasús, otkon atis postoras diná sudejt visu pasauli.

Dasmitá diná pec Kunga Jezus debeskopšonas Divs Svajs Gors atnocia guns melu vejdá\*) uz Apustolim, sasalasejušim vinuvit ar Visusvatoku Diva Moti tamá ustobá, kur beja padejos vakarenias pret Kunga Jezu muku. Divs Svatajs Gors apskajdrinoja sv. Apustolu protu, istiprinoja jus ticejbu, un Apustoli, kaj ari peçok jus vitiniki, jau niko nesabejdami, sludinoja un sludinoj visim svatus Kunga Jeza vordus, un visi, kuri tic Diva patisejbom, caur svatu Katolu Baznejcu sludinotom, tus sauc par kristejtim laudim, t. i. Katolim. Un kaj Kungs Jezus citia par patisejbu, taj un Jo ticejgi kolpi citia un ciš visajdas apspišonas un vorgus nu sliktim laudim. Visi Apustoli topa numucejti par Ticejbu, vins tik svatajs Jons Evangelists numira vacuumá ar sovu smerti, laj gon un jis nu pogonu keizera beja isvists varduša eleja kotlá, bet nesadaga, Divs ju izglobia.

Rejzi sv. Pitera Apustols ar sv. Joni goja baznejcá. Pi durovu iraudzeja sliemu cilvaku, kurs nu pošas pidzimšonas nevoreja stajgot. Tis nelajmejgajs praseja nu Apustolim kaladas. Sv. Pitera atsaceja: „Man nav zalta, nedz sudobra, bet ikš Kunga Jeza vorda celis kojós un stajgoj.“ Tiulen tis klibajs topa vasals, igoja baznejcá Divu gudinodams. Lauds brejnojās redzedami tajdu Apustolu spaku. Tulajk sv. Pitera jemia jus mocejt, ka ne ar sovu spaku tu izdareja, bet ikš Jeza vorda. Moceja ari, ka bez ticejbas ikš Kunga Jeza nikas nevar biut izpestejts. Nu tos sv. Pitera mocejbas lejdz 5000 cilvaku pijemia sv. Ticejbu. Kad izzinoja tu Zidu versiniki, sajemia sv. Piteri ar Joni un isludzeja vinius citumá. Utrá diná saucia tus Apustolus pret sevim un vajcoja, ar kajdu

\*) izskota, izvara = vejda, lejdzejba.



spaku ji tu klibu izdzideja? Un sv. Piters pipildejts ar Svatu Goru stosteja jim ap Kungu Jezu, ajcinodams visus atsagrist uz ejstinu Divu. Bet par velti, ti citsirdejgi Židi netikvin neiticeja, bet vel ajzlidzia Apustolim sludinot Evangelijumu. Sv. Piters atsaceja: „Voj tod pidar vajrok laužu klausejt, nekaj Diva? Mes nevarim to, ku Divs mums ir licis, nedarajt.“ Apustoli neporstoja grist lauds uz ejstinu Ticejbu. Vel utru rejzi Židu versiniki sagiva visus Apustolus un sasledzia citumā. Bet Engels attajseja durovas nakts lajka un siuteja jus, laj it baznejcá sludinot Diva vordus. Nokušá rejta Židi gribeja Apustolus nutisot uz novi, bet niko neatroda citumā, laj gon vis beja ajzslagts. Pečok daboja zinot, ka Apustoli otkon moca lauds baznejcá. Atvedia tod vel vinius tisotu. Turejz visuaugstokajs Židu baznejckungs isoka runot uz vinim: „Bejom ciši ajzliguši, ka jius nemocejt vajrs Jeza vorda, bet raug, visur dzeržam jiusu mocejbas.“ Sv. Piters uz tu atbildeja: „Diva joklausa vajrok, nekaj laužu.“ Židi voj niu plejsa nu dusmes, un gribeja Apustolus nusist. Bet vins ciši vujcejts, gudejgoks nu visa to pulka Židu, baznejckungs taj pasceja: „Izraela vejri, neesit porok drejzi pi šus laužu nustropešonas: Jo ji (tis ir Apustoli) nav nu Diva, tod viniu mocejba drejzi izniks, bet jo ir nu Diva, tod mes ninika nepadarejsim; bejstites, ka nebiut kará ar Pati Divu.“ Tu gudejgu Židu baznejckungu saucia par Gamalieli, jis pečok palika par kristejtu. Citi paklauseja šam gudrojam nuspridumam un Apustolus lajdia valá.

Taj tod ticejgu laužu beja daudz; tik daudz, ka Apustoli vini poši nespeja iztik. Izlaseja tod sev palejgá septinius vejrus, un isveteja jus par Dijakonim. Jim beja vordi: Stepons, Pilips,\*), Prokors, Nikanors, Timons, Parmenass un Mejkuls\*\*).

Svatajs Stepons, pipildejts ar Svatu Goru, dareja leļus brejnumus, vujceja lauds un grizia jus uz lobu celu. Židim

\*) Vilips.

\*\*\*) Nikolaus.

ari pormetia jus citsirdejbu. Tis ciši nepatika Židim, topec tikoja ju nukaut. Atroda divus netajsnejgus licinikus, kuri stosteja tisotojim, ka Stepons Divu sajmoj un Možeša necinej. Sv. Stepons, stojis tisas priška, pasceja garu mocejbu, kura ajcinoja uz ejstinu ticejbu, un pormetia sovim apsiudzatojim, kaj ji vinajz pretejas Svatom Goram, Židi klausejas nu isokuma, jo verdamis uz jo, redzeja visi, kaj Engela vajgu. Sv. Stepons mocejbu bejgdams pasaveria uz dabasim un pasceja šus vordus: „Raug, es redzu attajsejtus dabasus un Kungu Jezu sezut pi Diva Tava lobaj rukaj.“ Židi grizia zubus nu dusmem. Auzbozia ausis, ka nedzerdejt šus vordu; tod visi krita uz Sv. Stepona un vilka ju nu mista orá; tur ju numatoja ar akminim lejdz novej. Sv. Stepons, kad ju isoka matot ar akminim, taj atsasaucia: „Kungs Jezu, pijem munu dveseli.“ Un tiulen atsametis celus Divu liudzia lelá boļsá: „O Divs Kungs, pidud\*) jim tu graku!“ Un tu sacejdams numira ikš Diva.

Utis Dijakons sv. Pilips sludinoja svatu Ticejbu Samarijas dzejvotajim un slimus brejnejgi zoleja. Kad jau jis ti daudzi beja nukristejs, atgoja sv. Piters ar Joni, ka Kristejgim idut Istipriņošonas Sakramentu: lika tod uz vinim rukus, un taj ti pijemia Svatu Goru ar Jo dovonom.

### **Paaicinošona svato Povula Apustola un jo dorbi.**

Pi Židu versinikim, kuri vojoja Apustolus, pidareja ari Sauluss, kurs pečok, kad atsagrizias uz ejstinu ticejbu, ir nusaukts par Povulu. Židi taj apspidia un komoja kristejtus lauds, ka ši, pamasdami Židu zemi goja dzejvot kur citur. Sauluss braucia uz Damaskas mistu vordzinot tur kristejtus. Bet celá, kad beja jau netol nu Damaskas, apleja ju lels spudrums nu dabasim, jis nukrita nu zirga zemé, un tod izdzerda

\*) atlajd = pidud.



bolsu: „Saul, Saul, kam tu mani vojoj?“ Sauluss atsaceja: „Kas tu esi, Kungs?“ Un dabojā dzerdet: „Es esmu Jezus, kuru tu vojoj.“ — Trejsedams nu bajles Sauluss saceja otkon: „Ku gribi, o Kungs, ļaj es doru?“ Un Kungs Jezus atbildeja: „Celis iej mistā, un tur tev bius pascejts, kas jodora.“ Tamā pat ļajkā Kungs Jezus pasarodejos kajdam baznejkungam Ananijam, un atsiuteja ju uz Saulu. Sauluss pec iraudzešonas to brejnejo spudruma nu dabasim palika oklis; mistā inocs, gaveja un karški liudzia Diva. Baznejkungs Ananijas atgojs uz ju pasaceja: „Saul, Kungs Jezus mani atsiuteja uz tevim, ka tu otkon redzatu un toptu pipildejts nu Svata Gora.“ Tiulen nukrita nu jo acim, kaj kajda plevejte, jis palika vasals, un tamā pat šaltī ir nukristejts un nusaukts par Povulu. Nu to ļajka Povuls ejstin atsagrizia uz Divu, palika por svatu un lelu Apustolu visom pasaula ciltim. Jis ari piraksteja 14 vestulu, aba gromotu, kuras skajtom Svatūs Rokstūs. Ļaj gon Zidi sv. Povulu vinajz komoja un sasarunoja ju nukaut, bet Divs globoja sovu kolpū. Jis porstajgoja daudzi zemes molu un atgrizia daudzi laužu uz ejstinu Divu. Pedejgi, kad jau pulks jam beja lobu dorbu un nupalnu, ir numucejts Rimā mistā. Pogonu keizers Nerons lika sv. Povulam nucerst golvu ar zubinu. Jo novel dinu, kaj isokumu Jo miuzejgi ļajmejgas dzejves, svetejam 29 Junijā, aba vosoras menesī.

### Ap svato Pitera Apustola dorbim.

Svatajs Pitera, tis Apustolu keninš, kaj pirmajs Pavests\*) apstajgoja un apraudzeja ticejgus laudis.\*\*\*) Kad igoja uz pilsatu,\*\*\*) kuram beja vords Lidda, atroda tī slimu cilvaku Eneasu vordā; tis jau ostoniu godus guleja ciši slims, taj ka

\*) Rima Tavs, Papezs = Pavests.

\*\*\*) lauds = cilts — tauta.

\*\*\*\*) ļeļs mists.

pats nevareja pasakustinot. Sv. Pitera uz viniu pasaceja: „Eneas, Kungs Jezus dud tev veselejbu, celis un patajs sev gulamu vitu.“ Un slimajs topa pavisam vasals.

Joppas pilsatā numira kajda sivite Tabita vorda. Tej beja ciši divabajlejga un zelsirdejga.\*) Kad mironi numozgoja un nulika ustobā, siuteja uz sv. Piteri, liugdami jo, ļaj atit uz jim. Kad sv. Pitera igoja ustabeniā, kur numirušo guleja, apstoja ju atrajtes un rodeja raudodamas drabes un svorkus, kuras beja dabojušas nu zeļejgos Tabitas. Sv. Pitera, pasacejs visim izit orā nu ustobas, atsametia celūs un liudzia Diva. Pečok pasaceja: „Tabita pisacel.“ Jej tiulen atpletia acis un, iraudzejuse sv. Piteri, atasada. Sv. Pitera pasnedzia ļaj ruku un palejdzeja stotis kojós. Tulajk sasaucia visus ustobā un atdevia jim Tabitu dzejvu un vasalu.

Cezareas pilsatā dzejvoja kajds kungs Korneliuss vordā. Ļaj gon jis pidareja pi pogonim, bet beja tajsnejgs un zelsirdejgs. Divs uz ju apsazāloja un paajcinoja uz ejstinu ticejbu, ka varetu biut ispestejts. Divs atsiuteja uz Korneliussu Engeli, caur kuru lika jam liugt uz sevi sv. Piteri. Sv. Pitera ti nugoja, izmoceja un istiprinoja ikš svatas ticejbas Korneliusu un visu jo moju.

Ap tu pošu ļajku Zidu zemes keninš nucerta ar zubinu sv. Jakubu Apustolu, un redzedams, ka tis Zidim patika, gribeja jau sv. Piteri numucejt. Sajemia ju un isadinoja citumā. Sešpadsmit karavejru sorgoja saslagta ar dzelza pinaklim sv. Pitera. Visi ticejgi lauds bez porstošonas liudzia Diva, ka jis izglobtu sovu pirmu vitiniku vers zemes. Un, raug, tamā pat naktī, pec kuras Zidu keninš Herods Antipas nuspridia izvest sv. Piteri uz novi, Engels pasarodeja svatajam Piteram citumā un pasaceja. „Celis mudri, apsaterp un ej pec manis.“ Tiulen nukrita dzelza pinakli un sv. Pitera izgoja taj, ka nikas jo neredzeja. Jis pečok atgoja uz Rimas\*\*) pilsatu. Te pa-

\*) zeļejgas sirds, milasirdejga.

\*\*\*) Roma = Rims, Rima.



stovejgi dzejvoja leidz sovaj smertej, un kaj visuaugstokajs Rima un pasaula Vejskups, Svatajs Tavs t. i. Pavests, valdeja Katolu Baznejcu 25 godus.

### Par Baznejcas Versnejcibu un jos vari.

Pec sv. Pitera, jo vità, par visaugstoku Rima Vejskupu, tis ir Svatu Tavu tiulen topa icalts un isvetejts sv. Linus. Kad itis ari topa par ticejbu numucejts, tod par tresu Pavestu beja sv. Kletus, par caturtu sv. Klemens, un taj visod, lejdz šaj dinaj, numirusus vità stojis jauni Rima Tavi. Tagadejis Svatajs Tavs, t. i. Pavests ira nu ajlas 263 pec sv. Pitera, Pestejtoja vitiniks, un vords jam ir Leons XIII. Tis tod Visuaugšok Cinejamajs Leons XIII tagad\*) valdej visu Katolu Baznejcu uz visa pasaula. Svati Tavi tis ir, Visuaugstoki Rima Vejskupi ira par redzamu Katolu Baznejcas golvu, ira par Kunga Jeza vitinikim vers zemes. Ji tod, tis ir, Pavesti icel un lik svetejt Vejskupu, kuri ari valdej nu Pavesta jim dutu zemes apgabali. Vejskupi, ar dabotu sev nu Svata Tava vari, isvetej un siuta baznejkungus pa draudzem,\*\*) Redzi, milajs lasejtojs,\*\*\*) tajda ir vinejba un kortejba Katolu Baznejcà. Visuaugstoki Rima Vejskupi, tis ir, Pavesti daboja pilnu vari iks Katolu Baznejcas nu Patia Diva. Un vel taj Divs padareja: kad ku Pavests nuspriz un vujca iks doramim un Ticejbas litom, kaj nipicišami ticamu, tu visim jopijam, jotie, jodora. Vejskupim ir joklausa Svata Tava. Pavests tod Vejskupu siuta valdejt Katolu pasaula apgabalus. Visi baznejkungi ira paduti Vejskupa porvaldejšonaj. Vejskupi jus tisoj, voj stropej, voj porcel uz citom vitom, jo ira vajdzejba. Taj ira, mili lasejtoji, ka lauds poši nevar baznejkungu ni tisot, nedz stropet, nedz nu draudzes izdzejt,

\*) tis ir, kad raksteju šito gromotenu 1900 godà.

\*\*\*) parapeja = draudze.

\*\*\*\*) skajtejtojs.

nedz cita baznejkungu uz sevim pasaukt: jim nava del to spaka; tu var izdarejt tik Vejskups, kura jiusim lautenim ir vare tik prasejt tajdòs biušonòs. Ajsto ka gorejgajs spaks un valdejba celas ne nu laudim, un nav pi laudim, bet nu Patia Diva ir atduta Svatajam Tavam, tis ir, Pavestam visà Baznejcà, un kotram Vejskupam sovà apgabali. Vejskupim ajztikam ir tos vares un spaka, ajzcikam Pavests ir jim devis un dut. Baznejkungim otkon ajztikam tik ir gorejgas vares, ajzcikam jim ir idevs to apgabala Vejskups. Taj paraugam, Vejskups var ajzligt kajdam baznejkungam spovedet un tulajk, jo tis baznejkungs spovedatu, tajda spovedešona biutu par velti, jis nespej turejz grakus atļajst. Vejskups ari var, piemaram, pasacejt baznejkungam, ka tajdus un tajdus lelokus grakus tev nebius spaka atļajst; un baznejkungam ir svati to joklausa, un jo tropejtus kam atit ar tajdim grakim pi to baznejkungu spovedatus, tod jis nedutu graku atļajšonas, bet voj siutejtu tu cilvaku uz pati Vejskupu izaspovedet, voj pi cita baznejkungu, kuram ir to graka atļajšonas vare, voj pats rakstejs uz Vejskupu, ka atsiutejtu jam patim tu vari.

Ne tik vin Svatajs Tavs visur, bet un Vejskups sovà vejskupejba ikkotru cilvaku por lelim grakim un porok sliktu dzejvi var atškert nu Katolu Baznejcas, vaj citajz sokut, var citsirdejgu un nepaklausejgu greciniku izlodet. Pec tajdos nustropešonas tis cilvaks jau nepidar pi ticejgu Katolu draudzes, jam nava dalas nu Baznejcas liugšonom un nupalnim; citim ticejgim nav brejve ar viniu draudzetis un turet kajdas darejšonas. Nevar pijimt nivina sakramenta un jo taj neizprasejs tos stropes nucelšonas numertu, tod ju bez visajdu liugšonu un potoru, kaj kajdu pogonu, vajdzatu globot ne kopus, bet citur kur, nesvetejtà vità. Raug, kajda ir Baznejcas strope del sliktim un nepaklausejgim grecinikim. Laj Divs mius sorgoj nu nepaklausejbas Baznejcas likumim. Kas grib biut par ejstinu Katoli, tam svati joklausa sova Vejskupa un tus, kurus Vejskups siuta, tis ir, baznejkungu iks ticejbas litom.



### Par Sv. Baznejcas cišonom.

„Karošana\*) ir cilvēka dzejve vers zemes,“ taj soka Svati Roksti. Kungs Jezus citia, un miusim ir daudz jociš, daudzi jopanas cikom tiksīm dabasu valstejbá. Todel ticejgi lauteni vers zemes saucas par kara vedeju Baznejcu. Ajsto ka Katolu laužu draudzej vajag turetis pret daudz inajdnikim.

Kajdi ir miusu inajdniki ikš svatas dzejves? Ti ir miusu pat misa ar sovom launom korejbom, tod valns, un slikti lauds. Pret tim sv. Katolu Baznejca visod beja un ir vajdús, aba kará; jej turis un kaunas, un tis kars neporstos lejdz pasaula golam. Jo Kungs Jezus nebiutu ar miusim, jo Divs Svatajs Gors nevaldejtú ikš Katolu Baznejcas, ejstino ticejba jau sen biutu izgajsuse vers zemes; bet Kungs Jezus apsamia biut miuzejgi ar Svatu Rima Tavu un Katolu Vejskupim, todel nav ko porok bejtis, ceresim\*\*) drúši, ka svata Katolu Ticejba nikod neizgajss: jej bius vers zemes lejdz postoraj dinaj, kad jau un visi ticejgi Diva kolpi iis dabasu pricas Baznejcá, un slaucamus muku Baznejca ari bejksis.

Kaj jau dzerdejat, nu pošá isokuma sv. Baznejca citia nu Židim un pogonim. Židi pisita pi krista Pestejtoju, ji Apustolus komoja un citus numuceja, ji pirmus kristejtus lautenius vojoja un vordzinoja. Pečok kad jau Židu spaks bej pa golam, pogoni isoka vel brismejgok mucejt Katolu ticejgus. Pogonu keizers Nerons lika pisist pi krista svatu Piteri un nucerst golvu svatam Povulam. Jis giusteja kristejtus lautenius un svidia plesejgim zverim par barejbu. Citus bozia majsá, kurá apmarcadami elejá, voj svečús, dadzinoja dzejvus; citus otkon dadzinoja ar guni, vaj kopoja jus misu gabalenim, vaj voreja kotlá, un taj vel. Svatus muceklu\*\*\*) asnis lejas upiom, bet brismejgi viltejgajs pogonu keizers neizvareja un neizdeldeja svatos ticejbas. Ne tik vin

\*) Karošana = kars, vajdi.

\*\*) turesim nucejú.

\*\*\*) numucejts.

Nerona bezdivejgo un varmacejgo\*) valdešonas lajká, bet un zam citu pogonu keizeru lajka bej jociš kristejtim laudim tajdas pat mukas. Un ne simtim, nedz tiukstušom vin, bet daudz milionim skajtom svatus muceklus, kuri tamá lajká atdevia dzejvi par ejstinu Katolu Ticejbu.

### Pogoni porstoj vojot sv. Baznejcu.

312 godá par pogonu keizeru palika Konstantins. Itis pats palika par kristejtu katoli Rimá un ajzlidzia komot laudis par svatu Ticejbu. Tulajk porstoja vojot un kaut ticejgus lautenius, beja duta vala ikkotram mirejgi Divam kolpot. Laj gon pečok atsarodas slikti keizeri, voj kenini, kuri pa citom molom muceja par ticejbu, bet tej mucejšona un kaušona zeme nepastoveja tik garu lajku, nebej taj plāši izplatejta, kaj pirmok.

### Par viltejgom ticejbom.

Pilnejgs mirs nebeja nikod iduts kara vedejaj Baznejcaj vers zemes. Porstoja zemes valdniki kaut zemé, tulajk atsaroda viltejgi profeti, valna sulajni, kuri isoka sludinot viltejgas\*\*) ticejbas, ar kurim kova dveseles, škerdami laudis nust nu vinejgi svatas Katolu Baznejcas. Ji moceja ne taj, kaj Kungs Jezus lika Pavestam\*\*\*) un Vejskupim mocejt. Ji pošá izdumoja visajdas blenias un, neklausejdami patisejgas Baznejcas, istodeja, piviluši pulceniú laužu, jaunu izgudrotu un maldejgu ticejbu. Tajdus launus mocejtojus var skajtejt tiukstušom. Laj gon svata Baznejca, kaj želejga un milotoja Mote ir ne vinu rejzi gauži nuraudojuse, redzedama, kaj jos

\*) komotojs.

\*\*) maldejgas.

\*\*\*) Papezs.



barni, klausejdami vilteigus mocejtoju, sevi zudinoja; bet ticejgoki un gudroki lauds visod palika pi patisejbas; nedevia sevis atškert nu svatas Baznejcas vinejbas. Te nav spejams visu maldejgus ticejbu dibinotoju sarakstejt. Pimaram, pimi-nešu tik dazus nu tim.

Jau svatu Apustolu lajka celas burs Sejmans, kurs mo-neja lauds un gribeja jau pa gajsu skrajdet kaj putnis, bet sv. Pipers ar sovu liugšonu nusvidia ju zemé, un jam bej jobag prujom ar kaunu.

Pec trejim godu simtinim daudz lauzu atgrizia nu pati-sejbas kajds lepnejgs un slikts baznejkungs Ariuss vordá. Jis moceja, ka Visusvatoku Jumpravu Mariju nevajagot saukt par Diva Moti, bet tik par Pestejtoja moti, un ka Kungs Jezus nav par Divu. Par tajdim Diva sajmošonas vordim Ariuss topa atškerts nu Katolu Baznejcas, tis ir, izlodats nu sasalasejušim Niceas mistá Vejskupim, kurus vadeja svatajs Silvestrs Pavests; tis nutika 325 godá.

Piktajá godu simtiní otkon atsaroda nepaklausejgs baz-nejkungs Pelagiuss vordá, kurs stosteja, ka pirmdzimtajs graks miusim niko nekaiš\*). Par tajdu bleniu mocejbu izpla-tejšonu jis topa atškerts nu sv. Baznejcas.

Ostojtojá godu simtini Bizantijas kejzeri ajzlidzia sovas valsts ticejgim atdūt pidarejgu gudu svatus bildem\*\*), un lauteni bej vojoti caur tus launus kejzera likumu lejdz 130 godim.

Ne mozok nelajmes padareja Mortens Luters ar sovu maldejgu mocejbu. Jis pirmok beja par baznejkungu; bet bej porok lepnejgas dabas un pečok palika par palajdni un nesotejgu. Laj gon, kaj zinom, baznejkungim nav atlauts jimt sivu, bet Luters nusvidia sovas kortas drabes un apsap-receja.\*\*\*) Jis isoka sovu maldejgu ticejbu sludinot 1517 g.

\*) neškodej.

\*\*) obrozim.

\*\*\*) apsazeneja = apsapreceja.

Moceja, ka nevajag nedz Sato Tava, nedz Vejskupu klausejt, bet lauds poši var icelt ku par mocejtoju, kuram tik joprut Diva vordus un jodud mocejbas. Pec to pat Lutera mocejbas svatas Mišas ari nevajagut nedz klausejt, nedz turet; lika iznest nu baznejcom svatus bildes, izmest pukes un reli-kvijas.\*) Tis Diva pretiniks runoja, ka nevajag svatim gudu atdūt, nedz Visusvatoku Diva Moti liugt un cinejt, lobi dorbi neasut vajdzejgi un nevajagut gavet. Laj gon tajda mocejba beja luti bezdivejga, bet atsaroda lauds, kuri tu viglu jaunu ticejbu pijamia, un ji saucas par Luteranišim, voj Protestantišim, voj Evangelikim, vaj Kalvinistim un taj vel. Storp vinim pošim nav saderejbas; nav jim patisej-gas gorejgas versnejcejbas, un ikkotris viniu mocejtojs, kaj škitas, tur brejvi sovajzok mocejt. Patisejgim Katolim vajag ciši sorgotis nu tim visim viltejgim maļu-ticejbas mocejtojim, jo ji ir par Diva un tajsnejbas inajdnikim, pat par valna kolpim.

Svatajs Jons Evangelists sorgojos pat sasatikt un runot ar tajdim launa mocejtojim. Rejzi sv. Jons gribeja it uz perti, bet izzinojs, ka tur ir jau Cerints, maļu-ticejbas mocej-tojs, tiulen grizias atpakal sacejdams: „Bejstus, ka Divs manis nenusistu rejzé ar tu viltejgu mocejtoju.“ Pats Kungs Jezus soka: „Sorgojites nu viltejgim profetim,“ tis taj ir sa-prutams: „Sorgojites nu nekatolu ticejbas mocejtojim.“ Kungs Jezus istodeja tik vinu svatu Katolu Baznejcu, kas tos ne-klausejs, atsaškersis nu jos, tis nevar biut ispestejts, tam jo-pazud miuzam. To del lobok cist visajdus vоргus, lobok sovu dzejvi atdūt, nekaj ajzaligt patisos, vinejgi svatas Katolu Ticejbas.

\*) svatus kaulenius, svatus atlikumus = relikvijas.



## Par Baznejcas godu.

Kas nebius vinibá te vers zemes, nepaklausejs svataj Katolu karotajaj\*) Baznejcaj, tis netiks dabasu pricas Baznejcá. Todel, munu jauku lasejtoj, turis stipri vinejgi svatas Katolu Baznejcas, jos klausi, ar ju nuturi svatdines, ar ju pricejgis, un raud, pec goda lajkim, voj pricejgim, voj nuskumejgim.

### Par Adventu.

Sv. Baznejca svetdines svetejdama moca sovus barnus dzejvot ar Patia Kunga Jeza dzejvi. Stota mums pret acim visu, par goda lajku, Pestejtoja dzejvi. Baznicas gods isasokas ar Adventu. Tamá cetru nedelu lajka pimin laudim tus cetru tiukstušu godus, kuri porgoja nu Oduma izdzejšonas nu raja dorza lejdz Pestejtoja atnokšonaj. Adventa lajks ir par pakutas\*\*) lajku. Tamá lajká miusim pa trešdinem un piktinim jogav. Sv. Baznejca ikš liugšonom pisauc Pestejtoju, ka drejzok noktu miusu sirdí, skajtejdama nu Svatim Rokstim tus vordus, ar kurim svati Patriarki un Profeti gajdejt gajdeja apsulejto Mesijasa, tis ir, Jeza Krista. Miusim ari ar tajdu pat goru un protu joajcinoj un jogajda Pestejtoju, ka Jis pidzimtu gorejgi miusu sirdís.

\*) karatojs = karavejrs, karavedejs.

\*\*) graku vajdešona un deldešona.

Pa dažom baznejcom Adventa lajká, pret gajsmas aušošanu, svatu Mišu tur boltá ornatá Visusvatokaj Jumprovaj Marijaj par gudu. Oltora vidá stov augstoka par citom svece, taj apzejmoj par visim svatoku pec Diva Jumpravu Mariju, kura kaj rejta zvajgzne, pasarodeja pirma tajsnejbas saules, kas ir, Kunga Jeza, atnokšonas.

### Ap Zimas Svatkim.

Pec Adventa atit Zimas Svatki. Tulajk svetejam pricejgu Kunga Jezus pidzimšonas dinu. Tamá tik diná par visu godu del gorejgas pricas parodejšonas ikkotram baznejkungam ir atlauts turet trejs Mišas. Trešajā Miša sv. Baznejca atdud gudu Divam apgododama pirmu miujejgu pidzimšonu Diva Dala un Diva Tava; pimin ari tu, ka Diva Dals utro Visusvatokas Trejadibas Persona visod beja, dzejvoja un valdeja debesís miujejgi, kupá ar Divu Tavu un Divu Svatu Goru. Visim jotie, ka Diva Dals neisoka dzejvot nu to tik lajka, kad atgoja uz šitu pasauli, bet dzejvoja visod bez isokuma, miujejgi. Vel šito pasaula nebeja, kad jau itej utro Visusvatokas Trejadibas Persona Diva Dals dzejvoja rejzé ar Divu Tavu un Svatu Goru. Dzejvoja visod, isokuma.

Utrajā Mišá atdud Divam gudu un apdumoj lajcejgu Kunga Jeza pidzimšonu: ejsti tu, kaj utro Visusvatokas Trejadibas Persona Diva Dals topa par cilvaku, ka mius ispetejt. Tej pidzimšona ir taj saprutama: Diva Dals pijemia cilvaka dveseli un misu. Tu pedeju, tis ir, misu Diva Dals pajemia nu Visusvatokas Jumpravas Marijas.

Pirmajā Mišá atdod Divam gudu un apgodoj gorejgu pidzimšonu Kungu Jeza ikš miusu dveselem. Ljudz un tu Diva, ka šudin Kungs Jezus soktu dzejvot tova sirdí; uzloboj sovu dzejvi, ka tu gribatu tik lobu un svatu litu. Tod taj darejdamš dusi Divam seví vitu, Svata gora dovonas tevi ap-



skajdros un istiprinos, un neškejsts gors ajzbeigs tol n[redacted]visvatoku Jezus vordu, pilikdams klot vel Marijas vordu. tevis prujom.

Zimas Svatku pirmajā dinā nav nikod gavenia, voj la[redacted]sona ir dižan palejdzejga. Bet, brolejši mili, sorgojites tej sakristu ar piktdini; vina olga ikkotram var est galu[redacted]kt tus visusvatokus vordu par velti, bez vajadzejbās, pi Tamā dinā nav gaveni visim bez išķeršonas: todel un [redacted]tom ikdiniškom, voj jo ku monejdami sokot, voj pi smikla, var est galu, kuri ir isarakstejuši kajdōs brolestēs, kaj Skap[redacted]oj pi dusmem, tis ir ciši slikti. Pimin, ka „Tev nebius tova plerūs, voj trešajā sv. Franča Zakonā.

bet misas sliktom korejbom tus vordu „Jezus, Marija“ ajci-  
[redacted] Diva Kunga vordu nepatiši volkot.“

### Ap Januara meneša svatdinem.

Jauna Goda dinā jomudinoj mius sevi uz tu, ka Diva bauslejbas un visu Jo valu mes lobok izpildejtu. Tamā dinā Pestejtojs pijemia Visusvatoku Jezus vordu, padudams sevi Mojzeša likuma ceremonijom, kuras kaj Divam pavisam nebeja vajdzejbās izpildejt; bet visu izdareja tik del paklausejbas parauga.

Ap Treju Keniniu dinu ir irodums rakstejt uz durovom trejs kristinius ar trejim literim taj: C + M + B +, voj K + M + B +. Ši literi ir par treju keniniu vordu isokumu, ti kenini ir: Kaspars, Melkiors un Baltazars. Tu roksti sev par piminiu un atgodinojumu, ka un mes, kaj ti trejs kenini, tikom pasaukti uz ejstinu Ticejbu. Seviški pošā Treju Keniniu dinā mius jopatejc Divam, par tu visuleloku Jo želestejbu, ka mes esim Katolu Ticejbā, un joapsajam nikod tos Ticejbas neatstot.

14 Januarijā, voj svatdin pec tos dinas pa dažom parapejom svetej Visusvatoka Jezus vorda dinu. Tej ir istodejta svatdine, ka patejkt Divam par želestejbom, kuras esim dabojuši caur tu vordu. Vords Jezus ir bajlejgs del neškejstim gorim un visu miusu inajdnikim, bet miusim atnas pestejšonu un palejgu. To vorda piminešona palejdzeja un tagad palejdz uzvaret visajdas kardinošonas, un nelajmes lajkā palejdz sprukt valā nu viniu. Pimin un tu, milajs lasejtojs, tu

### Ap Svacajni.

Utrā Februara dinā svetejam Svacajnes Svatkus. Tamā dinā joapgodoj, kaj Visuskejstoko Jumprava Marija četrudasmitā dinā pec Kunga Jeza pidzimšonas atgoja ar Svatu Berneņu uz baznejcu, ka upuret Ju Divam un izpildejt Vaco Istodijuma likumu. Divabajlejšas sivites, kad Divs ir jim barnu devis, jindamas paraugu nu Jumpravas Marijas, atit uz baznejcu pi ivešonas. Tis jodora visulobok pec sešom nedelom, jonas ari berniš. Bet pisacejšonas nava, nepicišami biut ivastaj. Nav ari graka, jo kas drusku velok atit. Var un vajdzatu apgajdejt, jo sivite nebiutu pavisam vasala.

Tudin svetej sveces del parodejšonas, ka Kungs Jezus, kurs tamā dinā topa upurats Divam, ir par pasaula gajsmu. Procesiju izdora, tis ir, it ap baznejcu tamā dinā ar kristu, karugim, svatus bildem un svecem, del izliugšonas nu Diva, ka mius apskajdrinotu ar ticejbas gajsmu, un ka miusu sirdis ajzdadzinotu ar Diva un tuvaka milejbu. Tamā dinā nusvejtejšas sveces dud turet rukā pi meršonas; tu dora uz golu, ka slimajs lajmejgi numertu ar stipru ticejbu un nuceju, gribadams miujejšgi dzejvot ar Kungu Jezu.

Tejšcams ira tis irodums, kurs pastov dažōs satōs: kad inas ustabā, voj ajzdag guni, tod soka, „Laj bius Kungs Jezus gudinots,“ — atsoka „Miuzejgi miuzam. Amen.“



## Ap Lēlu Gaveni.

Ne par ilgu lajku pēc Svacajnes isasoc Lelajs gaveni Jis mums pimin Kunga Jeza gaveni tuksnesī, kur Jis 40 dienas un tik pat nakšu niko needia un nedzera. Pirmajā diņā gavenia baznejckungs ber uz golvu palnus, nu porgojuša godā sadadzinotom palmom\*) un soka: „Pimin, cilvēks, kā tu es puteklis un paliksi par putekli.“

Todel gaveni kaj, ari Adventā ira ajzligts kozas tajsejt, vaj kaj citajzok porok pricotis. Gavadami mes vajdim, stropejamis par grakim un taj atlejdzinojam Diva tajsnejbaj. Ikkotram vajag gavet, jo grib biut par lobu katoli. Pilnejgajs gavens ir tis, kad cilvēks ad vinu tik pilnu rejzi da sejtumam diņā, un kad tis ir bez galas un pina, un utru rejzi tik zam vokora drušeniū ajzad voj porkuz. Jo kas nevaretu taj gavet ajz veselejbas vojuma, voj ajz lela dorba, voj nu nabadzejbas, voj nu kajdas citas imesles, tod tam vajag prasejt sova baznejckunga, laj atlaun\*\*) gaveni paviglinot. Vari prasejt atlaunonu, vaj ceškok est, voj est ar pinu, un taj vel. Baznejcas versnejcejba var atlaut negavet. Mozim barnim, cikam dait pi prota, nav gavenia. Bet barnim un nepilngadejgim nu septenim lejdz 21 godam nevar est galas, nedz pina, laj gon gavenia edinius var est daudz rejzu diņā. Pilnejgajs gavens joiztur vasalim laudim nu 21 lejdz 60 godim. Del slimu pavisam nav gavenia. Sivites kuras ir uz griutom kojom, seviški padejós nedelós, var negavet, ka neškodetu barnam. Barna dzirdejšonas lajkā ari var vajrok ne kaj rejzi est, bet tik gavenia edinius, jo tik ti nekajš veselejbj. Ikkotram ir jagav taj, ka neškodet veselejbj. Gaveni, pa daudz Latvišu zemes satom gavenia edinius, ad vajrok, ne kaj pa vinaj rejzej diņā, un dora taj todel, ka voj stipri strodoj, voj netur cita piticejga edinia. Un jo jau tis ir taj nu senejim lajkim, un jo tos parapejas baznejckungs zina par

■ tod jau nevajaga vel jo prasejt, ka atlautu est sausus ■ mius vajrok, ne kaj vinu rejzi diņā. Tis jau palika par ■ mumu, ka ajz triucejbas cita piticejga edinia, un griuta ■ rba del, ad bez graka rejzes trejs diņā. Bet pinu, jo vajrak ■ lu, nevar nikam est gaveni bez atlaunonas baznejckunga, ■ emut slimus.

Ka gavens jiusim nebiutu porok bejstams un nemils, ■ emit ju lobok labprotejgi. Gavens daudz loba dora: jis ■ jem spaku launom misas korejbom, kardinošonas dora vojo- ■ as, cilvēka protu pacel augšok uz Divu, un Divs apdovonos ■ bu gavotaju cilvēku ar tikumim\*) un sovom zelestejbom. ■ cilvēks ari lobok dais pi gavenia spovēds un Visusvatoka Sa- ■ tramenta, kad bius sovu misu protejgi merdejs, un celsis nu ■ graku škersta, pricejgi sajims jauku Kunga Jeza nu mirunim ■ elšonos dinu.

Gavenia lajkā vajrok par visim litom miusim joapgodoj Pestejtoja muku. Vigli varim atrast kajdā potoru gromotā ■ ņagšonus, dzismenias, voj stostus par Diva Daļu smerti uz ■ krista.

Piktu gavenia nedelu sauc par Kunga Jeza mukas ne- delu, todel, ka sv. Baznejca nu to lajka lejdz Lēldinej vel stiprok jam apgodot Pestejtoja muku un smerti. Sastdinis vokorā pret tu nedelu apkloj ar timsu škidrautu\*\*) kristenius un citós molós arī svatus bildes. Tu dora, ka parodejt nu skumejbu, un ka tamā svatdinī Židi jau gribeja nusist Pe- stejtoju, jo keres\*\*\*) jau ajz akminiu, bet Kungs Jezus pa- lika jim neredzams, izgoja neajzkorts, todel ka Jo mukas lajks vel nebej atgojs.

Padejā svatdinē pret Lēldini, kuru sauc par Piupulnejcu, voj piupulu svatdini piminiam Pestejtoja ibraukšonu Jeruza- lemas pilsatā ar lelu gudu. Lauds Jam izgoja priška ar palmu zorim, kurus svidia uz cela uzsaukdami: „Hosanna Da-

\*) Palmu vita miusu mola izlitoj visajdu citu kuku zarenius.

\*\*) pazvalej = atlaun.

\*) tikums = cnota.

\*\*) rata drebe, kaj muslins = škidraurs.

\*\*\*) keres, vaj čeres = peški jemia.



vida Dalam, svetejgs ir, kurs atnoc Diva Kunga vordá.“ Bet tej ibraukšona beja jau padejo todel un sv. Baznejca tiulen sv. Miša lajká skajta nu sv. Mateusa Evangelijuma stostus ap Kunga Jeza muku. Itej pedejo nedela ir saucama par Ļelu un Svatu nedelu. Tulajk, visuvajrok nu trešdines vokora lejdz Ļeldinej baznejckungi skajta liugšonas tik ap Diva muku.

Ļelu, voj Zalu Caturtdin tur pricejgu sv. Mišu ar zvanjšonu uz „Gloria“ un boltá ornatá, ne zilá, kaj citom gavenia dinom, todel, ka Kungs Jezus padeju Caturtdin pretsovu novi istodeja Visusvatoku Sakramentu un idevia Apustolim vari turet sv. Mišu.

Ļelo Piktinia ir nuskumejgoka par visom goda dinom; ornats ir malns, zvanejt jau nezvona nu Caturtdines Mišas. Pestejtojs par miusu grakim numira uz krista treša stundé pec pušdinom un zam vokora topa ilikts jauná grobá. Piminedami tu mes caur visu godu piktinam gavim. Ļelá piktiniá liugšonu lajka baznejcá izstota kristu, ka mes atdutu tam gudu. Bučodami\*) kristu, mes atdudam gudu patim Kungam Jezam, kurs del miusu ispestejšonas, ir gribejs uz krista numert. Itamós dinós, tis ir, Ļelája Caturtdiniá, Piktiniá un Sastdiniá daudzi ir visajdu gaudu\*\*) un zelejgu liugšonu; stejdzites tod, ticejgi lauteni, uz baznejcu, ka biut uz tom liugšonom un piulejites ļobok saprast viniu saturu un nuzejmi.

Lelu Sastdin nu isokuma baznejckunga drabes stula un kapa pi liugšonom ir violas, tis nuzejmoj graku vajdešonu un nuskumejbu nu to, ka Kungs Jezus gul vel škerstá. Tamá diná Baznejca svetej guni, Ļeldines leļu sveci un iudeni del Kristejbas; pec to tur sv. Mišu jau ar pricu, boltá ornatá, caur to izroda ceribu, ka Pestejtojs dzejzi izis ar gudu nu kopim, uzvares novi un elles spaku.

\*) suminodami.

\*\*) gauzu.

### Ap ļelokom goda svatdinem nu Gavenia lejdz Adventam.

Visujaukokajs lajks del mums ir Ļeldine, kurá Kungs Jezus celas nu mirunim. Tod un mums josacel nu graku moves, jodzejvoj ar svatu, Divam patejkamu, dzejvi.

Pec cetrudesmit dinom nu Ļeldines svetejam Kunga Jeza debeskopšonas dinu, un piedasmitajá Diva Svata Gora atnokšonu uz Apustolim, Kunga Jeza citim moceklim un Visusvatoku Jumpravu Mariju. Kaj Diva Dals beja apsulejis atsiutejt Apustolim Divu Svatu Goru, Ipricinotoju, Porsvetejtoju un Mocejtoju, taj tis ari nutika. Šamá diná Divs Svatajs Gors dabejdzia dveselu ispestejšonas dorbu, bejgdams mocejt Apustolus iks Ticejbas tajsnejbom un istiprinodams jus, ka visu bezbajlejgi sludinotu. Divs Svatajs Gors dzejvoj visod Katolu Baznejcá un valdej ju, un svatdora; dzejvoj ari iks tajsnejgo cilvaka dveseles. Todel un miusim jodzejvoj taj, ka Divs Svatajs Gors visod biutu miusu sirdi.

Pirmo svatdine pec Vosoras Svatkim ir nulikta Visusvatokos Trejadibas gudinošonaj. Laj gon visur un visod par godu gudinojam Visusvatoku Trejadibu, voj kristu pormesdami, voj skajtejdami: „Guds ir Divam Tavam un Dalam un Svatom Goram . . .“ bet vina dina ir nu Baznejcas izradzata seviškaj un pilnejgokaj Trejsvinejgo Diva gudinošonaj. Visusvatokas Trejadibas Nuslapums\*) ir neizstostams: ira tik vins Divs iks trejom Personom: Divs Tavs, Divs Dals, Divs Svatajs Gors. Laj gon ir trejs Personas, bet vins tik ir Divs, vina tom Personam daba, tis ir biušona, un nav treju divu, nav treju visuvarejgu, nav treju vismiuzejgu, bet vins ir Visuvarejgajs, vins ir Visumiuzejgajs . . . Divs. Ikkotra Visusvatokas Trejadibas Persona ir par Ejstinu Divu, bet vins irajda Divs. Ļaj gon visu ku Divs dora, visas Trejs Visusvatokas Personas dora kupá, bet var ari pascejt, ka Divs Tavs mius radeja, Diva Dals atperka, un Divs Svatajs Gors porsveteja, tis ir, svatdareja.

\*) Nuslapums = cilvaka protam nesaprutama tajsnejba.



Caturtdiné, pec Visusvatokas Trejadibas dinas, svetejam Visusvatoka Sakramenta, Diva Misas un Ašnia svatdini. Laj gon Kungs Jezus istodeja tu Visusvatoku Sakramentu Lēlu Caturtdin pret Lēldini, bet todel ka tulajk apgododami Pestejtoja muku, nevorejom ar pidarejgu pricu pagudinot šu lelu Tajemnicu,\*) kurá Kungs Jezus dud Pats Sevi miusu dveselem par barejbu. Todel šamá diná atdudam Divam gudu un milejbu par milejbu. Kaj Visusvatoku Trejadibu, taj un Kungu Jezu, paslaptu šamá Sakramentá mes gudinojam un tejam ikdinas. Baznejkungs ikdinas tur sv. Mišu, un Mišas lajka pacel Visusvatoku Sakramentu, tod atdud Jam gudu pats baznejkungs, un visi ticejgi lauteni. Vosoras Svatku diná tejam Divu Svatu goru, kurs valdej un svatdora Katolu Baznejcu. Sakramenta diná gudinojam Kungu Jezu, kurs baroj miusu dveseles.

Devejto dina pec Visusvatoka Sakramenta dinas ir nulikta bez gola milejgas Kunga Jeza Sirds gudinošonaj. Tej Visusvatoka Sirds dag ar neizstotejtu milejbu pret miusim; Jej del lauzu pestejšonas topa atvarta ar dzelža škapu. Ejstin te var pascejt: „Tis tik Divu nemiloj, kurs Jo nezina.“ Tad šamá diná piulejames pazejt bezdibinejgu Diva milejbu pret miusim; milojam Ju, gudinojam, patejam, liudzam jaunu zelestejbu, un atlejdzinojam par miusu pošu un tuvaku grakim.

Pec svatdinem, kuramós svetejam tus lēlus un svatus nuslapumu piminiu, atit utra goda dala, pagars lajka sprejds nu Vosoras Svatkim lejdz Adventam; tis ir tajds lajks, kurá neajzmerstut Diva zelestejbu, miusim jodzejvoj ikš ticejbas, cerejbas un Diva milejbas. Šamá lajká jo nesagoda dina, kurá vajag svetejt kajda nu Diva Svatim piminiu, ornats\*\*\*) pi Mišas ir zalš del porodejšonas miusu cerejbas ikš Diva.

## Par sv. Diva kolpu Dinom.

Svata Baznejca nuliktós dinós par godu svetej svatus Diva kolpu piminiu. Tos svatku dinas ir istodejtas ar tu nudumu, ka atdut Divam gudu, kurs palejdzeja tim laudim palikt par svatim, un par gudu miusu ajzbildatojim pi Diva. Vajag cinejt svatus, jus prasejt, ka liugtu par mums Diva, un ka mes, verdamis uz viniu dzejves pošu ari taj dzejvotum un tiktum debesís.

Taj 30 Novembrí, t. i. Solnas menesí ir Svato Andriva Apustola dina. Te tu, jauku lasejtoj, vari drusku izzinot par šito Svato dzejvi.

## Par sv. Andriva Apustola dzejvi.

Svatajs Andrivs beja svato Pitera, Apustolu Keninia, ejstajs brols. Jis pirmok klauseja sv. Jonia Kristejtoja mocejbu. Tod kad sv. Jons rodejdams sovim klausejtojim Kungu Jezu Kristu, saceja: „Še ir Diva Jars, kurs nucel pasaula grakus,“ tis zejmoj: Še, ira Pestejtojs kuru gajdom, tiulen sv. Andrivs goja un beja vinajz klot pi Kunga Jeza.

Rejzi sv. Andrivs atsaškejris nu Pestejtoja, kupá ar keniniu Apustolu svatu Piteri, zvejova zivs uz Galilejas azara, Kungs Jezus, idams dzar to azara molu, pasaucia vordús: „Ejtia pec manis, es patajsejšu jius par lauzu zvejotojim.“ Un vini visu pamatuši, goja pec Pestejtoja un jau nikod vajrs nu Jo neatsaškejria.

Pec Kunga Jeza dabasús kopšonas sv. Andrivs lajdias nu Jeruzalemas uz pušnaktim, uz Ejropu, ka ti sludinot sv.

\*) Nuslapumu.

\*\*\*) Boltajs ornats pimin Diva svatus nevajnejbu un sorkons — asnia izlišonu nu Diva milejbas par Ticejbu.



Evangelijumu. Peçok atgoja vel uz Aziju, un visur ivedia daudzi lauzu ikš svatos Katolu Baznejcas.

Tis Apustols topa numucejts par Ticejbu nu pogonu versinika Egeasa Achajas molá. Tamá lajká tis Egeass spidia lauds upuret divaklim. \*) Sv. Andrivs sasaticis ar viniu panceja: „Tu sudeji lauds, bet nezini to, kurs dzejvoj debesís, un sudejs visus. Tev vajag pazejt patisu Divu, Ju milot un Jam kolpot, bet nu šus divaklu vajag atsastot.“ Sv. Apustols runoja tolok ar milejbu un dedzejbu, ka atgrist uz Divu tu divaklu kolpu. Ilgi jam stosteja par Diva milasirdejbu; stateja jam pret acim brismejgas elles mukas, kuras viniu gajda, jo neitices Kungam Jezam, bet nevareja pagrist to slikto pogona uz ļobu celu: jau pavisam beja atsadevis neškejstam goram. Tis Egeass, biudams par pogonu versiniku, neiredzeja sv. Andriva par tu, ka jis daudz pogonu porgrizia par Katolim. Ļika tod sv. Apustolu šaustejt ar vervem, jo gribeja, ka sv. Andrivs nu tos sopes ajzaliktus ejsto Diva un upuratu divaklim.

„Klaus manis, taj tis pogons saceja, pasaklonis munim divim, tulajk es palajzšu tevi dzejvu. Bet jo neporstosi ticet Kungam Jezam, tod pisišu tevi pi krista.“

Svatajs atbildeja: „Es esmu krista muna Pestejtoja kolps. Vajrok man žal tovas bedejgas dveseles, kuru tu pazudini ikš neticejbas, ne kaj bajs ir muku, ar kurom tu mani bidieji. Komosi te mani vinu, voj divi dinas, bet tova dvesele un pec tiukstošu godim neizis nu ellis, uz kuru ajzpelnejsi mani mucejdams un neticadams ejstinam Divam.“

Tulajk Egeass ajzadusmojis lika sv. Andrivi pisit pi krista ar vervem. Negribeja tiulen ar noglom sist, todel ka ilgok Svatu mucejt. Un kad vedia sv. Andrivi uz novi, daudz lauzu goja pec jo, un klidzia: „Kajda vajnia šam tajsnejgajam cilvakam, ka viniu grib nukomot uz krista?“ Bet, o brejnejša Diva milejba, sv. Andrivs praseja tus lauzu, ka nestotu storpá, un dutu jam numert del ticejbas. Goja uz mu-

\*) Divaklis, citajz „elks“ = neejstinajs divs, balvans.

am mirejši ar pricu, neporstodams mocejt, un apskajdrinot šis svatas ticejbas tus, kuri beja klot pi vinia. Un kad iraudzeja kristu, uz kura jam bej jomerst, uzsaucia tus vordus: „O milajs kristis! tu esi svatdarejts caur Pestejtoja muku. Pirmok tu beji brismejšs un bajlejšs, tagad es tevi miloju un gribu pijimt. O dorgajs kristis, druši un ar pricu ejmu uz tevim, neatstum manis nu sevis, tok es esmu par Kunga Jeza mocekli, kurs uz krista ira numiris. Ilgi jau es gajdeju tajdas noves. O sen gajdejtajs kristis, izraun mani nu sliktim laudim, un atdud munu dveseli Pestejtojam. Nu tevim Divs laj pajem munu dveseli, kaj caur tevim ira mani atpercis.“ Cikam tu runoja, bendes pacela sv. Andrivi uz krista, un pi-seja brismejši rukas un kojas ar vervem.

Ap kristu, uz kura sv. Andrivs mira, stoveja lejdz divdesmit tiukstušom lauzu, storp tim ari beja to netajsnejgo versinika Egeasa brošs, Stratokles vordá. Tis rejzé ar laudim ajzklidzia: „Itis svatajš vejšs ciš netajsnejši.“ Bet sv. Apustols moceja jus sacejdams: „Nikajda muka nav lejdzona moksaj, kuru lauds sajims dabasu valstejbá.“ Taj citia mukas uz krista divi dinas, un bez porstošonas runoja mocejbas uz laudim, kuri stoveja ap kristu. Kad sv. Andrivs numira, tulajk Maksimille, divabajlejga un nu augstas cilts sivite ar sovim sulajnim nu-jemia svatu mucekli nu krista, un pagļoboja ar lelu gudu cimejšgá vitá.

Egeass ajzadusmoja tod uz Maksimilles un gribeja ju nutisot uz novi. Bet apsasts nu valna jemia svajdejtis kaj troks, un sitos ap zemi, un taj nustropats numira. Jo brošs Stratokles, redzedams tus brejnumus pijemia Katolu Ticejbu, un negribeja niko jemt nu numirušo sova bezdivejšgo brola monta, sacejdams: „Divs laj moni sorgoj, es negribu imontot to litu, kurs del naudas nusita sv. Apustolu.“ Drejšzi visi tos molas pogoni, redzedami brejnumus, pijemia svatu Ticejbu, un isoka karški kolpot Ejštinajam Divam, kuram laj bius guds un slave miuzam. Amen.



## Ap svato Franča Ksavera dzejvi.

Daudzi ir svatu Franču; nutim vajrok ira zinomi sv. Francis nu Assizes, kurs istodeja Zakonu, t. i. tajdu brolesti delišim un sivitiom, pec kuras (brolestes) likumim jodzejvoj klosteri iks škejstejbas, ubadzejbas un paklausejsonas, ka taj drušok un sevi un citus ispestejt. Jis istodeja ari taj saucamu Trešu Zakonu del tim, kuri dzejvoj pasaulá, ne klosteri. Utris to vorda svatajs ira Francis Salezius, kurs beja par Vejskupu Svejcijá. Jis tur atgrizia daudzi lauzu nu Kalvina herezijas\*) uz Svatu Katolu Ticejbu.

Trešajs ira svatajs Francis Ksavers, ap kuru te rokstu. Jis biudams augstá skúlá Parizá, pazina tur svatu Ignatu nu Lojolas un atsadevia jam, kaj sovam versinikam, un visakamá jo klauseja. Jis ari apsajemias pret Divu dzejvot ubadzejbá, škejstejba un divabajlejšá paklausejšoná sovim versinikim, visuvajrok Svatajam Tavam. Jam ciši gribejas it uz Svatu zemi, uz Jeruzalemas pilsatu, kur Kungs Jezus ir por mius citis, bet karu del nevareja tur lajstis. Isvetejts par baznejkungu soka dzejvot Rimá pilsatá, kur Svatajs Tavs dzejvoj. Jis todel tur nusametia dzejvot, ka tik vin darejt, ku jam Pavests liks.

Sv. Frančam bej lela milejba pret tuvakim. Jis strodoja cik vin vareja, ka tik vajrok dveselu izraut nu pazušonas. Biudams Venecijas pilsatá brejnejši palejdzeja nelajmejgim. Svatajs Francis nusametia dzejvot uz garoku lajku slimnejcá, tis ir, nomá, kur sliminiki zolejas. Jis pats mozgoja, seja un dzideja jim ranas; taj tu dareja milejši, kaj mote sovim barnim. Beja tur tajdas brismejgas un ribejgas slimejbas, ka griuts beja un pasavert, bet sv. Francis tajšni vajrok tus dasaveria, kuri slimoja ar tom ribejgajom slimejbom. Bučoja jus votis\*\*) un stoteja sovu gultu pi to, kurs beja vojoks, jo Svatajs gribeja un nakts lajka jam palejdzet, un pisavert, ka

\*) herezija = maļu ticejba.

\*\*) ranas.

numertu bez Svatim Sakramentim. Taj strodoja sv. Francis. Lauds redzedami tik lelu milejbu del tuvaka, un klausejdamis to svato baznejkungu mocejbu, uzloboja sovu dzejvi. Visur tur tik pasarodeja sv. Francis, jis nesia svetejbu un labdarrejbu. Bet pasauls ir lels. Tol nu šenites ajz daudz tiukstušom verstu ir zeme, Indija vordá. Tulajk ti pogoni vin dzejvoja. Topec Svatajs Tavs, gribadams un tus neticejšus atgrist uz Svatu Ticejbu, siuteja uz turini sv. Franci. Portugalijs keninš Jons III palejdzeja uz turini Svatajam baznejkungam nubraukt uz Indiju. Kas vares aprekinot to Svato dorbus storp pogonim? Jis nusametia dzejvot uz garoku lajku Goas pilsatá; tod isoka vujcet lauds svatá Ticejbá. Bet tis nav viglajs dorbs. Nu isokuma pogoni negribeja pavisam klausejtis. Sv. Frančam vajadzeja paprišku izavujcet jus voludu, un pazejt jus irodumus. Paprišku jemia vujcet barnus, pečok vacokus. Bet cik tur vajadzeja dorba un pacitejbas, cikom ispeja atraut tus lauds nu jus divaklim. Kaj tik pamaneja, ka lauds jau kajdá vitá tic labi, goja tolok uz citom. Otkon mocejos runot un saprast svešu voludu, voj izluksni, porvareja jaunus škerslus,\*) goja storp pogonim, kuri dazós vitós beja tik plesejši un mezonejši, ka kova lauds un upureja divaklim un pošedija edia numirušus misu. Daudzi rejžu gribeja apest un sv. Franci, bet Divs ju globoja. Jis goja, Evangelijumu sludinodams, nu vinas molas uz utru un tiukstušom atgrizia lauds uz Divu. Divs jam palejdzeja ar brejnumim. Rejši kad sv. Francis devia mocejbu, un kad lela lauzu pulka klausejos, visi ti lauds saprota Svato mocejbu, laj gon pošedija nevareja vins utra saprast, todel ka beja ne vinajdas voludas. Jis brejnejši zoleja nu slimejbom, dzina neškejstus gorus nu cilvakim, un cela nu mirunim numirušus. Sv. Francis numira 2 zimas meneša diná 1552 godá. Jo misa nesapiva, bet turejas dzejva un patejkami smaržoja. Jis numira Sancijaná, nu kurines pečok jo misu nuvedia uz Malaku. Tulajk tamá molá plošejšos lipejša slimejba, un simtim apreja laudis, bet

\*) porškodes.



kaj tik vin atvedia, sv. Franci, tiulen visi palika vasali. Jo misa beja skajsta, kaj dzejva cilvaka. Kajds doktors tu redzedams brejnoj os un ajzgribeja lobok apskatejt\*) Svato misu. Tod idiura ar nazi pi kriutim, bet tiulin soka tečet asnis. Doktors nusabejda, un niko vajrok nedareja Svatajam. Tagad sv. Franço misa gul Goas pilsatá; tur ticejgi laudis caur liugšonom uz tu Svatu daboj nu Diva daudz zelestejbu.

### Ap svatos Borbolas dzejvi.

Svato Borbola dzejvoja storp pogonim. Jos tavs ari upureja divaklim. Borbola, pazinuse ejstinu Divu, sorgojos nu pogonu draudzejbos un satiksmes, todel dzejvoja vintulejbá, tis ir, atseviški nu laudim, un visa atsadevia Kungam Jezam.

Kad jos tavs soka ju pirunot izit pi vejra, atbildeja, ka gribute kolpot vinam tik Kungam Jezam. Tavs luti ajzadusmoja un lika mejtu islegt citumá; pats izbraucia nu satas. Tamá citumá, kur Svato dzejvoja, beja tik divi lugi, Borbola lika patajsejt trešu, ka taj piminet sev Visusvatoku Trejadibu. Tavs atbraucis uz satu, tiulen lika pasaukt sovu mejtu, un vajcoja jos, vaj porstoja ticet ikš Jeza Krista, un voj klausejs sova tava. Borbola atbildes vitá nudevia garu mocejbu ap Kristejtus Ticejbu, bet nevareja atgrist uz Divu to citsirdejgo pogona; jis bezmerejgá dusmé sačeria zubinu, un gribeja nucerst sovaj mejtaj golvu. Sv. Borbola izbaga. Jos brismejgajs tavs dzinos pakal ar zubinu. Celá, kur sv. Borbola бага, guleja ciši lels un augsts akmins, un ajztajseja tolok celu. Bet, tovu brejnumu! uz sv. Borbolas liugšonu, tis akmins porplejsa pa pusej un porlajdia ju cauri; un taj jej izbaga nu noves, un nusagloboja storp akminim. Tavs vis jos mekleja. Tamá vitá tropejos gons, kurs redzeja sv. Borbulu, kad tej skreja un parodeja ju tavam. Šis giva bez zelestejbas sovu mejtini, brismejgi sita un pliukoja aiz motim; tod vedia ju

\*) apsavert = apskatejt.

ap pakal uz satu, ispidia otkon citumá un gribeja numerdet bodá. Bet redzedams, ka nevar jos atraut nu Kristejtus Ticejbas, pats ar sovom rukom atdevia sovu mejtu pogonu storostaj, laj ju komoj. Tis netajsnejgajs tisotojs, redzedams sv. Borbolas skajstumu un gudrumu, negribeja jos tiulen nucerst, bet dumoja ar jaukim un glajmu\*) vordim pirunot, ka upuratu divaklim un ajzaligtu Kristejtus Ticejbu. Bet sv. Borbola palika miuzam ticejga. Tod jemia tu svatu mejtini bez zelestejbas komot; šausteja ju brismejgi ar pejckom un taj saraneja visu jos nevajnejgu misu. Pečok tis pogons vel pavajroja sopes trejdams jau padarejtus certumus ar osim akmistenim. Tulajk ju tikku dzejvu vel ilika citumá ar nudumu, ka otkon mucejt, kad paliks vasaloka. Te sv. Borbolaj pasarodeja Kungs Jezus un tiulen ju izzoleja. Pečok pogoni, izvadusi ju nu cituma, vel rejzi soka ju komot; tik brejnoj os, ka jos certumi beja taj mudri sadzejuši. Sv. Borbola jim istosteja, ka viniu Kungs Jezus taj brejnejgi izzolejs. Jej otkon runoja ap Svatu Ticejbu un ka divaklim nepidar taj kolpot, kaj patisam Divam; bet bezprotejgajs pogonu storosta nu lelas dusmes isoka Svatu brismejgi mucejt. Pliukoja jos nevajnejgu misu ar dzelža noglom un lika pi jos sonim sorkonu nukarsatu dzelža skordu un tamá pat lajká sita ar vasarejšim par golvu. Tamós mukós sv. Borbola pacela acis uz debesim un saceja. „O Divs Kungs, Tu zini, kas ku dumoj, Tu redzi, ka Tevis tik gribu, ak neaplajd manis lejdz novej.“

Bet pogons škita tos mukas vel par mozom. Jemia tod jos misu grajzejt nust pa gobolam, un atgrisia jaj kriutis. Pečok jos pošas Tavs nucerta jaj golvu; bet Divs tiulen ju nustropeja: parkiuns nusperia tu brismejgu tavu uz vitas. Svato Borbola nugoja uz debesim, kur dzejvoj ar Divu miuzejgá lajmé.

Jozina mili lasejtoji, ka sv. Borbola ira par lobas smerts Patronku.\*\*\*) Paldis Divam, miusu mola daudz kas zina par

\*) glajmi = pisamilinošona, uztejkšona.

\*\*) Patronka = Ajzbildne, Ajzbildatoja.



sv. Borbolu, un liudz Diva caur jos vidutojebju. Tu ari liudz Diva, ka caur tos Svatos ajzbildejbu nenumertu bez Svatim Sakramentim. Un sv. Borbola tev palejdzes gon, jo neajzmersi dzejvodams jos dedzejgi liugt. Tej Svato jau ne vinam izliudzia nu Diva tu zelestejbu, ka lajmejgi numira.

Edz kur paraugs. Kajdam cilvakam Indriks vordá kurs dzejvoja Holandijá, gadejos tajda nelajme. Veli naktí, kad jis beja ciši imidzis, jo satá izacela guns-graks.\*) Kad jis pasamuda nu miga, jau nevoreja vajrs tikt ora ajz lismas. Tulajk Indrikam isasovia prota sv. Borbola, kuru visod piliudzia dzejvodams. Tagad soka saukt jos karški palejga, ka nenumert bez Sakramentim. Un raug, kajds brejnums nutika: tis cilvaks dzejvs izgoja caur guni, laj gon beja jau taj apdadzinots, ka nevoreja dzejvot. Tiulen siuteja pec baznejckunga, kurs, redzedams tu pavisam apdadzinotu un tik caur brejnumu vel dzejvu cilvaku, saajcinoja daudz laužu, ka biutu tam brejnumam par licinikim. Tis cilvaks, kaj tik izsiudzeja sovus grakus, tiulen porstoja dzejvot.

Utris brejnums nutika ar sv. Tanslovu Kostku. Kad tis Svatajs, guleja ciši slimis kajda luteraniša mojá, Vines pilsatá un nevoreja izliugt, ka jam atvestu baznejckungu, sv. Borbola atnesia jam un idevia Visusvatoku Sakramentu.

### Ap sv. Lucijas dzejvi.

Sv. Lucijaj beja slima mote. Kajdu rejzi jej ar sovu slimu moti nugoja uz baznejcu Katanijas pilsatá, kur svatas Agatas mucekles misa usturejas, un liudzia Diva caur tu Svatu par motes veselejbu. Pečok kad svata Lucija ajzmiga, jaj pasarodeja svato Agata, pavadejta nu lela Engelu pulka un pasaceja, ka Divs jos liugšonas izklausēja, un ka mote bius vasala. Tod skajški un milejgi stosteja, kaj ciši Divam patejk škejstejba.

\*) guns-graks = pazars.

Kad Lucija pasamudinoja nu miga un iraudzeja moti vasalu, pastosteja jaj, ka redzeja sv. Agatu, un ku tej beja runajuse. Un tiulen pec to liudzia sovas motes, ka atlatu jaj visu montu izdalejt ubagim. Lucija beja motej virojga mejta, jos tavs jau beja numiris, todel vis bogotus dzimdinotoju monts pidareja jaj. Nu isokuma vinas mote negribeja biut ar tu mirá, jo taj aprodušaj\*) dzejvot lelá tu rejba, nebija vigli škertis nu monta. Utrkort jej bej nuduvojuse izdut sovu mejtu pi vejra kajdam jauneklām nu pogonim. Bet mejta taj runoja. „Es negribu it pi vejra, par tu ka velejus dzejvot miuzam škejstejba. Kolpušu tik Kungam Jezam un Jo milejbas del gribu dzejvot nabadzejba. Ar sovu montu palejdzesu bedejgim lautenim, kurus Divs ir numilojis. Atnoks nove un gribut — negribut bius joškiras nu lajcejgmonta. Kolposim tod Divam poši nu loba prota.“

Pec to sv. Lucija soka pordut dorgas litas un salasejtu naudu daleja ubogim. Kad izzinoja tu tis pogons, kurs gribeja Luciju pajimt par sivu, vajcoja, kam jej pordut sovu mantejbu. Jej tam atsaceja, ka šej gribute par šito monta naudu nuperkt vel ku loboku. Jis tam iticeja. Bet pečok jis iraudzeja Luciju visu izdolut ubagim. Nudzida, ka jo briute biuškute palikuse par Kristejtu. Tiulin tod devia zini storostaj un svatu Luciju nuvedia uz muku. Jej turedama cerejbu uz Divu, stojis bez bajles pret netajsnejgu tisotoju, par kuru zinoja ka spiss ju ajzligt Kunga Jeza, patisejgo Diva.

Storosta izzinojs, ka Lucija taj ciši miloj škejstejbu ka simtkortejgi lobok gribatu numert mukós, nekaj izgajsinot nevajnejbu, pasceja citim pogonim laj ju pajem uz sovu satu, un tur laj par vari vad viniu neškejstejba. Sv. Lucija liudzia palejga nu Diva, un Divs atnociá jaj palejdzatu. Lucija palika tik stipra, ka ni vins nu vejrišim nevoreja jos ni nu vitas pakustinot. Jej stoveja mirejga pret plesejgus pogonu pulku, un ti visi nevoreja jaj niko padarejt. Tod jemia stričus, apseja Svataj ap rukom un kojom, un visi ar pulku

\*) aprodušaj = dajiukušaj.



vilka poši, bet nevarēja pavilkt: sv. Lucija stoveja nepaku-  
stinota, kaj kajds kolns. Ajzjiudzia tod daudzi veršu, bet un  
ti nimos nevarēja pavilkt. Raug, kaj Divs miloj šķejstejbu  
un gļojoj tus, kuri poši negrib grakot.

Pogoni tu redzedami, gribeja ju ar guni sadadzinot.  
Aplika tod ar svečim, un citom leši dagušom litom, ajzdedzia,  
un svidia guni versa uz Svatos, bet un guns jaj šķodes ne-  
dareja. Turejz sv. Luzija soka runot uz tim pogonim: „Redzit,  
es liudzu Kunga Jeza, ka nedutu man tiulen numert, todel  
tod un nevarit manis nubejgt; un liudzu to nu Diva todel,  
ka jius iticatu tam patisejgajam Divam un atstotu sovus  
divaklus.“

Tulajk storosta pordiuria ar zubinu sv. Lucijas koklu.  
Nu tajda diurinia ikkotris cilvaks biutu numiris, bet sv. Lu-  
cija dzejvoja un vel tolok runoja, gribadama tus pogonus at-  
grist uz Divu. Jej pasludinoja, ka jau dzejzi tamá molá  
vajrs nemucejškuši Kristejtus laužu par ticejbu. Un taj ari  
patiši nutika. Tamá pat diná tos puses pogonu keizers nu-  
mira, un cits isoka valdejt. Tis jaunajs keizers neatlavia  
nusist ni vina cilvaka par ticejbu. Cikam vel sv. Lucija ru-  
noja, atgoja to tajsnejgo kežera kaŗa-vejri, un pati tu ne-  
tajsnejgu tisotaji, kurs muceja sv. Luziju, pajemia un nutisoja  
pati uz novi par viltejbu. Tod sv. Lucija papraseja baznejc-  
kunga, pijemia Visusvatoku Sakramentu un Postora svetejbu  
un taj svati numira. Uz jos noves vitas, Sirakuzu pilsatá,  
ir izcalta baznejca, kuraj itej Svato ir par Ajzbildatoju. Jos  
noves dinu svetejam 13 Decembrí, t. i. zimas menesí.

28 Decembrí t. i. zimas menesí ir Nevajnejgus berneņu  
dina. Brismejgajs Herods nukovia daudz barnus virejšu  
kortas gribadams nunovet Jaun-pidzimušu Pestejtoju. Divs  
laj sorgoj nu tajda graka; bet atsarun, Divam — žal, tajdi  
lauds, kuru dorbi ir lejdzoni to brismejgo Heroda dorbi; un  
patisi par brismejgu un nulodatu Herodu tup ti, kuri kaun

nevajnejgus barnus, vaj ikš misas, vaj dveseles. Sit zemé  
sovus barnus ari ti bezprotejgi vejri, kuri slikti apsait ar  
sovom sivom, kad vinas jau ira uz griutom kojom. Sisdams  
tulajk siviti, nusissi ari barnu. Mozu barnu nevar likt rejzé  
ar sevi gultá, jo taj vari viniu nuzniaugt biudams migá. Vis  
pori josorgoj barnu nu visa, kas jam varatu šķodejt. Bet  
sliktoki ir par Herodu ti, kuri kaun zemé berna dveseli, tis  
ir, kuri vad vinius graká: moca sliktá, negudejgi runodami.  
vaj dzidodami turejz, kad barni ir klot un klausas, voj kaj  
citajz pavad un paskubinoj uz launu. Vaj, nelajme tim laudim,  
nelajme, kaj pats Kungs Jezus ir brejdinojis.\*)

### Ap sv. Ontonu, tuksneša dzejvotoju.

Svatajs Ontuns jau nu barna kojas rodejas visim par  
ciši gudejgu pušķinu. Jo dzimdinotoji numira atstodami ju  
vel mozu; jis palika pats par lela monta sajminiku; rejzé  
ar ju palika ari par borinejti jo moza vinejga mosa. Ontons  
beja ciši zelsirdejgs, un kad jis rejzi izdzerda baznejkungu  
skajtut nu Evangelijuma šus vordus: „Jo gribi biut pilnejgs,  
pordud visu, kas tev ira, izdoli ubogim un ej pec manis.“  
Jis tiulen padareja lejdz šim Pestejtoja vordim. Ļaj gon  
Kungs Jezus nelik te visim laudim dzejvot tajdá nabadzejbá,  
tik ajcinoj uz tu izradzatus, tus kuri poši velejas sasnegt  
angstoku svatumu, todel ari pilik tus vordus: „Jo gribi;“ ne-  
pisoka, kaj pimaram: ir likts ticet ikš patisejgo Diva, kaj pi-  
soka siudzet grakus un vajdet par vinim; bet sv. Ontuns gri-  
beja darejt visu-ku, kas ir por visuloboku.

Taj pordevia sovu montu, naudu izdaleja ubogim un  
pats goja dzejvot tuksnesí, kur pacitia visajdu litu iztriukumu.  
Jis tur vinajz liudzia Diva un stipri gaveja. Par visu godu  
edia tik pa vinaj rejzej diná, un tod ne agrok, ka pec saules  
ritešonas; bet un turejz edia tik pa drusceniaj, pa kajdam

\*) brejdinojis = bidejis.



majzes gabaleniam ar tejru iudini. Gadejos ari, ka pa dina trejs pa visam niko needia, tik caturta dina del spaka patu rešonas drusku porkudia.

Neškejsts gors tu redzedams jemia Ontonu kardinot m skaudejbas. Pimineja jam vinajz, ka kaj tod jis, kurs beji par tik bogotu cilvaku merdej sevi te bodá, un snedzia jam tajdus dumas. „Tu tad esi lelu kungu dals, kam tod tu sev komoj. Tu esi tajds skajsts, tajds vorejgs un vojs, ka tu ne panessi griutas dzejves iks pakutas tuksnesi. Vaj tev nav zal tovas mozenias mosenias, kuru esi pametis satá. Ej tu pats uz sovu satu un dzejvoj kaj citi.

Bet sv. Ontons nepaklauseja tos viltejgos neškejsta gora kardinošanas un goja vel tolok tuksnesi. Tulajk valns isoka ju kardinot ar neškejstejgim dumim un korejbom. Sv. Ontons uzvareja un šitos kardinošanas ar gaveni un dedzejgoku Diva liugšonu.

Neškejsts gors, redzedams, ka un tis niko nelejdz, ka sv. Ontons jam nepasadud, pasarodeja jam ar lelu citu valnu pulku, krita uz jo versa un soku dauzejt. Nu isokuma Divs dalajdia, ka sv. Ontons lauzdamis ar tim valnim topa ivajnots, t. i. ranejts, un pakrita pi zemes. Bet pečok, kad vel guladams uz zemes, karškok pisaucia visuvarejgu Diva palejgu, valni atsarova nust un niko jam nevareja padarejt, tik bideja ju nu tolines. Cits nu viniu pasametia par ļoci, cits par vilku, cits par ciuku, vaj par plesejgu suni un tam lejdzonu. Sv. Ontons vel guladams uz zemes, un vardamis uz vinim saceja: „Zinoms, ka jius bez Diva dalajzšonas niko nevarit man padarejt. Ļaj gon es tagad esmu storp jums, kaj mozs torpens, bet, kaj diva kolps, esmu stiproks par šim ļupim. Par velti mani bidejat: jo Divs ar manim, tod es ar svata krista zejmi, varu jius tiulen atdzejt nust.“ Tamá pat ocu-mirkli pasarodejas spudrums nu dabasim, un valni izgajsa, kaj puteklis, un sv. Ontons iraudzeja Pati Kungu Jezu, tod jis uzsaucia ar pricas osorom: „O milajs Jezu, kur tu beji nu isokuma, kad es lauzus ar tim launim gorim?“ un

uzzerda bolsu: „Es beju tepat, bet nu isokuma verus tik uz Diva patia spaka. Nebejistis, visod tev palejdzešu.“ Un Svatajs tiulen topa izzolejts nu ranam un palika vel stiproks un valsaloks, ne kaj pirmok beja.

Jis goja tulajk tuksnesi un neškejsts gors soka ju otkon kardinot. Numetia pret ju sudobra bludeni, pečok lika pret viniu zalta gobolus, bet Svatajs pazina, ka valns grib ju apmonejt, un neticeja tam. Svatajs Ontons dzejvoja tuksnesi vintulejgs 20 godu. Pec to izzinoja lauds jo dzejvi, un daudz kas atgoja pi jo, gribadami tajpat dzejvot tuksnesi, un klauzejt sv. Ontona visakamá. Tajds beja sv. Ontona Zakona aba brolestes isokums. Šis Svatajs taj vujceja sovus tuksneša lejdz-dzejvotajus: „Bizok liudzit Diva. Nepasadudat valna kardinošonom. Patisejgam Katolam valns niko nevar padarejt, kolpoj tik Divam nu visas sirds. Tik nevajaga nu isokuma prok ciši gavet un citus visajdus griutumus un osas pakutas panest, kaj dora vaci un jau aproduši tuksneša-dzejvotoji. Socit pa mozom, bet un mozas litas izpildit, kaj tik var, lobok. Esit pazemejgi, zelsirdejgi, bez dusmes, un kolpojit Kungam Jezam iks škejstejbas, un milojit Ju nu visas sirds.“

Svatajs Ontons roja ar borgim vordim visus tus, kuri atsaškejria nu Svatas Katolu Ticejbas. Tajdu pavisam nelejdia pi sevis, bet sorgojos nu vinim, kaj nu lipejgas slimejbas. Šis Svatajs, kad jau beja jam 105 godi, padeja sová slimejbá, vujceja un pimineja vel rejzi visim tim, kuri beja klot, ka visod paturatu Svatu Katolu Ticejbu, klausejtu Vejskupu un baznejckungu. Pec to svati numira, un lauds caur liugšonom uz sv. Ontonu daboj tagad nu Diva daudzi brejmumu un zelestejbu.

### Ap sv. Feliksa dzejvi.

Svatajs Felikss beja par baznejckungu. Tulajk tamá molá pogoni jemia mucejt Kristejtus lauds. Nošas pilsatá gribeja sagiut sv. Maksimu Vejskupu, bet Vejskups nusaglo-



boja nu slapkauniu uz kajdu lajku un atstoja sová vitá komot sv. Feliksu. Tod pogoni, neatraduši Vejskupa, un isledzia citumá. Pogoni gribeja viniu pa prišku ar merdet un pečov numucejt, bet želejgajs Divs to nedalajdis Kad sv. Feliks taj sasits guleja, pasarodeja jam Engels un pasaceja: „Feliks, celis un ej pec manis.“ Felikss rauga ku stinotis, un tiulen spriuk valá nu pinaklim. Tulajk Engel izvedia ju nu cituma, kurs beja un palika ajzslagts. Sv. Feliks otkon goja pi Kristejtim laudim, kurus drusinoja, moceja un paciļoja jus nuvorgušu goru. Jis beja ciši želsirdejgs, un ar ku tik vareja, palejdzeja nabadzejgokim. Jis moceja, ka pogoni var tik misu nukomot, bet ka dvesele, vojota biudama vajrok ajzpelnej moksas pi Diva, jo tik visu paciss mirejg un Diva milejbas del. Pogoni mudri padzida, kur ir sv. Feliks un tiulen siuteja sovus slapkaunius, un ši satopa Feliksu pilsatá; bet Divs nedevia šam svatajam baznejckungam tik tagad pogonu rukós. Divs aptimsoja jus acs taj, ka laj gonji beja redzejuši sv. Feliksu bet šurejz jo nepazina. Vajcoja tod jo patia, vaj jis nezins, kur ass Felikss. Šis smidamis atsaceja. „Feliksu ir daudzi, es nezinu, kuro jius meklejat.“ Pogoni goja tolok. Sv. Felikss ka ne toptu pazejts, goja mudri uz citu ilu un tí pasagloboja storp sinom kajdá timsá un šaurá kakteniá. Pogoni mekleja. Vins nu jim beja pamanijis, kaj sv. Felikss globojos un tiulen sasaucia citu, kuri saskreja uz tu vitu ar lelu pulku, bet Divs un te sorgoja sovu kolpu; kaj tik svatajs Felikss beja igojs tamá kakteniá, tiulen rodos dzerniuklis un ajzstipia tu vitu ar sovu tejklu. Pogoni, iraudzejuši staipekni, ni dumot nedumoja, ka Felikss ti varatu biut nusaglobojs. Jemia tod lomot tu cilvaku, kurs vinius bej uz turini atvedis, sacejdami: „Te un miusa nevaratu ilejst, ne tik cilvaks,“ un goja prujom.

Pec to Felikss, dzejvodams šaurá kambarejtí, globojas nu pogonim sešus menses. Drejzi numira tos pogonu valsts varmocejgajs keizers un soka valdejt divabajlejgajs Konstan-

š Lelajs. Jis devia miru svataj Katolu Baznejcaj un pogonim nebeja atlauts mucejt Kristejtus lauds, par tu ka pats keizers palika par Kristejtu. Tulajk sv. Felikss, jau niko vajrok nesabejdams, moceja lauds un grizia uz Divu, un taj, adzejvojs garu miuzu, bogots ar nupalnim, mirejgi numira, dzejvot miuzejgá pricá debesís.

### Ap sv. Eduarda dzejvi.

Svatajs Eduards beja par Anglijas keniniu. Tik ku, mans biudams, isoka valdejt, kaj Anglijaj uzgoja griuti lajki. Citas valsts, ejsti Danijas kenins Kanuts vordá ibruka Anglijá ar daudz tiukstušom kara-vejru. Isasoka kars. Tulajk Anglijá beja daudz sliktu lelkungu, kuri nepalika uzticejgi sovam valdinikam Eduardam, bet bez pretejšonos, negudejgi atsadevia Kanutam, un nudevejgi pijemia tu svešiniku par svatu keniniu. Patisejgajs kenins Eduards topa izdejts nu svatas valsts. Tulajk jis jemia taj liugt Diva: „O Visuvarejgajs Divs, jo Tu man palejdzejsi izdzejt nu Anglijas tu munu pretiniku, netajsnejgu Kanutu, apsajemu Tev, o želejgajs Divs, dzejvot tod ikš škejstejbas lejdz novej; un kad jau sokšu otkon valdet sová Anglijá, kaj kenins, apsajemu tod nuit uz Kanutu, kur dzejvoj Pavests un liugšu Tevis tur pi sv. Pitera Apustola groba.“

Milasirdejgajs Divs isklauseja svato keninia. Drejzi pec to numira Kanuts, un Anglijá soka otkon valdet Eduards. Angsti kungi, kuri dzejvoja pi keninia, saceja viniam, ka jam neparišami vajags pajimt sivu, par tu ka citajzok pec jo mertes vareškuši otkon biut nemiri, cikom icaltu jaunu keniniu. To pat praseja nu svato Eduarda un visi lauds. Tulajk tis Svatajs liudzia Diva, laj jam paroda, ku darejt, ka neparkopt sova apsulejuma dzejvot škejstejbá. Padareja taj svata divabajlejgu mejtini, kura taj pat kaj jis, beja apsajemu dzejvot škejstejbá, un ar tu sasalauloja Taj apmiri-



noja lauds, un neporkopia sovu apsulejumu Divam, jo kenin ar sovu briuti dzejvoja tik kaj brols ar mosu.

Eduardam palika vel vins apsulejums, kas bej joizpilda. Jam bej joizdora svatcelošona uz Rimu. Bet nu Anglijas un Rimu ciši toli. Tam keniniam tod biutu vajdzejis braukt uz turini kajdu pusgoda, bet kaj tik sv. Eduards biutu izgojs nu Anglijas, Danijas keninš tiulen otkon ibruktu Anglijā: izcaltu kars, kas padarejtu laudim daudzi launa. Keninš Eduards pats nevaradams braukt, siuteja uz Rimu sovus vitinikus, un uzdevia tim, ka itu pi Svato Tava un liugtu Jo, ka keninia braukšonu uz Rimu samejtu ar kajdu citu lobu dorbu. Pavests taj un padareja: lika tu naudu, kuru biutu bejs joizdūt celā, izdalejt ubogim. Un vel pastatejt vinu Klosteri. Keninš Svato Tava valu\*) uzticejgi izpildija.

Sv. Eduards češki\*\*) klauseja sv. Mišas. Del ubogim beja ciši zelsirdejgs, kaj tavs. Del visim laudim, pat un sliktim, labi dareja, cik vin speja. Jis vel dzejvodams padareja daudzi brejnumu. Kajdu klibu, ajznasdams ju pret oltori baznejcā, brejneji izzoleja. Dazi okli palika vasali caur tu vin, ka skoloja acs ar tu iudeni, ar kuri sv. Eduards bej sev mozgojs muti. Tropejos rejzi, ka tod, kad pi golda rejzē ar keniniu sedeja kajds slikts kungs Godvins vordā, kurs kara lajkā bej palejdzējis inajdnikim nukaut keninia broli, sv. Eduards pimineja sovu nukautu broli. Godvins nusabejda. Dumoja, ka bius nustropats par sovu nedorbu; un gribadams sevi attajsniot, caur ajzaliķšonu un ajzalodejšonu, pajemia majzes kimuseni un saceja: „Jo es esmu nukovis keninia broli, laj šis majzis gabalēš isaspriž man rejklā.“ Divs tu dalajdia. Godvins ajzareja un tiulen numira.

Sv. Eduards, kod tik satika ubogu, visod devia kaladu. Bet rejzi nutika, ka jam niko nebeja lejdz, tod satiktom ubogom atdevia sovu gradzinu. Neilgi pec to, divi keninia su-

lajni beja taj ajzamaldejuši ka nevareja tikt satā. Tulajk parodeja jim nezkajds cilvaks un parodeja celu; škerdamis un jim tis nepazejstamajs izsaceja tus vordus: „Es esmu sv. Jans Evangelists, jiusu keninia Eduarda Ajzbildnis. Nesen pasamits par ubogu praseju nu jo kaladas, un raug, jis man devia šitu zalta gradzinu; jemit ju un pasokit jam tu, ka pec sešim menešim mes sasatiks ar ju debesīs.“ Un taj rejstin nutika. Sv. Eduards ari numira tamā, papriķku pasludinotajā lajkā, ejsti 1030 godā.

### Ap sv. Agnezes\*) dzejvi.

Svato Agneze, vel tik 13 godu mejtine, upureja sevi Divam un apsiuleja dzejvot miuzam škejstejbā. Jej dzima un dzejvoja Rimas pilsatā. Jej ciši patika kajdam tos pilsatas augsta kunga vinejgam dalam, kurs ju gribeja pajimt par sivu. Tis jauneklis beja par pogonu, jo tulajk, t. i. ap 298 godu tamā vacu vacajā piltatā pa lelokaj dalaj dzejvoja vel pogoni. Tis Agnezis milotojs atsiuteja jaj daudz bogotu dovonu, prasejdams palikt par jo laudaveniu. Bet sv. Agneze lidzias pijimt ar tim vordim: „Jau es esmu sevi apsulejuse lobokam, varejgokam un bogotokam briutgonam, ne kaj tu esi.“ Jej dumoja te par Kungu Jezu, bet pogons to nesaprota dumoja ka Agneze runoj par kajdu bogotu jaunekli, un brejnojas, kas tis tajds varatu biut, jo jis pats beja ciši bogots. Siuteja vel dorgokas litas, bet sv. Agneze vis jus nepijemia; jis palika nuskumejgs. Un kad izzinoja, ka Agneze ir par Kristejtu, soka pricotis, un ceret, ka caur mukom vares ju pispist palikt par sivu, voj mozokajs, atribt. Jo tavs ari bej ciš dusmejgs, ka Agneze pretejos jo dalam, un raudzeja nu isokuma pirunot Agnezi ar lobim vordim, bet vis beja par velti. Pogoni tod pajemia nevajnejgu mejtini un nudevia

\*) vala = griba.

\*\*) češki = bizi.

\*) Agnezes = Agneškas.



tisaj. Tis pats augstajs kungs, to jauneklā, kurs Agnezi bildinoja, tavs beja par augstoku tisotoju. Is tod isoka pratnot Agnezi: „Vaj tu esi jau nukristejta?“ Agneze atbildeja: „Es sen jau esmu atsavaduse munam Pestejtojam ar misu un dveseli un nikas manis neatraus nu Vinia.“ Pogons saceja: „Izlos sev vinu nu som divejom litom. Vaj izej pi muna tik varejga dala, vaj es tev likšu kolpot miusu divim. Tev bius dadzinot guni pret miusu diviti Vestu.“ Svato atsaceja: „Man lobok biutu izit pi tova dala, par tu ka jis ari ir cilvaks, kuru Divs radeja pec sova gima un lejdzejbas, ne kaj piliugt nedzejvu divaklu, akmeniu, vaj kuka gobolu. Bet niko nu to visa nebius. Es kolpošu, cikam dzejvošu, ejstinajam Divam, kurs radeja dabasus, zemi un visas litas caur miusu Kungu Jezu Kristu, kurs mius atperka numerdams pi krista, augšan celas tresā dinā nu mirunim, ira uzkopis debesis, un atis pasaula gola sudejt visus lauds. Tam es ticu, Vinia klausu un miloju.“

„Jo taj,“ pogons atbildeja, „tod es tevi citajzok stropešu. Tu nesabejstis numert nu mukom, tod es godošu par tu, ka pazustu tova Kunga Jezam upurato ņkejstejba. Es likšu tev dzejvot nekaunejbas moją.“

„Ak tu nelajmejgajs pogons,“ atsaceja sv. mejtine, „ka tu zinotu ap ejstinu Divu, ka Jis ir visu varejgs, tod tu manis taj nebidatu. Es tev soku, ka neupurejšu divaklim un Divs munas ņkejstejbas gļobotojs, sorgos mani taj, ka ni vins inajdniks nespes man tos atjimt, un es visod palikšu nevajnejga.“

„Kad Svato bej jau nuvasta tamā moją, jej iraudzeja ar lelu priecu Engeli Sorgotoju stovut klot. Engels apleja ju ar tajdu brejnejgu spudrumu, ka visus apjemia bajle, un nivins nu delišim neisadrusinoja it pi vinas klot. Vinejgi tik tis jauneklis, kurs koroja viniu dabot par sivu raudzeja tivotis, bet Engels Sorgotojs nelovia tam pogonam ajzkart Svatu mejtini un jis tiulen topa nu Engela nusists lejdz novej.

Tod nusabejda to jauneklā tavs, jam beja zal bez mara vinejgo dala, porstoja mucejt sv. Agnezi, bet jemia viniu liugt ar osorom, ka jej atdzejvinotu jo dalu.

Agneze tod saceja: „Jius pogoni neesit cinejgi tos zelestejbas, bet ka jius ticatu vinejgam un patisejgam Divam, liugšu, laj Kungs Jezus picel nu mirunim tovu dalu.“

Tod tej Diva kolpiunejte ejsu bridejti\*) paliudzia Diva un jauneklis celas dzejvs un vasals. Redzedami tu brejnumu daudz pogonu pijemia Kristejbu, un pats tis lels kungs ar sovu dalu ari palika par ticejgim; un gribeja jau lajst valā sv. Agnezi; bet citi launi pogoni saskreja un klidzia, ka Agnezi nutisot uz novi. Sliktim laudim ļobi nepatejk. Tod saļika lelu guni uz kuras gribeja sadadzinot svatu merdzeni. Bet guntenia jos nedadzinoja vis, jej stoveja guni, kaj kajdā skajstā ustobā: guns nu jos atsarovia nust un skreja pogonim versā. Tulajk sv. Agneze atsamatuse celus un sašlejuse rucenias, taj liudzia Diva: „Guds un slave Tev, o miuzejgajs un visuvarejgajs Divs, ka Tu munu misu un dveseli lejdz ņam lajkam esi miļasirdejgi gļobojs. Bet gon jau tus brejnumu. Pajam mani, o Kungs Jezu, uz sevim.“

Kad tu runoja, nezkajds pogons viniųj pordiuria ar zubinu koklu un taj sv. Agneze numira. Uz jos novis vitas ir pastatejta baznejca, kuru sauc par sv. Agnezis baznejcu, kurā un tagat laudz izliuds nu Diva daudz zelestejbu. Pi tos baznejcas ira klostere del mejtinem, kuros atsadod pa visam Divam un dzejvoj atškertas nu pasaula ikš liugšonom, ņkejstejbas, paklausejsonas un graku vajdešonas dorbim. Sv. Tavs lika tom mejtenem audzet boltus jerinius, pečok nu tus jeriniu vilnas, tos pat divabajlejgas mejtines auž un tajsa sovajdu metelejti, kuru sauc par „pallijumu“ un kuru Sv. Tavs siuta jaun-icaltim Ercvejskupim. Tis ir jim par vares un nevajnejbas zejmi un rutu, kuru volkoj pi Diva kolpošonas dažos leļokós svatdiniās.

\*) bridejts = ņaltenia.



### Ap sv. Ignata dzejvi.

Sv. Ignats beja par Vejskupu Antiochijas pilsatá. Dzejvoja ap 110-tu godu pec Kunga Jeza pidzimšonas. Tulajk par Rima valsts kejzeri beja pogons Trajans vordá. Šis lajzdamis uz karu, liudzia sovu divaklu, un upureja vinim, un citus lauds spidia tu pat darejt. Kejzeram pasceja, ka Vejskups Ignats daudz pogonu atgrizut uz Kristejgus ticejbu, un ka Antiochijá jau nikas vajrs negribeškis šus divu piliugt. Kejzers lika atvest sv. Ignatu uz sevi, jemia pret viniu lilejt sovus divaklus. Bet sv. Ignats visim skajdri pirodeja, ka vins tik ir ejstajs Divs, un ka nepicisami vajag ticejt Pestejtojam, kas grib izglobt sevi nu miuzejgas pazušonas. Trajans redzedams, ka sv. Ignata nevarēs pispist ajzaligt Kunga Jeza, nutisoja ju uz novi. Pogonu kara-vejri izlika pinaklus uz Svato rukom un kojom, kaj beja kejzers pisacejs un vedia ju uz Rimu. Tulajk, kaj Antiochijá, taj aridzan Rimá, beja daudz Kristejtu lauzu. Sv. Ignats raksteja uz Rima Katolim, un tamá rokstá patejcias Divam, ka jam kaut\*) vacam Divs atlaun biut numucejtam par ticejbu. „Paldis Divam,“ saceja, „es numeršu par Ticejbu, laj zina pogoni, ka Kungs Jezus idus ticejgim miuzejgu dzejvi par šu lajcejgu, kuru pogoni atjem nu mums. Jius tod, muni mili, ne-esit ciš nuskumejgi munas noves del. Atlaunit, laj es jau ejmu pi Diva. Nesapiulejit, ka mani izdabot nu pogonu rukom. Esmu nutisots, laj apad mani plesejgi zveri . . . Laj guns, kristis, zveri, nucersona, kauļu lauzejšona un citas mukas man atnok, ka tik biut ar Kungu Jezu. Lobok man numert del Ticejbas, ne kaj valdejt visu pasauli. Pestejtojs numira par manim, es ari del Jo, labprot citejšu visajdas mukas un atdušu Jam sovu dzejvi.“

Sv. Ignats ir numucejts un jo kauleni topa salasejti ar lelu cinu un gudu, un nusiutejti uz Antiochijas bazneju.

### Ap sv. Agatas dzejvi.

Sv. Agata jau nu barna dinom ļabi beja izmocejta iks svatas Ticejbas. Vinas dzimdinotoji beja par lobim katolim, un portikuši dzejvoja Panormas pilsatá uz lelas solas, kuru sauc par Siciliju. Jej vel eici jauna biudama apsuleja Divam dzejvot miuzam škejstejbá. Un topec, ka tamá lajká vel vojoja Kristejtus, jej gatavejas numert par Ticejbu, jo tis Divam patiktu. Ne par ilgu lajku kejzers Decijus lika Kristejtus lauds kaut zemé, kam ji rejzé ar pogonim nepiliudzia divaklu. Sicilijas porvaldejtojs ajzgribeja sv. Agatu pajimt sev par sivu, par tu ka jej beja skajstoka par citom margom. Tod jis lika sovim kara-vejrim atvest sv. Agatu nu Panormas uz Kataniju, kur jis pats dzejvoja. Ti kara-vejri nu isokuma ajcinoja sv. mejtini ar lajpnim vordim braukt jim lejdza. Sv. Agata prasēja jus, laj jej atlaun paprišku mozu šalteniu paliugt Diva. Tod igojuse sová kambarejtí, atsametia celús, acs un rukas pacel uz debesim un taj isoka liugt: „O visuzejgajs Divs, tu zini munu sirdi un ticejbu, istiprinoj tod mani, ka es paliktu vinnajž škejsta. Laj neškejsts gors, un tis pogons vinia kolps neporvar manis. Pijem man kaj jauku sovu upuri, tok tu esi muns vinejgajs, patisejgajs un miuzejgi gudinojamajs Divs. Amen.“

Kad tej Svato atbraucia uz Kataniju, tis Sicilijas versiniks ļika sv. Agataj dzejvot pi nezkajdas sivites, kuraj beja picas mejtas. Tej sivite biudama par divaklu gudinotoju, gribeja ari sv. Agatu apradinot ar šo pasaula launumu. Jej ar iztejkšonu un lomošonus piulejas pispist Svatu atdut gudu divaklim, un numilot misas baudejumus. Bet sv. mejtine, kaj akminia miurs, atsatureja pret visom kardinošonom. Liudzia tik cešok un ar esorom Diva palejga. Tej sivite redzedama, ka jej ninika nepadarejs, nugoja uz to kungu un pasaceja, ka vinia nevarute niko ispet pi tos mejtines. Tod tis versiniks luti ajzadusmoja un paveleja atvest sv. Agatu uz sevim. Kad tis bej padarejts, jis jemia jos vajcot, kam jej jo neklausu un neupurej divaklim. Bet sv. mejtine jam atbildeja ar garu

\*) kaut = koč.



runu, kurá pirodeja pogonu ticejbas aplamejbu, taj ka versinikam bej kauns, un gribejt — negribejt joatzejst, ka sv. Agata runoj patisejbu; bet vis tis nejedzejgajs pogons ispidia ju timsá un smirdusá citumá. Nokušá diná jis atkon saucia sv. Agatu pi sevis un visajz pirunoja ajzalgktis Jeza. Pečok jemias brimejgi mucejt. Bet sv. Agata ne tik vin neatkrita nu patisos ticejbas, bet vel gribeja tu pogonu ar gudru runu atgrist uz Divu. Kad ju sita, jej saceja: „Taj kritni sisdami jius nu munas misas izsisset, kaj nu ozbora palovas. Un muna dvesele tejroka un skajstoka iis dabasús.“

Pec šaustejšonas pogoni pliukoja un grajzeja sv. Agatas misu, darejdami lelu sopi; pat atgrizia jaj kriutis un taj tikku dzejvu ajzsledzia otkon citumá. Tulajk želejgajs Divs remdeja sopes sovaj kolpiuniaj: siuteja uz viniu sv. Piteri Apustolu, kurs ar jaukim vordim ju ipricinoja un pasludinoja, ka tiulen taps izzolejta nu vajniom, tas ir ranom. Taj ari patiš nutika, sv. Agata palika vasala. Gudinoja tod Divu par tu brejnumu, un gatavojos uz jaunu karu ar pogonim. Un patiš ne por ilgu lajku pogoni izvedia ju nu cituma, un beja dizan porstejkti\*) pamanejdami, ka sv. Agata beja pavisam vasala.

„Redzit niu, saceja sv. Agata, Kunga Jeza varejgu spaku? Jis mani izzoleja vina ocu-mirkli. Jis ira patisajs vinejgajs Divs, bet jiusu divakli ir par neškejstim gorim. Kam jius cinejat nedzejvu zalta, voj akminia gobolu?“

Bet sv. Agatas mocejba pogonim nepalejdzeja, vini vel vajrok uz jos sirdejas. Ji sakiura lelu guni, uz kuras gribeja sadadzinot sv. Agatu. Ji jau nesia viniu pi guns, bet raug, kajds brejnums nutika uz sv. Agatas liugšonu. Zeme soka tricet; visi tos pilsatas lauds jemias nu bajles brekt, un daudz nu vinim atskrejuši uz mukas vitu, klidzia, laj nekomoj sv. Agatas. Turines versiniks ari nusabejda; porstoja mucejt, bet nepalajdia vel pavisam valá. Lika iverst otkon citumá. Te

\*) porstejktam biut = iraudzet ku negajdejt — brejnotis.

Jau nuvordzinota un nukomota sv. mejtine liudzia Diva, laj jau pajem ju uz sevim, un mirejgi numira. Kristejti lauds pagloboja vinias misu ar lelu gudu. Launajs versiniks, kad jau nebeja varejis sv. Agatas dzejvas porvaret, gribeja kaut vinias montu čupt ruká. Bet Divs jam un to neatlovia: jis braukdams pa celu, ikrita upé un nuslejka.

Sv. Agata ir atzejta par Sorgotoju nu guns. Jau tiulen utrajá godá pec jos noves, kad Etnas kolns soka izvemt brimejgu lelu guni, Katanijas dzejvotoji liudzia Diva caur sv. Agatu izglobt jus nu nelajmes. Stovuklis bej brimejgs. Guns ar vinu vajrok soves ora nu kolna. Zeme isoka tricet. Pečok kolns jemias svajdet nu sevis ora ar lelu rejbinu nukorusus akminius. Ti jau skreja uz mišta pusi; rejzé ar tim akminim soka litis uz pilsatas pusi lela un korsta škejstuma straume, kuru sauc par lavu. Visim biutu atnocs gols, jo sv. Agata nebiutu izliuguse nu Diva apsazaļošonas. Raug, kajds brejnums nutika. Kad visi kristejti un pogoni saskreja pi sv. Agatas misas, karški liugdami globšonas ar rejzi zemes tricesona aprima, brimejgajs kolns nuklusa, un gunejgo sveču straume atsagrizia. Kaj brejnejs ir Divs ikš sovim Svatim!

### Ap sv. Dortas dzejvi.

Sv. Dorta dzejvoja Kappadocijas pilsatá 230 godá pec Kunga Jeza pidzimšonas. Jej beja divabajlejgi izaudzata nu Katolim dzimdinatorim un taj ari labi izmocejta sv. Ticejbá. Jej apsajemia miuzam dzejvot ikš škejstejbas, bet miuzš jaj nebeja gars. Tulajk pogoni Kristejtus lauds komoja un sita zemé par sv. Ticejbu. Uz Kappadociju atbraucia versiniks Sapricijuss ar sovim kara-vejrim un tiulen lika stodejt sev prišká sv. Dortu. Kad jej negribeja gudinot divaklu, jemias ju visajz mucejt. Bet tis pogons redzedams, ka sv. Dorta gribatu lobok numert, nekaj ajzalikt Jeza Krista, devia ju dišejom sivitem, laj pirunoj ju atstot Kristejtus Ticejbu un sakt



upuret divaklim. Tos sivites beja pirmok par kristejgom, bet peçok muku bejdamos, ir atritušas nu patisos Ticejbas un palikušas par pogonitem. Jos tod gribeja ari sv. Dortu pirunot, laj tajpat pador. Jos uz ju saceja: „Paklaus to miusu versinika, tod varesi dzejvot ikš bagatejbas. Kopec tu sevis nezaloj. Tu esi tajda jaūnenka un skajsta, soc gudinot miusu divus, izej pi vejra un baudejsi šo pasaula pricas.“

Sv. Dorta atbildeja: „Ak jius nelajmejgos sivites, vaj tod nezinot, kas miusu gajda pec novel? Jius seniok bejot par kristejtom un esit dzerdejušas, kaj Divs stropes par sliktim dorbim. Ak, lobok jius manis klausit un atsagrizit otkon uz Divu.“ Un taj vel runoja gudrus vordus, cikom tos sivites porjemia žalums, tod jos uzsauca: „Ku mes bedejgas darejsim, mes tok rejzi ajzlidziam Kunga Jeza, topec biusim pazudinotas.“ Uz tu sv. Dorta taj saceja: „Jius tagad grakojat vel vajrok, par tu ka neturit ceribas, uz Diva milasirdejbu, nekaj pirmok nu Jo atkrisdamas. Kas patiši žaloj par grakim, un stipri apzajemas uzlobot sovu dzejvi, Divs tam visod atlajss grakus. Diva želsirdejba ir leloka par visim grakim. Tod jau jiusu graku vajdešonas ari neatstums nu sevis. Kungs Jezus numira pi krista par grecinikim, ejtia pi Jo ar ticejbu, ar žalumu par grakim un cerejbu, tod milejgajs Divs visu jums atlajss.“

Turejž Svato ļudzia Diva par tom sivitem un jus sirds topa satrikta, jos atsagrizia uz patisejgu Divu, un isoka vajdet par grakim. Peçok pogons Saprificjus pasauca tus sivišu un vajcoja, vaj jau pirunojušas Dortu ajzaligtis Jeza Krista? Šos atbildeja: „Ne, jej miusim parodeja patisejgu celu, izmoceja mius sv. Ticejbá, un tagad esim tajpat par Kristejtom.“ Pogons brismejgi apzadusmoja, jemia sist tos sivites, un pedejgi ļika jos sadadzinot guni. Sv. Dorta drusinoja jos mukas lajká runodama: „Tej nove ļaj ir jums par atlejdziņošanu par grakim, taj drejž iraudzejsit debesīs Kungu Jezu, nu kura nikod nebusit vajrs atškertas. Taj tod tos divi sivites topa numucejtas.“

Pogoni tagad soka mucejt sv. Dortu. Sita un pamozom dadzinoja ar guni, ka mukas vajrok pavilcinot, bet jej citia visu ar pricu. Pogoni brejnojos un vajcoja, kaj var cist tajdas mukas, nebiudams nuskumejgs, bet Svato saceja: „Del to es pricojus, ka drejži kliušu debesīs pi Diva, kur pricošus miuzam ar Kungu Jezu.“

Tulajk kajds pogons, Teofilis vordá, saceja smidamis: „Liudzu, atsiut man nu sova raja dorzá, kad tiks debesīs obuli, vaj kajdu rúzi.“ „Labi,“ sv. Dorta atbildeja, „gajd vin, atsiutejšu.“ Un patiši, kad sv. Dorta topa nucersta ar zubinu, neporgoja vel pus-stundes, kaj mozeņš bet luti skajsts berniņš, atnesia tam cilvakam trejs obulus, un trejs smukas-smukas ruzejtes. „Še, Teofil,“ taj saceja tis berniņš, „tev šitu atsiuta nu dabasim sv. Dorta.“ Teofilis redzedams tajdu brejnumu, palika par Kristejtu, un slavinoja Divu. Jis visim saceja: Tis tik ira patisejgajs Divs, ikš kura tic Kristejti, gon jau man dzejvot ikš neticejbas, tiulen pijimšu sv. Kristejbu, un kolpušu Divam kaj pidar.“

Vinia draugi raudzeja ju nu to atrunot: „Ku tu dori, ak tevi nutisos par tu uz novi. Apsaver, var biut tis barns ar tim obulim un puçejtem nebeja vel par ļeļu brejnumu.“ „Ku jius man stostit, saceja Teofilis, kaj tis nav par ļeļu brejnumu, ak tagad pi mums ir zima, dzejvojam Februara mensesī, 6-tu dinu, ora ir soļtums, kur kas var tagad atrast tajdus svajgus un tajdas zidušas pučas, kurom lapenes vel pavisam zalas? Un tis barns, kuram pa augumam nevar dut vajrok par cetrin godim . . . vaj tis nav par brejnumu. Ka jius biutu dzerdejuši, kaj jis gudri ir ar manim runojs? Taj, ka un vaci taj nerunoj. Pitejk, es pazinu patisejgu Divu, jam vin kolpošu lejdz novej.“

Saprificjuss dabojs par tu zinot nutisoja Teofilu uz novi, un taj Teofilis drejži sasatika debesīs ar sv. Dortu, kur dzejvoj miuzam lajmejgi.



### Ap sv. Brigitas dzejvi.

Sv. Brigitas tavs beja par sliktu cilvēku, un gudinoj divaklus, kaj visi pogoni. Jis pordevia sovu vel mezenit mejtu citam pogonam par kolpiuni. Te sv. mejtine beja paguvu-gani. Jaj beja ciši zeļejga sirds: jej daleja ubogim pinu uz kura škitos par sajmineju. Jos kungs, kaj pogons, nimo nezaloja begejgu. Jis redzedams nepilnu sviksta spani, soka dusmotis un todel Brigita liudzia Diva, ļaj ju globoj nu pogona dusemem. Zeļejgajs Divs apsazaloja un padareja tajdu brejnumu: Sviksta spans tiulen tika pilns. Pogons, iraudzejs tajdu brejnumu, pats palika par Kristejtu, un soka ciši cinejt sv. Brigitu. Jos jau neatzina vajrs par kolpiuni, bet bagatejgi apdovinojs palajdia vala, ļaj it un dzejvoj kur patejk Sv. Brigita atgoja pi sova tava. Jej beja ciši skajsta, un topec daudz kas gribeja pajimt ju par sivu. Bet Svato bej jau sen apsajemusia dzejvot jumpravejbá. Todel liudzia Diva ļaj atjem nu jos skajstumu, ka preciniki\*) dutu jaj miru. Divs iskļauseja jos liugšonu, jej palika ar vinu aci okla. Tod isastoja klosteri par nonni,\*\*) un dzejvoja tur rejzé ar citom mejtinem. Te jej padareja daudz brejnumu, ar kurim palejdzeja laudim un daudzinoja Diva gudu. Visu brejnumu nevar izstostejt. Paraugam pastostejsu tik kajdi pori.

Kajds sliminiks, biudams vis vinos votis, liudzia sv. Brigitas palejga. Jej apslacinoja ju ar svetejtu iudini, un sliminiks palika vasals. Bez to jej izzoleja ar svetejtu iudini vel daudz citu. Dazi okli caur jos liugšonu isoka redzet, un mami atdaboja runu.

Kajds ļels kungs negribeja ļajst sovas mejtas dzejvot klosteri ar sv. Brigitu. Tulajk to kunga mejta raudzeja izbegt nu satas. Jej tavam neredzejt бага uz klosteri. Bejdrejzi izzinoja ap tu satá, un tis kungs ar citu vejru pulku dzinos pakal sovaj mejtej gribadams ju tiulen atvest atpakal

\*) preciniki = tautu dali, briutgoni, svoti.

\*\*\*) nonne = mukite, zakonejca.

uz satu. Tulajk taj mejtinej, kura jau beja tikuse tiuli pi klostera, brejneji palejdzeja sv. Brigita. Jej pormetia svatu kristu uz cela, kur joja tis kungs. Kad šis atgoja lejdz taj arkristejtaj vitaj, zirgi niparku negribeja it tolok. Tis kungs abidats ar tu nutikumu, jemia zalot par grakim, ka ajzka-beja sovu mejtu palikt par nonni. Devia tod jej pilnu valu; ej otkon stojis dzejvot klosteri zam sv. Brigitas vadejbas: avabajlejgi, pazemejgi ikš nabadzejbas un miuzejgas škejstej-gas. Sv. Brigita ilgus godus nudzejvojuse un daudzi loba padarejuse atsaškejra nu šo pasaula ar pricu, ka debesis ar sim Svatim miuzam Divu gudinot.

### Ap miusu pirmus dzimdinotoju Oduma un Ivas dzejvi.

Nu poša isokuma beja tik vins Divs ikš Visusvatokas trejadibas. Vajrok nebija niko. Visulobokajs Divs gribadams, un eits kas dzejvotu un biutu ļajmejgs, radeja dabasus, emi un visu kas tik ir uz pasaula. Engeli un lauds topa radejti, ka miuzam nemertu. Visupirmok Divs radeja Eng-lus un devia jim ļajku del nupelnejšonas miuzejgas ļajmes. Ji biutu visakamá Divu klausejuši, miuzejgi biutu palikuši ļaji un ļajmejgi. Bet nevisi beja uzticejgi Divam. Lels En-geju pulks, zam Lucipera vadejbas, ajzgribeja biut lejdzoni palim Divam. Tulajk Divs sliktus engelus viná ocu-mirkli ngriudia nu dabasim un nugremdeja ellé, un ji nu smukim Engelim palika par brismejgim un neskejstim gorim — val-um. Bet ļobi Engeli par kuru vadejtoju beja sv. Mikels Engels, daboja nu Diva neporgruzamu un neatjemamu sva-umu, un pastavejgu miuzejgu ļajmi.

Pec to kad jau zeme, un vis kas uz vinias ir, beja ra-ļjts, Divs pedeji radeja pirmus lauds, Odumu un Ivu, un matinoja jus uz dzejvi raja dorzá, kur jim visa ļoba beja pilnam, niko netriuka. Pec šos ļajcejgos dzejves, kuraj bej ritet bez vorgim un griutejbom, Divs jim bej nusprids iit



debesis nugriustus engelu vita. Tis vis jim bej apsulejts ar tu nurunu, jo kļausejs Diva. Tod Radejtojs devia miusu pirmejim dzimdinotojim tajdu bauslejbu, ka nu vina kuka, kuru saucia par ļoba un slihta pazejsonas kuku, neestu auglu. Nu visim citim kukim beja atlauts est, cik grib. Beja ari nu Diva pascejts, ka jo ji ess nu ajzligto kuka, mertin numers.

Tej vinejgo bauslejba nebeja griuta. Cilvaks kajdu ļajku ju izpildeja. Bet valns, kas pats bej pazaudejs dabasus, skaudia ari cilvakam, ka tis vareja tikt pi Diva. Pasametia par čiusku, uzlejda uz azligto kuka un gajdeja tī pirmus cilvaku. Launajs gors iraudzeja Ivu atejut un isoka sovu runu nu malim. Jis saceja: „Kam jums Divs ajzlidzia est auglus nu visim kukim?“ „Ne,“ Iva atbildeja, „ajzlidzia est tik nu launa un ļoba pazejsonas kuka, ka mes nenumertu. Nu visim citim kukim Divs ir atlovis est.“ Čiuska saceja: „E, nenumersit, bet paliksit gudri, kaj divi, pazejsit ļobu un sliktu.“

Ak, Jo, tovu nelajmi, tu ļabrotejgi isoki runot ar sovu inajdniku! Vajrok iticeji valnam, nekaj Divam!

Iva nuškina obuli un edia, atgoja Odums, devia tam, un tis edia, taj obi divi ikrita ļeļá graká.

Ne par ilgu iraudzeja Divu stajgojut pa dorzu. Obi divi cilvaki nusabejda un nusagļoboja storp kukim. Bet kas var pasaglobot nu Diva. Divs ne tik vin visus redz, laj voj zeme biutu ilejduši, bet zina pāt, kas ku dumoj. Tod Divs tiulen atgoja uz tu vitu, kur ji beja, un visus nutisoja lejdz tajsnejbaj: Čiuska topa nu Diva nuļodata un Odums ar Ivu izdzejti nu raja dorza un ciši nustropati. Pirmok jus prots beja skajdrs, visu ku vajag zinoja bez vujcejsonas, visod gribeja to vin, kas beja par lobu, un lobu tik dareja. Bet pec graka jus prots topa aptimsots, vojs un jus griba palika mudroka uz launu nekaj uz lobu. Pirmok nebeja nedz slimejbas nedz smerts, pec graka rodos ļeļs daudzums vis-visajdu slimejbu un pedeji ikkotram vajag numert. Kolejdz cilvaks beja paklaussejgs Divam, vis kas, kas tik ir uz pasaula, kļauseja ari cilvaka. Taj; saula taj ciši nedadzinoja, soltums nesaldeja, zveri

nebeja taj plesejgi, un vis kas, kas tik dzejvoj, voj aug, nedrejksteja cilvakam ribt. Zeme poša bez apstrodošonas devia gordus un sejtus auglus. Bet pec pirmo graka vis kas sasaucela pret cilvaku, jis jau soka bejtis zveru, zeme bez apstrodošonas nesoka dut auglu un isasoka neporredzama visu-visajdu vorgu rinda.\*). Vina tik nuceja (ceriba) palika izdzejtejim nu raja: atnokšona Pestejtoja, kuru jim zeļejgajs Divs pasludinoja. Pirmi dzimdinotoji pazina, ka caur graku vajdešonu, ticejbu un cerejbu ikš Pestejtoja var atdabot izgajsetu dabasu valstejbu. Tod ciši vajdeja par grakim visu sovu garu dzejvi, un taj daboja graku atļajšonu. Pirmus cilvaku graks ne jim vin škodeja, bet porgoja uz visim laudim, taj ka ikkotris cilvaks atit uz pasauli ar pirmdzimtu graku.

### Ap sv. Kazmera keninia dzejvi.

Ikkotrā kortá var biut ispestejtam. Nabagam viglok ir nu debesis, ne kaj bogotom. Bet jo kajds augsts kungs dzejvoj divabajlejgi, tulajk redzim jauku paraugu. Vajrok laužu veras uz keninia, kaj jis dzejvoj, ne kaj uz ubogu.

Sv. Kazmers beja par Pūlu zemes keninia dalu. Sv. Kazmers dzejvoja vers zemes neilgi, bet daudzi ajzpelneja. Jis ceški ļiudzia Diva, un laj gon beja keninia dals, ar lobu protu pakolpoja pi sv. Mišas. Pa rejzej celas nakts vidá un goja skajtejt potorus pret baznejas durovom. Jis ciši miloja Visusvatoku Jumpravu Mariju, un Jaj par gudu pats piraksteja garu dzismi, kuru nosoja lejdz un ceški skajteja. Zam smukom versejom drabem nosoja stejvus kraklus nu motim, kuri dareja sopi jo nevajnejgaj misaj. Moz edia, stipri garteja, guleja pa ejsam ļajkam, un ne vis uz sova keninia gultas, bet uz citas zemes. Runu visod grizia uz Divu. Visi jo vordi beja divabajlejgi un cinejgi. Jis beja ciši zelsirdej-

\* ) rinda = ajla.



gajs. Nikod neaplajdia atraušu, boriniu un vojotus. Visim palejdzeja, cik vin speja. Sv. Kazmers numira vel jaunús godús, 1484 godá, 4 Martá; jam beja turejz tik 25 godi. Jo misa topa paglobota baznejcá Vilnas pilsatá. Pi Sv. Kazmera groba zelejgajs Divs padareja laudim daudzi brejnumu. Daudz kas nu neizzolejamim sliminikim palika vasals. Pat dazs numirušajs otkon palika dzejvs. Taj pimaram, kajdim dzimdinotojim numira mejtine. Ti dzimdinotoji ciši-ciši jos zaloja. Nunesia tod mejtines atdzisušu misu uz baznejcu pi sv. Kazmera groba, liudzia te Diva, un stipra ticejba nepalika kauná; mejtine otkon palika dzejva. Ipricinoti dzimdinotoji nuvedia ju dzejvu un vasalu uz satu. Un daudz citu brejnumu Divs dora caur sv. Kazmera ajzbildešonu. Liugsim un mes jo palejga, jis tok ir par miusu molas Ajzbildni,\*) mes ari biusim izklausejti.

### Ap svatu Jezupu Visusvatokas Jumpravas Marijas Briutgonu un Globeji.

Sv. Jezups beja par tu lajmejgu Patriarku, kuru Divs izredzeja par Jumpravas Marijas Globeji, un par pasaula Pestejtoja audzinotoju. Jis beja par ticejgu un gudru kolpu, kuru Divs ir icels par Sovas Svatos mojas, t. i. sajmes versiniku. Divs ju paajcinoja uz augstom un lelom litom, tod ari bagatejgi apskinkoja ju ar Sovom dovonom, un kaj dzejvodams vers zemes, baja par Svatas sajmes globeji, taj un tagad Divs icela sv. Jezupu par visas Katolu Baznejcas Ajzbildni. Kad sv. Jezups mira, tod klot pi jo beja pats Kungs Jezus un Visusvatoko Jumprava Marija, par tu un tagad sv. Jezups ir par lajmejgas noves Patronu. Lauds dzejvodami liudz sv. Jezupa laj jis caur sovu ajzbildešonu pi Diva, nedud miusim numert ar novejgu graku, bet laj palejdz lobi atsa-

\*) Ajzbildnis = Patrons.

numert nu šo pasaula un tikt dabasús. Liudzemias tod sv. Jezupa visós miusu vajdzejbós, jis ira dabasús kaj kajds sajminiks, visa ko var mums izliugt nu Diva. Jo svatdini svečejam 19 Martá tis ir 19-tá diná pavasara menesí.

### Ap sv. Aleksandra dzejvi.

Sv. Aleksanders beja par Pavestu, tis ir, par Romas Vejskupu. Dzejvoja ap 117 godu pec Kunga Jeza Krista piktinšonas, un beja par piktu Pavestu pec sv. Pitera. Zinat, ka tagad, 1900 godá par Pavestu ir Svatajs Tavs Leons XIII. Es tagad ir par Pestejtoja vitiniku vers zemes un par sv. Katolu Baznejcas redzamu golvu. Tej vare ir jam duta nu patia Diva. Par tajdu beja ari sv. Aleksanders. Tulajk pogoni valdeja Romas pilsatá un Kristejtim vajdzeja nu jim glibotis. Sv. Aleksanders tiukstušom atgriza lauds uz Katolu Ticejbu. Izzinojuši tu pogoni, sagiusteja Svatu Tavu ar daudz citim Kristejtim laudim, un isledzia citumá. Pogonu storosta, Kvirins vordá svatim vejrím aplika pinaklus ap rukom un lojom. Kvirins brejnodamis vajcoja vina nu kristejtim, kuru sancia par Hermesu: „Kas tej tajda par ticejba, kuras del cisat tik lelas mukas?“ Tis atbildeja: „Pavajcoj Svato Tava Aleksandra, jis tevi izmocejs visuleloká gudrejbá, taj ka tu ar jo gribesi biut lajmejgs, isoksi ticejt patisejgajam Divam.“ „Es tevi un tovu Aleksandru divim tik stipri sapejšu ar dzeiza pinaklim; likšu tevi un ju ajzslegt kotru pa sevim, un ir tod jis atis uz tevim, tulajk es klausejšu jo mocejbas.“

Kaj saceja, taj padareja. Durovas stipri ajzsledzia, stabeja karavejrus un pisaceja jim uzmanejgi sorgot. Sv. Aleksanders dzerdeja tu Kvirina runu; jemia liugt Diva, laj palejdz jam izpestejt to pogona dveseli. Divs izklauseja un padareja bejaumu. Atgoja Engels uz sv. Aleksandru un nuvedia ju pi Hermesa. Kad Kvirins iraudzeja tí Aleksandru, ciši brejmojos. Bet ajzgribeja vel jauna brejnuma. „Pi manis ira



slima mejta, saceja Kvirins, izzolej ju, Svatajs Tavs, tulajt ticejšu.“ „Labi,“ atsaceja Pavests, „atved ju uz tu kambari. kur mani beji liciš ajzslegt.“ Kvirins skreja pec sovas sliimas mejtas. Kad atgoja pi cituma, atroda visu, kaj bejušu. Durovas beja ciši ajzslagtas, karavejri stoveja un riupejgi sorgoja. Jus vajcoja, vaj neredzeja ko ejmut, vaj neizgoja Pavests Aleksanders. Sorgotoji atbildeja: „Vis bej mirá, mes veremes vinumar un niko neredzejam.“ Kvirins saprota, ka Aleksanders beja izgojs un atpakal atgojs caur ajzslagtom durovom, nikam neredzams un ka pinakli nebeja varejuši jo nuturet. Topec isoka ciši cinejt sv. Aleksandru.

„Svatajs Tavs, jis taj ajzrunoja uz Pavestu, liudz Diva un par mani greciniku, še, muna slimo mejta.“ Sv. Aleksanders lika sovus pinaklus taj mejtaj pi kokla, un tej palika vasala. Pec to Kvirins jau pavisam atsagrizia uz Divu un pijemia Svatos Kristejbas Sakramentu. Turejž saceja sv. Aleksandram: „Izej Svatajs Tavs nu cituma, tu esi par munu kungu, es tevis klausejšu.“ Bet sv. Aleksanders uz tu saceja: „Lic miru, laj es paprišku nukristu visus, kuri ir te citumá.“ Tod vel pascēja garu un ciši lobu mocejbu par Svatu Ticejbu, un visus citumnikus atgrizia uz Divu. Par tu storpu pogons Aurelijuss vordá daboja zinot par tim sv. Pavesta dorbim, un tiulen pasaucia uz sevim storostu Kvirinu, kuru lomoja ar bejdzamim vordim par Kristejtus Ticejbas pijemšonu. Kvirins atbildeja taj gudri, ka Aurelijuss biutu varejs pazejt pogonu ticejbas aplamejbu un izzinot, ka patisejba ir tik Svatajáj Kátólu Baznejcá, bet launajs pogons tik brismejgi ajzadusmoja, un Kvirinu sakopoja ar zubinu gobolim. Pečok jis stojos pi citim Kristejtim un komoja tus lejdz novej. Pa visu prišku muceja sv. Aleksandru: ar dzelža noglom pliukoja jo nevajnejgu misu un dadzinoja ar guni; bejdzut nucerta ju ar zubinu. Šus muceklu piminiu svetejam piktaja Majá, aba lopu menesí.

## Ap sv. Tanslova dzejvi.

Sv. Tanslovs muceklis beja par Vejskupu Krakovas pilnata. Ju numuceja palajdnejgajs Pulu keninš Boleslavs. Itis keninš beja dusmejgs uz sv. Vejskupa, par tu ka jis ju gribeja atturet nu launim dorbim un atgrist pi divabajlejgas dzejves. Keninš ajz dusmem un atribšonos del gribeja paprišku nuplest Vejskupam lobu slavi, un pečok, jo varatu, tod eri nusist. Atsaroda slikti lauds, kas labprot tam keniniam palejdzeja; topec netajsnejgi siudzejas, ka Vejskups ass pajemis svešu zemes gobolu par sovu. Sv. Tanslovs atbildeja, ka jis tu zemi nupercs nu cilvaka, kuram Pitera vordá. Daudz kas tu beja redzejuši un labi zinoja, bet visi bejdos keninia, nikam nebeja drusuma pascajt tajsnejbu. Pats Pitera, nu kuro zeme beja perkta, jau nedzejvoja šamá pasaulí. Tulajt sv. Vejskups izsaceja tus vordus: „Pagajdit, jo dzejvi bejstas pascajt keniniam tajsnejbu, es picelšu nu mirunim tu Piteri, jis jums dus licejbu.“

Pečok sv. Tanslovs pec liugšonom un sv. Mišas, it ar citim laudim uz kopim un lik numirušajam Piteram celtis un cit nu dubes. Miruns uz Sv. Tanslova vordu tiulen palika dzejvs un celis stejdzias uz tisu, ka aplicinot tí tajsnejbu. Pec to sv. Tanslovs nuvedia Piteri atpakal uz kopim un pagaldeja ikš mira tamá pat senejáj vitá.

Ajzkaunatajs keninš dzili sová sirdí nosoja dusmi pret sv. Tanslovu, bet Vejskups neporstoja ju skubinot, ka atsagristu uz Divu. Tomer keninš neporstoja slikti dzejvot. Jis rejzi ibruka baznejcá, kur sv. Tanslovs tureja Mišu, un tí pi citora svatzadzejgi sakopoja ar zubinu. Taj ir numucejts tis sv. Krakovas Vejskups un miusu zemes Patrons. Divs caur jo ajzastošonu idevia laudim daudzi zelestejbu. Pimaram, var be pastostejt par kajdim divejim nutikumim.

Kajdam kungam, Vilteram vordá, nu Polukarci mista, numira dals. Jis ciši žaloja to dala un rejzé ar sovu sivu ajzsajemia braukt uz Krakovu, kur baznejcá sv. Tanslova



kauli ir globojami. Ti ļauloti draugi dumodami ap tu celu zagribeja. Jis pasaucia sv. Joni baznejckungu, un vajcoja, šonu, liudzia sv. Tanslova palejga par visu nakti. Agri rejt kajdim grakim spovedejas jo siva Jugase. Sv. Jons atsa- ji atroda sovu dalu pisacalušu nu mirunim, pavisam vasalēja: „Lobok es visajdas mukas cišu, ne kaj pascejšu kaut un stipru.

Kajds Rikards Krzizanovic nu Krakovas pilsatas sva- tās spovedejas. Keninš ajzadusmoja uz sv. baznejckunga un dines diná, ku braukt uz baznejcu, joja uz mezu medejbá- lika ju citumá. Keninia sulajni raudzeja sv. Joni pirunot, ka Jis tiulen daboja par tu stropi. Golva un acs soka jam cis- is izpildejtu keninia protu, bet Svatajs apsajemia lobok simt- sopet: lobo acs izlejda pavisam nu sovas vitas un karineja- kortejgi numert, nekaj pascejt kaut mozeniu pi spoveds dzer- krejso porplejsa un izteceja. Biudams tajdós sopés Rikards- datu graku. Tod keninš rauga citajzok pivilt sv. Joni. Jis lika sevi vest pi sv. Tanslova groba, un ti paliudzis to sv- ajzdumoja pirunot ju ar lobu nudut nuslapumu. Izlajdia ju Patrona palejga nugoja uz satu ar vasalom acim.

### Ap sv. Jonia Nepomuka dzejvi.

Sv. Jons Nepomuks pidzima Bohemijas Valstí, Nepomu- kas misteniá. Jis jau nu mozom dinom beja par divabajlejgu pujskinu, jam patika kolpot pi sv. Mišas. Peçok atduts uz augstom skūlom izamocejas par baznejckungu. Jis nu sova Vejskupa beja siutejts dzejvot uz Pragas pilsatu, kurá tos molas keninš dzejvoja. Te sv. Jons devia bizi lobas mocej- bas, ar kurom daudz lauzu pagrizia uz lobu celu. Lauds ju miloja, un pošaj keninia sivaj beja par gorejgu tavu t. i. par spovedatoju. Sv. Joniam beja ciši zelejga sirids: jis vinajz devia kaladu ubogim; un monta, ku dalejt ubogim, jam netriuka, par tu ka citi kungi un pošā keninia Jugase rejz rejzem siuteja jam naudu, ar ku palejdzet nabadzejgo- kim. Taj sv. Jons beja slovonts ar visajdim tikumim, un skubinoja lauds uz Divu. Neškejsts gors, tu redzedams, nevareja rimt nu skaudejbas, isoka kardinot tos molas ke- ninu Vatslavu IV. Tam keniniam mōz beja divabajlejbas. Jis palika par launu un nezelejgu cilvaku. Jam nepatika jo sivas Jugases divabajlejgo dzejve; seviški jam nepatika tis, ka jej bizi stajgoja grakus siudzet, daudz liudzia Diva, un devia bogatu kaladu ubogim. Un raug, ko tam keniniam

nu vordeniu. Pats Divs ir licis pavisam paslept tu, nu ko kas spovedejas. Keninš ajzadusmoja uz sv. baznejckunga un lika ju citumá. Keninia sulajni raudzeja sv. Joni pirunot, ka is izpildejtu keninia protu, bet Svatajs apsajemia lobok simt- kortejgi numert, nekaj pascejt kaut mozeniu pi spoveds dzer- datu graku. Tod keninš rauga citajzok pivilt sv. Joni. Jis ajzdumoja pirunot ju ar lobu nudut nuslapumu. Izlajdia ju nu cituma, pasaucia uz sevi, rejzé ar sevi pasadinoja pi golda. Kad pabejdzia maltejti, keninš otkon jemia vajcot, kajdus grakus siudzejuse jo siva? Bet sv. Jons atbildeja: „Kenin, tev bius zinot, ka Divs luti ajzlidzia pascejt kaut vinu vor- deniu nu to, kas dzerdats pi spoveds. Kas tu porkoptu, pa- darejtu brismejgu svatzadzejbas graku. Todel es nevaru stostejt tovas sivas spoveds, nevaru par tu pascejt ni puš- plasta vorda; nu ko kas spovedejas baznejckungam, lauds to miuzam nezinos.“

Keninš šito dzerdadams ciši ajzadusmoja, ajzklidzia su- lajnim, laj tiulen vad sv. Joni citumá. Te lika ju nezelejgi mucejt ar tajdom mukom, ar kajdom tik stropeja visulaunokus cilvakus. Tagad keninš gribeja ar mukom izdabot nu sv. Jonia, ko pirmok nevareja dabot ar jaukim vordim. Jemia dadzinot ar guni sv. Jonia sonus, bet sv. Jons vis citia klusu, tik izrunoja Visvatokus vordus: Jezus, Marija, jim atveleja sovu dzejvi. Poši slapkauni nusakomoja mucejdami. Svatajs vis kluseja. Peçok porstoja Svatu mucejt, un ilika vel ci- tumá. Jis jau beja ni dzejvs ni mirs. Ne por garu ļajku Svatajs ar Diva palejgu izgoja nu cituma un izazoleja nu ra- mon. Bet jis neilgi pec to dzejvoja. Rejzi idams nu Nešpora, goja dzar keninia mojom. Šis kad ju iraudzeja, tiulen izgoja pretim ar karavejru pulceni un pasceja: „Klausis baznejc- kungs, izlos ku gribi: voj tiulen te numert, voj pascejt visas mūras sivas grakus? jo nepascejsi, tiulen isvizšu tamá upé.“



Sv. Jons atsaceja: „Par velti, kenin, mani vajcoj par tu to nikod nevaru padarejt.“

Tod karavejri ju pagiva un stipri sasejuši vedia tiltu, kurs portajsejts par lelu Moldavas upi, nu turines Joni isvidia upé. Tis netajsnejgajs keninš gribeja, ka ne nezinotu par sv. Joni novi; bet Diva vala beja citajda. Iso nutikt brejnumi uz tos vitas, kur sv. Jonia misa guleja. lauds dzerdeja debesišku spelešonu un dzidošonu, redzeja numucejto misas gunteni un picas zvajgznes. Gondrejž vis Pragās pilsatas dzejvotoji goja uz tilta tus brejnumus vartu Keninš nusabejda un neizgoja nu sovas pils trejs dinas. T lajk sasalaseja daudz baznejckungu un rejzia ar laudim go procesijā ar karugim uz tu vitu, kur nuslejcinoto sv. Joni misa guleja. Kad atgoja pi upes iudens brejneji izadalej uz divejom pusēm, taj ka baznejckungi vareja it pa upes vid sausom kojom. Te atroduši sv. Jonia misu ajnesia ju a gudu uz baznejcu. Lauteni pulcejas tamā baznejcā, ka atdu gudu sv. Joniam. Tis nepatika citsirdejgam keniniam, ņ lika sovim kolpim paglobot sv. Jonia misu kajda nezinoma vitā. Bet kas var pretejtis Divam? Tiulen nu Svato misa soka it ciši lels un lobs smords. Lauds tu padziduši vigh atroda sv. Joni. Pogloboja ar lelu gudu lelokajā Vejskupa baznejcā.

Uz groba uzraksteja šus vordus: „Te gul ar brejnumim pagudinotajs Jons nu Nepomukas, šos baznejcas Ka- nauniks, kenenines Jugases spovedatojs, kurs, par tu ka ne- gribeja spoveds Sakramenta nuslapuma izdut, ir numucejts nu Vatslava IV, Karla IV dala, kurs ju pec griutom mukom nu- svide nu tilta Moldavas upé 1383 godā.“

Tiulen pi sv. Jonia groba isoka nutikt brejnumi. Lauds ceški daboja palejgu visajdós sovós vajdzejbós. Visi ju tur soka atzejt par lelu Svatu.

Pečok, ejsti nu 1729 goda isoka sv. Joni nepomuku gudinot un miusu pusé. Miusu Latvišu zemé ari mums ga- dejos redzet pi kajdos upejtes pastatejtas sv. Jonia Nepomuka

di. Ti tis Svatajs stov aptarpts komžā ar stuļu tajšni taj pi spoveds, un tur vinā rukā kristu, utrá palmas paza- ņji, kaj numucejšonas zejmi.

### Ap sv. Ontona nu Paduas dzejvi.

Sv. Ontons beja par muki\*) franciškanti. Jo sauc par Ontonu nu Paduas, todel, ka Paduas pilsatā dzejvoja, un devia mocejbas vajrok ne kaj kur citur, un ka numira tamā pat pilsatā. Nu jaunu jaunim godim pavisam atsadevia Divam un isastoteja klosteri. Pečok Versnecejba lika jam biut par mocejbu deveju. Tis Svatajs ar sovom mocejbom tiukstušom augrizia lauds uz Divu. Daudz citu ticejbu cilvaku, dzerdadami jo mocejbas un apskajdrinoti nu Svato Gora, palika par ti- cejgim Katolim.

Rejzi kajdas viltejgas ticejbas mocejtojs strejdejas ar sv. Ontonu. Jis neticeja un gribeja pirodejt, ka Visusvatokajā Sakramentā nau miusu Pestejtoja ejstinas Misas un Asnia. Jis saceja sv. Ontonom: „Jo ti pats Divs ir paslaptis tod laj padora tajdu brejnumu. Man ir ezels; es nedušu jam est trejs dinas. Pec to es ju izlajžšu un parodejšu jam auzu silejti, un tu jam parod sovu Visusvatoku Sakramentu. Jo ezels nekriss pi auzom, bet nustos paprišku atdut Divam gudu, tulajk es palikšu par Katoli.“

Sv. Ontons pistoja pi šitos nurunas. Sagoja lels laužu daudzums pasavartu, kas nutiks. Daudz nekatolu ticejbas laužu ari sagoja ar sovu mocejtoju. Sv. Ontons, naturejs sv. Mišu, izgoja nu baznejcas turedams ruka Visusvatoku Sakra- mentu. Tulajk izlajdia izsolkušu ezeli. Viltejgajs mocejtojs parodeja jam sovas auzas un ezels jau stejdzias pi barukles; bet tiulen sv. Ontons atsasaucia: „Ezel, še kur ir tovs Ra- dejtojs, atdud jam gudu.“ Kaj tik izrunoja šus vordus, ezels

\*) muks = zakonniks.



tiulen atsagrīzīa nu auzom un atsametia celūs pret Visusvātoku Sakramentu, kaj tik varadams ar leloku gudu. Katolitu redzedami, ar pricu slavinōja Divu. Vilteigus mocejbu atzineji luti ajzakauneja, daudz nu vinim palika par Katolim.

Sv. Ontons padareja vel daudz citu brejnumu. Ne vimbrejnejgi izdzideja nu neizzolejamas slimejbas, bet visuvajrolzeleja lauzu dveseles un grīzia jus uz Divu. Sv. Ontons i par izgajsušu litu Patronu. Jis numira Paduas pilsatā 1231 godā 13 Junijā, tis ir 13-tā dinā, vosoras menesī.

### Ap sv. Pitera, Apustoļu keninia, dzejvi.

Sv. Pitera beja saukts nu Kunga Jeza tiulen, kaj jis isoka pasauli mocejt atkloti. Isokumā sv. Pitera beja par zvejniku. Kungs Jezus jam pasaceja: „Ej pec manis, Es tevi patajsejšu par lauzu zvejotoju.“ Sv. Pitera tiulen atstoja sovus teklus un goja pec Pestejtoja.

Rejzi Kungs Jezus pavajcoja Apustolu. Par ku lauds škit Cilvaka Dalu. Apustoli saceja, ka citi lauds Ju atzejstuši par Elijasu, citi par Jeremijasu, vaj par citu profetu\*). Un kad Kungs Jezus pavajcoja, par ku ji poši Ju škit, sv. Pitera pavisu prišku atbildeja. Tu esi Kristus dzejva Diva Dals.“

Par šu stipru un ejstinu ticejbu Kungs Jezus sv. Piteri palijeja, nusaucia ju par svetejgu un pasludinoja jam, ka pastatejs ju par Visuaugstoku Baznejcas Versiniku, t. i. par pirmu Svatu Tavu, Pavestu, ar tim vordim, kaj skajtom sv. Evangelijumā: „Un es tev soku, ka tu esi akmins\*\*), un uz šo akminia uzbuvešu munu Baznejcu, un elles vorti\*\*\*) jos neuzvares, un idušu tev dabasu valstejbas atslagas: ku sasisi vers zemes, bius ari sasits debesīs, un ku izrajsejsi vers zemes bius izrajsejts ari debesīs.“

\*) profets = pravets.

\*\*) akmins = klints.

\*\*\*) vorti = spaks.

Riuktos mīusu Pestejtoja mukas ļajka tropejas, ka vel stiprinotajs nu Svato Gora Pitera Apustols ikrita graka; bejdams novis ajzalidzia Kunga Jeza, sacejdams, ka Jo pavisam nepazejst, bet tiulen isoka par sovu graku stipri nu tās tisas zalot. Atsaškejris nu launu lauzu jemīa gauži mudot. Par itu vinu graku neparstoja vajdet cauru sovu dzejvi taj, ka nu raudošonas grovejši pasatajsejši uz jo vajga. Relejgajs Kungs Jezus atļajdia jam itu graku un vel rejzi pasludinoja ju par visuaugstoku Katolu Baznejcas Versiniku. Tis taj nutika. Sv. Pitera vinuvit ar sv. Joni un citim Apustolizvejoja zivs uz azara Genezaret. Tis bej jau pec Pestejtoja augšancelšonas. Kungs Jezus stovadams uz molas pavajcoja: „Barni, vaj ir jums zivs?“ Apustoli atsaceja, ka neass. Kungs Jezus lika mest teklus pa lobaj rukaj, tod zivu dabošonasi. Taj ari nutika. Sagiva tajdu zivu daudzumu, ka nevareja pavisam izvilkt. Sv. Pitera pazinis Kungu Jezu, stovusu uz molas, nevareja sagajdejt cikam nubrauks ar lajvu, izlecia nu lajvas un lajdias maut uz Pestejtoju pa iudini. Kungs Jezus sados rejzē ar Apustolim pi edinia, devia jim ar sovu Visusvatoku ruku majzi un zivs; peçok atsasauca uz sv. Piteri: „Sejman, Jonia Dals, vaj tu miloji mani vajrok rokaj ši.“ Sv. Pitera atsaceja: „Kungs, tu zini.“ „Goni munas vuškas,“ saceja Kungs Jezus. Ne por ilgu šalteni Kungs Jezus otkon vajcoja sv. Pitera, vaj Ju miloj, un lika jam ganejt sovas vuškenias, t. i. lauzu dveseles. Un vel tressu rejzi Kungs Jezus pavajcoja sv. Pitera, vaj Ju miloj, un pec to atdevia jo valdejšonaj ne tik vin visus lauds ar baznejkungim, bet un visus Vejskupus. Taj Kungs Jezus izlela sv. Piteri par sovu Vitiniku vers zemes.

Kungs Jezus ari pasludinaja sv. Piteram, ka jis taps amucejts par ticejbu.

Sv. Pitera, apdovinots biudams ar tik lelu spaku pec Pestejtoja uzkopšonas debesīs, isoka valdejt visu Katolu Baznejcu. Jis pirmajs pec Svato gora atišonas nudevia mocejbu laudim, kuri beja salasejši Jeruzalemā svetejt Vosoras



Svatkus, un ar pirmu mocejbu atgrizia uz Divu 5000 laud Sv. Pitera dareja vajrok brejnumu, ne kaj citi Apustoli. N mirusu divabajleju siviti Tabitu picela nu mirunim. Slim visod brejneji zoleja, taj ka lauds, izzinojusi, kur is sv. P ters, nesia tur cela mola un guldeja sliminikus; un kad s Pitera goja, sliminiki tiulen palika vasali, jo tik uzkrita i vinim kaut jo susativs. Jis valdeja Katolu Baznejcu Rim dzejvodams, 25 godi. Jis tamá pat mistá numira. Taga ari Svati Tavi dzejvoj Rimá, un valdej visu Katolu Ba nejcu, un Jim ir tej pat vare ikš valdejšonas, kajda beja s Piteram.

Ap tu lajku kajds burs, pogons, Sejmans vordá monej lauds gribadams ajzkavet sv. Piteri sludinot patisejgu Ticejbu Lauds redzedami vinumar brejnumus, kuri nutika caur sv. P teri, moz klausejos to viltejgo valna kolpa. Tulajk jis jemia stostejt, ka šis ar vars picelt cilvaku nu mirunim. Lauds sagoja lela pulka, gribadami redzejt šu brejnumu. Sv. Pitera ari atgoja uz tu vitu, ka izglobt lauds nu monim un pazušonas. Tis viltiniks isoka ar buršonu saukt valnus palejga un kad dasadiura pi numiruso, laudim škitos, ka miruns pakustinoja golvu; bet jis vis palika stejvs un nesacela. Tulajk sv. Pitera runoja uz laudim: „Klausit manis: jo šis monejtojs patiši atdaboja dzejvi šam numirusam puškinam, tod puškins pats laj celas, stajgoj un runoj, bet šis burs laj at-sastoj nust.“

Lauds lika buram atsaraut nu mirunia un visi skajdri iraudzeja, ka tis puškins beja un palika nedzejvs, solts un stejvs. Tulajk visi pazina to viltejgo bura malus un monus. Tod sv. Pitera, ka istiprinot lauds ikš Kristejgos Ticejbas, saceja uz numirusu: „Puškin, celis, Kungs Jezus laj tevi atdzejvinoj un izdzidej.“ Un numirusajs puškins tamá pat ocu-mirkli pisacela, stajgoja un runoja un beja pavisam vasals. Burs nu lela kauna ajzbaga nu Rima uz citu mola. Bet ne por garu lajku jis otkon atgoja uz Rimu lauds monejt. Jis saceja, ka šis kaj putnis vars skrajdet pa gajsu. Un patisi,

neskejsta gora palejgu jis pasacela gajsá. Bet sv. Pitera beja otkon atgojs uz tu vitu; jis isoka liugt Diva ar šajdim vordim: „Kungs Jezus parod, ka šis burs ir par monejtoju, laj jis nukrejt zémé.“ Kaj tik sv. Pitera bejdzia šus vordus, burs tiulen nukrita zemé nu gajsu, un tagad nevareja jau lajgom laga stajgot, jo krisdams bej salauzejs sev kojas.

Kad jau sv. Pitera beja vacs jis rejzé ar sv. Povulu ir numucejts nu pogonim par Ticejbu. Sv. Povulam atcerta golvu ar zubinu, bet sv. Piteri pikola krista ar golvu uz zemini. Nu isokuma pogoni gribeja taj pat pisist sv. Piteri pi krista, kaj židi beja pistuši Kungu Jezu. Bet sv. Pitera pats nu pazemejbas negribeja lejdzinotis ar Diva Dalu, un praseja laj ju pisit ar golvu uz zemini. Pogoni taj un padareja. Jo numucejšonas dinu, pec kuras jam miuzejga lajmes dzejve sasoka, svetejam 29 Junijá. Visa gorejgo vare un valdejba, kara beja iduta sv. Piteram, pec jo noves Romas pilsatá, pergvoja pa Diva likumam uz Svatejim Tavim, Visuaugstokojim Rima Vejskupim, kurus ari sauc par Pavestim.

### Ap sv. Vincas nu Paulas dzejvi.

Pi šito sv. Vincas vorda pilik „nu Paulas“ par tu, ka jo nejaukt ar citim, to pat vorda Svaticim. Taj ira vel sv. Vinca numucejtajs par Ticejbu 282 goda, kejzera Dacijana valdejšoná. Jis beja par Dijakonu, un taj pat kaj sv. Laurs beja sadadzinots uz dzelza radelem. Trešs sv. Vinca beja par muki dominikaniti, t. i. par boltu baznejkungu, dzejvoja ap 1389 goda.

Svatajs, par kuru te rokstu, pidzima 1576 godá, Franču kenesti. Šis sv. Vinca ir pilnejgas želsirdejbas paraugu. Jis padareja luti daudz loba. Vel mozenš biudams, kad vel mocejas skula, devia ubogim bejdzamu kapejceniu. Rejzi braukdams tolejá mola jis tika pogonim rukos. Ši ju saseja un atveda uz sovu mola Afrikas pasaula dalá. Bet sv. Vinca ar



sovu nevajnejgu dzejvi un svatim vordim pati tus slapkauniu versiniku atgrizia uz Divu. Tod tis palajdia Svatu valá. Sv. Vinca niko nezaloja del lauzu ispestejsonas. Jis velejas labprot atdut dzejvi par tuvaku. Jis, cik vin speja, bizi devia mocejbas un spovedeja ne tik vin nu grakim nutikušim pec pedejos spoveds, bet un nu visas dzejves.

Rejzi jis iraudzeja kajdu katoli nevalá pi pogonim. Tod bejdamis, ka tis nelajmejjajs storp neticejgim biudams, ne-ajzmerstu ejstino Diva un nepazustu, labprot pats atsadevia par ju nevalá.

Visuvajrok miloja un zaloja boriniu. Jis jemias jus sová globšoná. Ubogim, nelajmejjim, jaunim un vacim beja par patisejgi, zelejgu tavu, un ka lobok jus izsorgot, kaj nu misas, taj ari dveseles vorgim, tajseja mojas, kurós devia jim numetni. Kaj tik izzinoja ka kura pusé ir bods, vajdi vaj kajda cita nelajme, tiulen siuteja naudu tiukstušom, ka palejdzet bedejdim laudim.

Sv. Vinca, ka vel vajrok varatu palejdzet bedejdim, ajcinoja uz tu visus turejgokus lauds. Istodeja labdarejbas bidrejbas un nutureja milasirdejbas sapulces; un vel lejdz šaj boltaj dinaj pastov milasirdejbas mosu broleste, kuro pait nu to Svato, un kura visuvajrok gojoj par sliminikim slimnejcós.

Laj gon sv. Vinca taj ciši beja atsadevis lauzu palej-dzejbaj, bet jis nikod neajzmersa Diva milejbas; vinajz Jo liudzia un par Ju godoja. Pazinis Diva lobumu sv. Vinca beja ciši pazemejgs, pacitejgs un dzejvoja ikš graku vajde-šonas. Svati dzejvi nudzejvojs, svati ari numira, 85 sová miuza godá. Tiulen pec jo novel daudz kas daboja brejnejgu palejgu pi jo groba. Ejmia pa celu, kuru šis Svatajs ir mums parodejs, ka miuzejjá dzejvé pi Diva rejzé ar tu Svatu valdejt un pricotis.

## Ap sv. Ignata nu Lojolas dzejvi.

Pec 1517 godá bezdivejjajs Mortinš Luters isoka sludinot savu viltejjgu mocejbu. Nu tos celas Luteranu ticejba. Divamžal, tis Mortenš Luters beja par baznejckungu, bet par luti nepaklausejjgu Versnecejbaj un lepnejgu cilvaku, taj ka ne tik vin savu Vejskupu, bet ari Svatu Tavu jemias sajmot. Svatajs Tavs vis gribeja ju atgrist uz lobu celu, bet kad tis ajzacerta, un jo tolok, jo sliktoks palika, tulajk Leons X Pavests, ka atsorgot citus Kotolus nu viltejjgas mocejbas, izsledzia ju Luteri, nu Baznejcas. Bez to pisaceja visim ticejgim, ka sorgotus nu satiksmes ar Luteri.

Zelejgajs Divs redzedams ka daudz dveselu gajst caur tu viltejjgu Luteri, atsiuteja sv. Ignatu, kurs atlejjdzinoja Baznejcuj padarejtu škodi.

Sv. Ignats nu Lojolas beja nu isokuma par kajdu augustoku karavejru Spanijas kenestí. Kara lajká jam isovia ļudi ļoja. Tod jis beja ajznasts uz slimnejcu, kur ilgi guleja zobejdamis. Te slimodams jis isoka skajtejt Svatus dzejvu apmekstus un citas gorejga satura gromotas. Skajtejdams sev pasceja: „Iti svati taj daudz ļoba padareja taj daudzi citia del Diva, bet ku es lejdz šam lajkam esmu padarejs? Nu ses dinas kolpošu tik Divam.“

Kad palika vasals, nusvidia nu sevis bogotos karavejra drabes un apvilka vinkoršas\*), kajdas ubogi nosojs. Isoka vajdet par senejos dzejves grakim un ļiugt Diva, laj Jis paroda, kas jam jodora. Tagad jam socias pilna cišonas un turgu dzejve. Citia netik vin nu sliktim laudim, bet vel un nu sovim radinikim un pazejstamim. Jis nudumoja palikt par baznejckungu: todel, laj gon jam bej jau 30 godu, isoka dzejgi mocejtis. Visur kur beja, ar vordim un ar savu paraugu skubinoja lauds uz svatoku dzejvi. Atsaroda tajdi lauds, laj gon nu isokuma ne lelá skajtá, kuri tajpat gribeja karški Divam kolpot. Taj celas tus divabajlejjgu vejru sabidrejba,

\*) vinkoršas = sprostas.



kuraj sv. Ignats beja par voduni. Visi ji isasveteja par baznejckungim, un visur kur tik vareja daudz ļoba dareja laudim. Moceja barnus potorús, ceški spovedeja, stosteja litdarejgas\*) mocejbas. Goja pi sliminikim slimnejcós, jus apsavera, zoleja un pakalpoja jim. Merstušus gataveja uz lajmejgu novi. Tis svatu laužu pulcens 1538 godá atgoja uz Rimu, kur Svatajs Tavs dzejvoj.

Sv. Ignats negribeja biut par tos svatos sabidrejbas voduni bez Svato Tava zinias un atlaušonas, topec praseja Pavesta Povula III, laj jis ar sovu Visuaugstoku vari atzejst un apstiprinoj šu sabidrejbu. Pavests ari ju apstiprinoja likdams jaj „Kunga Jeza Sabidrejbas“ vordu. Par pirmu tos Sabidrejbas versiniku (Jeneralu) topa icalts sv. Ignats.

Kunga Jeza Sabidrejba apsajemia dzejvot ikš škejstejbas, nabadzejbas un visuvajrok ikš labprotejgas paklausejbas Rima Tavam. Tos sabidrejbas baznejckungi ir augsti skūloti, divabajlejgi un dizan riupejgi par dveselu ispestejšonu. Ar Diva palejgu un svetejbu atsaroda vel daudz citu mocejtu un divabajlejgu baznejckungu, kuri isastoja tamá sabidrejbá. Tos sabidrejbas baznejckungus sauc par Jezuitim. Sv. Ignats Jezuitu versiniks pats dzejvoja Rimá, ka biut tivok pi Svata Tava, bet atdutus sovaj valdejbaj baznejckungus sadaleja mozós pulceniós un siuteja uz visom pasaula dalom un molom. Jezuiti goja visur, kur tik jus siuteja. Ļeloka jus dala nugoja uz tu pusi, kur bezdivejgajs Mortens Ļuters daudz laužu bej paveds uz sovu oplomu ticejbu. Jezuiti ajzamaldejušus otkon atgrizia tiukstušom uz svatu Katolu Baznejcu. Jezuiti goja ne tik vin savinot atsasķejrušus nu baznejcas, bet vel piulejas atgrist uz Divu ari pogonus, kuri beja vel mezonejgi gondrejž kaj zveri. Ji tus nelajmejgus ne tik vin moceja Svata Ticejbá, bet ari pamoceja, kaj dzejvot satá, kaj strodet pi tejruma, kaj tajset mojturejbaj un sajmnecejbaj vajdzejgas litas. Ar vordu sokut, Jezuiti visur beja del laudim par ejstinim tavim.

\*) litdarejgajs = lobuma darejtojas.

Ji nežaloja del laužu lobuma ne tik vin monta, bet ari veselejbas un sovas dzejves.

Daudz nu Jezuitim palika par svatim, taj pat kaj jus versiniks sv. Ignats. Svats Ignats svati numira 1556 godá, bet nu jo istodejta Sabidrejba un šudin taj pat griz lauds uz lobu celu, un šudin taj pat apstajgoj pasauli un vajroj Divam gudu un laudim izpestejšonu.

### Ap sv. Dominika dzejvi.

Sv. Dominiks pidzima 1200 godá. Jis taj pat, kaj sv. Ignats, beja par divabajlejgus baznejckungu sapulces istodejtoju un versiniku. To Zakona baznejckungus cauc par Dominikanišim. Ji nosoj boltas drabes, topec jus dazi sauc par boltim baznejckungim.

Kaj sv. Ignats bej istodejs Kunga Jeza Sabidrejbu, ka izglobt lauds nu viltejgos Lutera mocejbas, taj ari sv. Dominiks istodeja baznejckungu Zakonu, ka atturet tu taj nusauktu Valdes viltejgu mocejbu un laužu monejšonas. Sv. Dominika broleste beja apstiprinota nu Svata Tava Honorija III. Tod sv. Dominiks goja ar sovim baznejckungim storp tos viltejgos mocejbas atzinejim un grizia jus uz lobu celu. Rejzi pec sv. Dominika mocejbas atgoja uz ju kajdas mejtas, kuras jau beja atkritušas nu Katolu Ticejbas, un vajcoja, voj vareškušas biut ispestejtas, un kas jom ass jodora? Sv. Dominiks ļudzia Diva, ka parodejtu jom brismejgu stovukli; un tiulen visi vini iraudzeja, ka nu tom mejtom izgoja pats valns un pasarodeja par brismejgu kaču, tajda ļeluma, kaj suns, ar izkortu ašniotu meli, un vis turejas klot pi tom mejtom, kuras nu bajles voj sastinga. Tulajk izbidatos mejtas krita sv. Dominikam pi kojom, ļudzia jo, laj jos glob. Tod valns nubaga. Sv. Dominiks izvujceja jos, kaj vajaga ticet pec Katolu Baznejcas mocejbas.



Rejzi viltejšgi mocejtoji saraksteja sovas oplomas mocejbas, kaj pec jus dumom vajdzatu ticejt. Sv. Dominiks arī saraksteja Katolu Baznejcas ticejbas gobolus, un pasceja tim lauzu monejtojim: „Svissim tus rokstus guni, pats Divs laj paroda, ko ticejba ir patisejga.“

Isvidia guni. Raug, kajds brejnums: viltejšgus mocejtoju gromota tiulen sadaga, bet sv. Dominika roksti palika pavisam dzejvi un neajzkorti. Viltejšgi mocejtoji ar tu brejnumu tika ajzkaunejti, un kuri beja loba prota, palika par Katolim. Taj Divs visur palejdzeja sovam uzticejgajam kolpam sv. Dominikam. Jis daudzi lauzu pagrizia uz lobu celu. Caur ju Visusvatoko Jumprava Marija izvujceja lauds skajtejt Rozancu, Kunga Jeza dzejvej un mukaj par pimini un gudu.

### Ap sv. Laura dzejvi.

Sv. Laurs beja par Dijakonu Romá pi Siksta Pavesta. Jo dorbi un svatums ir lejdzoni pirmo Dijakona sv. Stepona dorbim un svatumam. Un kaj Jeruzalema ir slovona ar svatu Steponu, taj Romá ir lejdzons Svatajs Diva kolps Laurs.

Citsirdejgi pogoni sadadzinoja sv. Lauru uz dzelza radelem. — Pogonu storosta vajcoja sv. Lauru, kur jis nulicis montu (jam gribejas čupt tu montu rukós)? Svatajs saļaseja lelu pulku ubogu un slimu, un parodeja jus tam vojotojam. sacejdams: „Veris, tis ir muns monts, es jim visu atdevu. Caur bedeju lauzu rukom es nuperkšu sev pi Diva miuzeju valstejbu dabasús.“

Redzi, jauku ļasejtoj, kaj sv. Laurs godoja par ubogim un slimim. Esi un tu želsirdejgs, un palejdz bedeju un nelajmeju. Jo tu pats esi par nelajmeju tod panes tu pacitejgi, sovus vorgus upurej Divam, kaj atlejdzinotumu par grakim. Laj dzejve vers zemes ir tev par graku vajdešonu,

ka nevajdzatu vel cist slaucamá guni, un ka tiulen pec novel varatumi iit debesis.

Todel, munu brolejt, jo Divam patiks apraudzejt tevi ar slimejbu, sauc pi sevis loba un mocejto doktora, netic kajdim capaslim, burim, ajzrunatojim, ribejim, vordnikim, švejkstatojim, piušlotojim, plašnikim un taj vel, visajdim monejtojim, jo ti visi ovakli grib tik tovas naudas čupt, un nebadojos par tovu veselejbu. Griutoká slimejbá vajag drejžok atsacejt sovu lajceju montu, kam pidar un patim godot par miuzejbu. Negudri gajdet pedejos stundes, bet pi lajka joliudz baznejkungu, laj istiprinoj sliminiku uz miuzejbas celu ar pedejim Sakramentim. Nesabejst spoveds un Postoras Svetejbas, ji nepispis tevi drejžok numert, bet turpretejm var palejdzet tovaj veselejbjaj. Ne niurd un nesasiudzej porok uz slimejbas, bet izpildej Diva protu un panes Jo kristu. Apdumoj arī tu, ka daudz sliktu lauzu ir vasali, kuri ļajkam biutu par lobim, jo slimotu. Lobok ira caur slimejbu topt izpestejtam, nekaj vasalam biut pazudinotam. Apgodoj Kunga Jeza muku, un vari sacejt sv. Bonaventuras vordus: „O Kungs, es negribu biut bez slimejbas, redzedams tevi visu savajniotu.“

Ti kuri apkūp\*) slimus, laj pimin jim un poši godoj par to, kaj drejžok atvest baznejkungu del istiprinošonas jus uz miuzejbas celu ar svatim Sakramentim. Tis neprotejgi žaloj slimo, kurs, ka jo nenubidet, atlik spovedi uz toloku lajku un piulejas irunot slimam, ka jis drejži palikškis vasals. Te, brolejt, josabejt, ka neizgajsinot miuzejgas dzejves. Vel vajag skubinot, laj jis pavisam atsadut uz Diva valas, laj tur Jo ceribu, laj liudz kaj barns sova visuloboka tava. Sliminikim, voj pisaverejim pidar piminet tuš Visusvatokus vordus; „Jezus, Jezus, Marija, Jezups.“

Labi ir bizok pasnegt slimajam kristeniu bučošonaj. Majtit potorus, tik dorit tu ar pakļusu bolsu un mirejgi. Lepidar pi slimo runot ap nevajdzejgom pasaulejgom litom,

\*) apkūp = dasaver.



kaj arī jam dzejdejt raudot. Jo tis traucej slimu un nedu jam dumot par dveseles ispestejŝonu. Vajag arī nelajst klo pi slimo tus lauzu, kuri beja par imesli, vaj palejdzatojim pi jo grakim. Kūpit un godojit par slimim; tis dorbs eiš Divam patejk.

### Drusku ap Visusvatoku, Diva Moti, Jumpravu Mariju.

Visusvatoko Jumprava Marija, Visu Svatus Keninine ir nu ņelejga Diva izredzata un izlasejta vel pirma zemes ra dejŝonas. Vajdzeja, ka Diva Mote biutu nevajnejgi ijimta Divs nevoreja dalajst, ka Jo Mote, kaut vinu ŝalteni biutu zam valna valdejŝonas. Todel Jos ijimŝona beja nenuzidzejga bezvajnejga; un mes tos Diva ņelestejbas pimini nuturim 8 Decembrī, tis ir 8 dinā zimās menesī.

Visi lauds dzimst apgriutinoti ar pirmdzimtu graku. Vina tik Jumprava Marija ir ijimta un dzimdata bez viskajdas vajnes, ņkejsta, spudra, nevajnejga. Visusvatokas Jumpravas Marijas pidzimŝonas dinu svetejam 8 Septembrī, 8 dinā ru dena menesī. Diva Mote neilgi dzejvoja satā pi sovim dzim dinotojim, svatim: Joakima un Anias. Ju vel pavisam mo zeniū nuvedia dzejvot pi Jeruzalemas baznejcas, kur tej Visu nevajnejgoko mejtine auga rejzē ar citom divabajlejgom mej tinem. Jumpravas Marijas upureŝonas dinu, t. i. tu dinu, kad Joakims un Ania ju, t. i. sovu vinejgu mejtini, atvedia dzejvot uz Jeruzalemas baznejcu, svetejam 21 Novembrī, t. i. 21 dinā solnas menesī. Jumprava Marija dzejvoja pi baznej cas lejdz kajdim vinpadsmīt godim. Te Jej stipri apsajemia Divam visod dzejvot jumpravibā un ņkejstejbbā. Pečok topa atduta sv. Jezupa globŝonaj, kurs ir par Jos svatu Briutgonu, un Jos cinejgu ļaulotu draugu, todel ka sv. Jezups arī beja apzajems dzejvot pilnejgā ņkejstejbbā. Nenuzidzejgos Jumpra vas Marijas saļauloŝonas ar sv. Jezupu piminiū svetejam 23 Januārijā, t. i. 23 dinā jaunagoda menesī. Drejzi pec to kad

Visusvatoko Jumprava Marija isoka dzejvot sv. Jezupa satā, 25 martā Engels Gabriels ir nu Diva uz Ju siutejts, ka pa ģudinotu Jaj Diva protu, ka Jej paliks par Diva Moti, ka nu Diva Svata Gora ijims un pidzimdinos Pestejtoju. Nenuzi dzejgo Jumprava Marija, redzedama ka jos Jumpravīška ņkej stejba paliks dzejva un ne tik vin neajztikta, bet vel svatda rejta, sastiprinota nu Svato Gora, izsaceja tus vordus: „ņe esmu muna Kunga kolpiune, ļaj man nutejk lejdz Tovam vordam.“ Un tamā pat ocu-mirkli, Utro Visusvatokas Tre padibas Persona, Diva Dals nukopia nu dabasim un soka dzejvot ikŝ Visuņkejstokas Jumpravas Marijas. Nu tos dinas Visusvatoka Jumprava Marija palika par Diva Moti.

15 dinā labejbas menesā, t. i. 15 Augustā svetejam tu pricejgu dinu, kurā Visusvatoko Jumprava Marija pabejguse ļajcejgu dzejvi topa pajimta ar dveseli un misu uz debesim. Te Divs Ju apkrunioja un lika Ju augstokā gudā par visim Engelim un Svatim. Jej ir visu Svatus kenenine. Nu to ļajka isasoka del Jos ļajme bez gola, nu to arī ļajka Jej, ļaj visuloboko mote vel varejgok riupejas par miusim, sovim nabadzejgim barnim. Tamā dinā Baznejca svetej pučejtes, pučejtes otkon nuzejmoj tikumus, ar kurim mums jasasatejk ar Jumpravu Mariju debesīs, taj kaj seniok lauds ar palmu pazarejtim izgoja Kungam Jezam priŝkā, kad jis braucia Jeruzalemas mistā.

Apustoli tamā vitā, kur Nevajnejgos Jumpravas Marijas misa pec numeŝonas beja paguldejta, atroda tik skajstas zi daŝas pučejtes, kaj zejmi Jos ņkejstejbas un nevajnejbas. Laj tod un miusim, nusvetejtos zoles un pučejtes pimin Diva Motes tikumus un paskubinoj mums uz svatu dzejvi. Liudzam Visusvatokos Jumpravas Marijas, ka mes ar, taj ļajmejgi nu mertu, ka miusu dvesele varatu tapt debesīs pi Diva un vi ņuvit ar Ju miuzam gudinot un slavinot miuzejgu Divu. Daudz ir visajdu liugŝonu un brolestu uz gudu Visusvatokos

\*) tikumus = cnotas.



Jumpravas Marijas uz to gola, ka izliugt Jos ajzbildejšonu p Diva. Jius zinit, kas tis ir Rūzu-kruns\*) un Škapleri. Rūzu krunia dinu svetejam 1 Oktobra svatdiniá un Škaplerdinu 16 Julijá. Jopimin ikkotram, ka kajda ir tova dzejve, tajda ar bius tova nove.

### Ap sv. Teklas dzejvi.

Sv. Tekla beja nu Likaonijas pilsatas un izmocejta ir svatá Ticejbá nu patia sv. Povula Apustola. Palikuse par kristejgu tiulen apsajemia dzejvot ņkejstejbá visu miuzu; bet vinias mote, biudami par divaklu kolpiuni, ilgi vordzinoja sovu nevajnejgu mejteni par tu, ka jej neajzalidzia Kunga Jeza un negribeja palikt par nezkajda Tarimida sivu. Gon bej sissonas, boda un citu muku, ar kurom tej nezelejgo mote vordzinoja poša sovu ejstinu mejtu. Pedejgi, jej nudevia ju storostaj, laj tis nutisoj ju uz novi, jo neajzaligtu Ticejbas. Tis netajsnejgajs tisotojs lika sakurt lelu guni un isvidia tamá sv. Tekli. Bet Visuvarejgajs Divs, Svatus Globejs nelovia ajzadegt pat sv. Teklas drabem. Jej ceradama ikš Diva, pormetia svatu kristu un tiulen soka lejt lels lejts un apdzesia pavisam tu gunkuri. Tisotojs, redzedams Diva varejbu, nusabejda un sv. Tekli palajdia valá.

Pec to Svato nesagrizia uz sovu nezelejgu moti, bet goja uz Kristejtim laudim. Te divabajlejgi klausejas mocejbu, dzejvoja ikš pakutas, liugšonas un lobim dorbim. Bet vel utru rejzi topa sagiuta nu pogonim un nuvesta uz storostu. Tod ņis ju nutisoja uz tajdu novi: lika nuvest Svatu mejtiniu uz tajdu moju, kurá uztujejas plesejgi zveri, ka ti ju sapliukotu. Daudzi lauzu sasalaseja tur vartus, kaj zveri apess sv. Tekli. Izlajdia brismejgus lovus, un niu veras un gajda, kaj jej bius saplasta viná ocu-mirkli. Bet Divam citajz patika:

\*) Rūzu-kruns = Rozonca.

ti zveri ne tik vin sv. Teklas neajztika, bet ar gudu lajzeja laj kojas. Pogoni tu redzedami ajzklidzia. „Lels ir Divs, ikš kuro jej cerej!“ un daudz nu jim pijemia svatu Kristejbas Sakramentu. Bet pats tis netajsnejgajs tisotojs nepalika loboks. Jis izgudroja vel jaunas mukas: izroka lelu dubi, kurá pilajdia daudz čiusku un citu ropulu un isvidia ti sv. Tekli. Bet Divs otkon taj padareja, ka čiuskas atdevia tik gudu sv. Teklaj un pavisam jos neajztika. Tis tisotojs otkon soka nusadorbot ar tu, kaj atrast jaunas mukas. Jis padareja taj: atvedia divejus veršus, piseja storp vinim sv. Tekli ar tu nudumu, ka ji skridami, kotris uz sovu pusi, porplastu svatu mejtiniu. Bet kaj tik vin isoka veršus dzejt, verves brejnejgi portriuka un sv. Tekla palika dzejva un uz tos pat vitas. Pec to brejnuma nusabejda ari pats pogonu tisotojs, pasaucia uz sevi sv. Tekli, un otkon jemia ju pratinot ap Kristejtus Ticejbu. Sv. Tekla gudri vin jam atbildeja, tod pogons palajdia ju valá.

Sv. Tekla ar sovim brejnumim, gudrim vordim un svatu dzejvi daudz ku atgrizia uz Divu. Pečok ilgi un svati dzejvoja tuksnesi, un ti 90 godu vaca numira. Par ku guds laj bius Divam miuzejgi.

### Ap sv. Franča nu Assizes dzejvi.

Šitos sv. Francis beja par Franciškanišu brolestes istodejtoju. Visi ti broli apsajemia dzejvot, ne tik vin ikš paklausejbas un ņkejstejbas, bet ari ikš pilnejgas ubodzejbas, taj ka jim nav brejve turet nikajda ejsta monta, jodzejvoj tik nu želsirdejgu lauzu dovonom. Sv. Francis ar Diva palejgu istodeja trejs zakonus, nu kurim pirmajs ir jau minato franciškanišu delišu broleste, kuros valdeja pats sv. Francis. Utrajs ir sivišu broleste, kuras, taj pat kaj to pirmo zakona deliši, dzejvoj klosteri. Par pirmu tus mosu versinejcu beja sv. Klara. Un trešajs zakons topa istodejts nu sv. Franča



del laudim kuri dzejvoj pasaulí. Itu trešu sv. Franča brolesti daudz kas pijem ari miusu Latvišu molá.

Kas grib isarakstejt šitamá brolesté, tam jozina, ka ne visi baznejkungi var jamá irakstejt, bet tik ti, kurim ir atlauts nu Versejbas. Utrkort vajag zinot, kaj tamá brolestí jodzejvoj. Todel paprišku vajag vajcot baznejkunga, visu lobok pi spoveds, un prasejt jo atlausonas un paduma, voj stotis tamá brolestí, voj ne? Treškort ira tajds irodums, ka visu godu paprišku josagatavej, un tik turejz atlaun stotis tamá zakoná. Caturtkort irakstejtim janosoj sv. Franča Škapleri un justenia. Piktkort zakona pijemeji apsajem sorgotis lepnejbas, izanešonas un šotejšonos. Todel jim nebius milot iznicejgo pasaula lobuma un jo baudejumu. Jim tod nepidar nosot ciši dorgu drebu, bet tik piklojejgas. Joatsaraun nu doncošonas un dazom citom porok pricejgom kaveklom. Iks edinia un dzerinia jopatur merinejba, un pret edini un pec, jopaliudz Diva.

Brolestí isarakstejušim ir jogav vinu dinu pret Visusvatokas Jumpravas Marijas Nenuzidzejgu ijimšonu, t. i. 7 Decembra, un vel vinu dinu pret sv. Franča nu Assizes svatku t. i. 3 Octobrí. Labi ir ari piktdinem stiprok gavet, un trešdinem neest galas. Ikkotru menesi josaspovedej un jopijam Visusvatokajs Sakraments.

Pi isarakstejšonas jopavajcoj kajdus potorus vajag skajtejt. Ir atlauts citu liugšonu vita skajtejt divpadsmit potoru. Citim, kuri mok skajtejt un kam ir ipašas gromotas, tim vajdzatu skajtejt nu tom liugšonas uz Visusvatoku Jumpravu Mariju, kuras sauc latinu voludá „Officium Parvum BMV.“

Laj ar lobu dzejvi riupejas dut lobu paraugu, laj dora vajrok lobu dorbu un sorgojas visa to, kas var padarejt launu, voj pošim, voj citim.

Vajaga biut paklausejgim sovaj gorejgaj versnecejbaj un ceškok klausejt sv. Mišu. Jogodoj par tu, ka lobok izpildejt cilvaka milejbas bauslejbu, jopalejdz nabadzejgokim, visuvajrok sova zakona laudim un sliminikim. Joliudz par numi-

rušim nu sova zakona un ari par citim; par dveselem var upuret, pimaram, trešu Rūzu-krunia dalu.

Pedejgi, laj pimin isarakstejuši Trešajá Franča Brolesté, ka bez lobas paklausejbas sovaj gorejgaj versnecejbaj nevar patikt Divam, nedz dabot ni kajdu atlajdu\*). Nepaklausejgi var biut atškerti un izdzejti nu Brolestes. Todel pi isarakstejšonas, laj ikkotris izzinoj un izvajcoj labi, to baznejkunga, kurs ju pijem Brolesté, kas ir jodora un voj vares izpildejt tu, kas bius joapsajem pildejt. Nav nikajda lobuma isarakstejt un pečok niko nedarejt, Vajag paprišku pazejt, kas zakoná jodora, tod jimá stotis ar baznejkunga atlausonu.

Ti kuri jau ir isarakstejuši, laj par visom litom zina, ka nav nikajda graka, jo kas neizpilda ko nu augšok minatim Brolestes likumim, bet tik nedaboj atlajdu. Pruti, jo kas izpilda piscejtus nu zakona lobus dorbus, tod turejz pelnej un daboj atlajdas, jo ne, tod niko nedaboj, bet graka nava. Un ikkotram vajag jimt gaumé, ka sovas kortas pinokumi (dorbi) joizpilda nepicišami, laj voj vajdzatu aplajst to zakona potorus, voj citas kolpošonas, jo tis zakons todel ari ir istodejts, ka lobok izpildejt sovas kortas pinokumus. Vel te pilikšu, ka ciši par tu jogodoj, ka satiksmé ar citim laudim, biut lajpnim, un milejgim, un vispori taj dzejvot, ka nesacelt laudis zakona neiredzešonas, bet cinejšonu.

Jozina ari tis, ka šis zakons nikam neajzlidz pijimt svatu Laulejbu, un kotris isarakstejis Trešajá Franča Brolestí var jimt sivu, voj izit pi vejra; topec ka šis zakons, voj broleste nav istodejts del laudim, kuri pa kļosterim dzejvoj, bet pasaulí. Un pi pijemšonas ito zakona nav nikam likts apsajimt dzejvot miuzejgi jumprovibá. Topec un pat lanloti draugi var isastot tamá zakoná un dzejvot laulejbá, kaj pirmok, todel ka tis zakons jaunas škejstejbas pinokuma neuzlik.

Zinoma lita; jo kas biutu nu loba prota, pats gribadams un ar pizvaru apsajems Divam dzejvot jumpravejgá škejstejbá,

\*) atlajdu = odpusku.



tam nav brejve porkopt sovu apsulejumu. Un jo tev lajkam patim biutu griuts saprast un izzinot, voj tova apsajimšona atlaun ļauletis, voj ne, tod vajcoj mocejta, protejga un divabajlejga baznejckunga.

Laj tavi un motes pimin sovim barnim, ka jaunús, vel nepilnús godús ir josabejst zverejt Divam dzejvot ikš miuzejgas škejstejbas. Lobok ir drusku apgajdejst un nikod to neapsulejt bez atlaušonas gorejga tava.

Isarakstejuši sv. Franča Trešajā Brolesté var dobot pilnejgas atlajdes:

1) Tamá Brolesté isarakstejšonas diná.

2) Sv. Franča Brolestes Istodejtoja diná pruti 4 Oktobri, t. i. 4 diná leita menesí.

3) Sv. Klaras diná, kura beja par pirmu sv. Franča si-  
višu zakonu Versinejcu, pruti 12 Augustá, t. i. 12 diná la-  
bejbas menesí.

4) Visusvatokas Jumpravas Marijas Engelu keninines diná, pruti 2 Augustá. Jo tik tamós dinós dais pi spoveds, pijims Visusvatoku Sakramentu, un paliugs Diva par svatos Baznejcas vajdzejbom, skajtejdami kaut picus potorus. Ari numersonas stundé daboj pilnu atlajdu, jo sauks, kaut ar sirdi vin, kad citajz nevaratu, Visusvatoku Jeza vordu.

5) Vel daudz citós dinós var dabort taj pilnas, kaj ari nepilnas atlajdas, bet ilgi biutu par visom rakstejt, kas nezina, laj vajcoj nu baznejckunga, kurs pijem tamá brolesté.

Sv. Franča Trešo zakona broli un mosas, godojit par tu, ka darejtumet pec sova Patrona un Tava dzejves parauga. Jis visuvajrok devia ļabprotejgas pazemejbas, nabadzejbas, pakļausejšonas un škejstejbas paraugu. Jums ar laj ti tikumi bius dorgi. Vel sv. Francis ceški apgodoja sovós liugšonós Kunga Jeza muku.

Rejzi, kad vins pats beja nugrimis liugšona un miusu Pestejtoja riuktós mukás apgodošoná, jam pasarodeja augši gajsá pi krista pikolts Engels Serafins. Tam Engelim beja

seši gunsvejdejgi sporni: divi sporni beja izcałti vers golvas, divi izstipti del skrišonas un ar divejim atlikušim sedzia visu sovu misu. Sv. Francis tamá Serafiná pazina numucejtu pasaula Pestejtoju. Tod leja nu žaluma osoras un liudzia Kunga Jeza, ka dutu jam eist kaut drusceniu tus muku, kajdas pats Kungs Jezus citia. Divs isklauseja sova kolpa. Nutika nikod neradzats brejnums. Sv. Frančam tiulen rodos ranas uz rukom, kojom un sona. Ranom beja tajds vejds, itin kaj sv. Francis biutu bejs pi krista pikolts, un sona pordurts ar škapu. Ikš rukom un kojom misa taj brejneji bej saauguse, ka ranu vida beja škitamas noglas. Ši certumi taj sopeja, ka sv. Francis nevoreja kojom stajgot. Todel braukoja un visur ajeinoja lauds uz loboku dzejvi un graku vajdešonu. Un patiši, kur tik sv. Francis pasarodeja ar ranom un sludinoja Diva vordus, lauds grizias pi Diva. Tos ranas jim skajdri stodeja pret acim Pestejtoja muku. Jis dzejvodams padareja daudz brejnumu Divam par gudu un laudim par lobu. Liudzam jo ajzbildejšonas debesís, laj palejdz mums ari be-  
dejmim grecinikim.

### Ap svatim Engelim.

29 Septembri, t. i. rudina menesí svetejam svatam Mikelam Ercengelam un visim sv. Engelim par gudu. Nevajag sajaukt sv. Mikela Ercengela ar sv. Mejkula vordu. Sv. Mejkuls (Nikolaus, Nikolajs), beja par Vejskupu Mirras pil-satá. Jis beja luti zelsirdejgs un labdarejgs del bedejgm, jis ari dareja ciši daudzi brejnumu, jo svatdini svetejam 6 Decembri, t. i. zimas menesí. Bet sv. Mikels Ercengels, ir par Engelu keniniu, kurs uzvareja Luciperu.

Engelu skajts ir ciši ļeļs. Ji visi ir visupaklausejgoki Diva siutni un kolpi. Ji gudinoj Divu un sorgoj lauds nu launa, bet skubinoj uz lobu. Divs rejzem siuta Engelus, ka apsludinotu laudim Jo protu (valu), un dora caur jim brej-



numus. Ji liudz par mums Divā un ajznas Jam miusu liugšonas. Ji ira par sorgotojim un globotojim, tik lab visas svatas Katolu Baznejcas, kaj ari kajdas vinas molas, voj pilsatas, un ikkotra cilvaka. Sv. Mikels Ercengels ir par visas sv. Katolu Baznejcas Sorgotoju un Globotoju.

Utrā dinā lejta menesī, 2 Oktobri piminejam un gudiņojam sovus Sorg-Engelus. Zinit, ticejgi lauteni, ka ikkotram nu miusim ir sovš Engels Sorgotojs kurs ir klot pi miusim visu dzejvi. Todel tamā dinā visuvajrok atdud gudu sovam Sorg-Engelam, kuru tev Divs ir idevs nu pošas tovas dzimšonas un bius pi tevis cikam numersi. Miloju un klaus jo, kaj sova visuloboka drauga, sauc jo palejga kardinošonas lajka, patejc Divam par tajdu Sorgotoju. Negrakoj un neived citu launā, zinodams, ka ikkotru dveseli Engeli sorgoj: ji pi Diva siudzejsis uz to, kas citus ilaunoj, jo Engeli visod redz Divu debesīs.

### Visu Svatus Dina.

Pirmā dinā solnas menesī, t. i. 1 Novembri svetejam visim svatim par gudu. Gondrēz, kotrā godā dinā svetejam kajda nebejs svata piminiu, bet ikkotram svatajam neiztejk sovas dinas goda lajka. Goda ir 365 dinas, bet svatus ir daudzi milionu. Todel svato Baznejca izredzeja vinu dinu, kura gudinoj un slavinoj visu svatus rejzē. Patejcemes Divam, ka Jis nu sovas zelestejbas devia svatumu tik daudzi laudim un apdovinoja jus ar miuzejgu lajmi. Tej dina atjaunoj un pastipriņoj miusu ceribu, ka ar svatus ajzastošonu un Diva zelestejbu varim tik dabasu valstejbā. Mums bius dzejvot, kaj svati dzejvoja, un milot Divu vajrok par visu uz pasaula, un sovū tuvaku kaj sevi pošus.

### Dveselu Dina.

Utrā dinā solnas menesī, tis ir 2 Novembrī mes liudzam Diva par dveselem, kuras ciš Slaucamā gunī, ka Divs apsažlotu uz viniom un drejzok jos pijimtu pi Sevis dabasu valstejbā. Jius zinit, mili ļasejtoji, ka Svato Katolu Baznejca pastov nu trejom dalom. Vina dala ir te vers zemes, redzamos Golvas, t. i. Svato Tava valdejbā, ju sauc par karotoju\*) Baznejcu. Utro dala ciš mukas Slaucamā gunī, un trešo jau lejgsmojas un pricojas dabasu valstejbā. 1 Novembrī gudiņojom svatus debesīs un liudziām jus palejga. Šudin mes liudzam Diva par dveselem, ajzturatom Slaucamā gunī. Mes varim palejdzet šom dveselem, kuras ciš mukas lejdz lajkam, upuradami par viniom sovus lobus dorbus, kaladu, liugšonus un seviški sv. Mišu. Svata Baznejca ikdinas liudz Diva par jom, mums ari nevajag jus ajzmerst. 2 Novembris ir nulikts tajšni taj numirusus piminiaj. Tos bedejgos dveseles gajda un sauc miusu palejga; var biut tī ir daudz miusu pazejstamus, radiniku, dzimdinotoju, bidru un taj vel. Tod, milajs ļasejtojs, paliudz par jim Diva un palejdz kaut kajdus potorus skajtejdams.

Tamā dinā pa baznejcom nutejk procesijas, t. i. it ap baznejcu, voj jos vidā ar kristu, lukterim un taj vel, idami picas rejzes nustoju. Pi pirmos nustošonas liudzam Diva par Baznejkungu dveselem, pi utras par dzimdinotojim, pi trešos par numirusim radinikim un labdarejtojim, pi caturtos par visim, kuri tamā draudzē t. i. parapejā ir numirusi un pagloboti, un pedejgi piktā nustošonā par visim ticejgim numirusim.

Sveces kuras dag ap katafalu pimin miusim numirusus ticejbu ceribu un milejbu. Ajzturatim Slaucamā gunī ir tej cerejba un ipricinošona, ka jus mukas rejzi mitejsis un ka tod ji tiks debesīs. Katafalu slacinoj ar svetejtu iudini; svejtejts iudins ir bejstams neškejstim gorim. Mes cerejam ka

\*) karotojs = vajdu vedejs.



ticejgi numiruši iis dabasu valstejbá, ticim ka ji celsis nu mirunim Postorá diná, un ka viniu misa bius pagudinota, todel katafalu kiupinojam vel ar viraku; kiupinošona ir pa pagudinošonas zejmi.

### Ap sv. Taslova Kostkas dzejvi.

Sv. Tanslovs Kostka beja par kajda Pūlu zemes augsta kunga dalu. Jis pidzima 1550 godá. Jis vel mozenš biudams jau beja ciši divabajlejgs. Taj Divu miloja, ka kaj tik izdzerda ku bezdivejgi runojut, jis tiulen apslopa.

Kad drusku paauga, ju atdevia skūla uz Vines pilsatu rejzé ar vacoku broli. Te sv. Tanslovs daudzi izcitia nepatikšonu nu citim skūlnikim, kuri gribeja, ka jis rejzé ar jim kavetus un mozok nusadorbotu ar Diva liugšonu; bet Svatajs nesaejsinoja Diva kolpošonu. Kotru dinu klauseja ne vinu, bet diveju vaj treju Mišu. Jis luti miloja Visusvatoku Jumpravu Mariju, saucia Ju par sovu Moti un bizi skajteja uz Ju liugšonas. Bizi ari pijemia Visusvatoku Sakramentu. Jauns pec godim, bet ar vejra gudrumu, sv. Tanslovs ajzgribeja pavisam sevi atdūt Divam un palikt par Kunga Jeza Sabidrejbās lūcekli. Bet Vines pilsatá negribeja ju pijimt Jezuitu Klosterí, par tu ka jo tavs negribeja to atlaut: tam ļeļajam kungam nepatika Jezuitu nabadzejgo dzejve.

Pec to sv. Tanslovs ciši ajzslimoja. Jis slimejbas isokuma iraudzeja neškejstu goru, kurs pasamets par ļeļu brismejgu suni, bideja ju, ka skriss versa. Sv. Tanslovs tiulen liudzia Divu palejga un pormetia svatu kristu, valns ar rejzi pazuda. Sv. Tanslovam pasarodeja sv. Engeli pricinotoji. Tod sv. Tanslovs dumoja, ka drejzi jau merškis zemé. Todel gribeja atajcinot baznejckungu, ka pijimt Visusvatoku Sakramentu. Bet, par nelajmi, tos satas sajminiks beja par luteraniti un ni par ku negribeja Katolu baznejckunga ilajst sova sata. Tod nuskumusajam Svatam isasovia prota, ka sv. Bor-

bola ir par lobas numešonas Patronku; topec jemia jos karški liugt sacejdams: „Tagad ir lajks, svato jumprava, parodejt tev man sovu zelestejbu. Izliudz man nu Kunga Jeza, sova briutgona, ka es nenumertu bez Visusvatoko Sakramenta.“

Sv. Borbola pasarodeja ar divejim Engelim, kuri nesia Visusvatoku Sakramentu un padevia pijimt sv. Tanslovam.

Pec to Svatajs palika pavisam vojs un bez moz ko nenumira. Bet jis pijems Visusvatoku Sakramentu, beja mirejgs un ar lobu ceribu gajdeja noves. Tod raug, otkon brejnums! Jam pasarodeja Visusvatoko Jumprava Marija, turadama rukos Diva Berneniu, kuru nulika uz gultas pi sv. Tanslova. Sliminiks palika nu to luti pricejgs un atdaboja veselejbu. Visusvatoko Jumprava Marija ajcinoja ju isastot Kunga Jeza Sabidrejbá; bet kaj pirmok taj un tagad Vines pilsata un apkortné negribeja jo pijimt, todel pat, ka tavs neatlovia. Tod Svatajs nudumoja it uz pošu Rimu, kur Svatajs Tavs dzejvoj un tí izliugt pijimšonu Sabidrejbá. Taj ari padareja un daboja atlaušonu. Niu klosterí vis atsadevia Divam: jo dzejve beja par nerimstušu liugšonu. Jis visod pricojas ikš Diva un beja ciši milejgs pret visim. Kaj agrok, taj ari tagad, seviški miloja Visusvatoku Jumpravu Mariju, saucia Ju par sovu visuloboku moti, un jo biši ap Ju runoja. Ka iza-sorgot graka, tis nevajnejgajs pujškins dzejvoja viná pakutá, griutús dorbús; vinumar gododams ap Divu, un pilnejgi paklausejdams sovim Versinikim. Jis neilgi dzejvoja Romas klosterí, ejsti tik vinu godu. Jam beja parodejta jo numeršonas dina. Pasludinatá diná svati numira. Divs devia daudz brejnejgu zelestejbu, divabajlejgim liudzejim pi jo groba, un Svatajs Tavs Klemens X isludinoja ju par Svatu, ari par Pūlu un miusu zemes Patronu 1674 godá. Sv. Tanslovs numira jaunús godús, todel jis ir par Patronu seviški jauneklim.



### Nutikums ar kajdu Kunga Jeza bildi 730 godá.

Uz Tira un Sidona rubeza ir Beritus mists, kura daudz Židu dzejvoj. Rejzi gadejos ka tamá mistá kajds katols nu-perka sev moju nu židim un nusametia tí uz dzejvi. Jis pakora sová ustobá guda cinejgu Kunga Jeza mukas bildi. Peçok tam cilvakam paboda dzejvot storp židim: jis atdevia jim atpakal sovu moju un pats porsacela uz citu vitu. Divs dalajdia, ka tis kristejtajs cilvaks ajzmersa pajimt lejdz Kunga Jeza muku. Negriskons sajminiks isokumá nepamaneja miusu Pestejtoja mukas bildes. Bet ne por garu lajku daudz židu sagoja pi jo vakaratu. Vins nu tim iraudzeja muku, parodeja tu citim, un visi skreja ar dusemem pi tos mukas, un nucela zemé un saceja: „Kaj miusu tavi tevi komoja un negudinoja, taj ari mes padarejsim.“ Tod isoka svatu muku sist un sajmot, gribadami patapt visu tu padarejt, ku jus tavi beja darejuši. Tod vel pisit ar dzelza noglom rukas un kojas, pi mutes lik klot eteki un žukti, ar nidri sit mukaj par golvu. Pedejgi saceja; „Zinam, ka miusu tavi pordiura jam sonu ar škapu.“ Tiulen padevia vinam škapu, tis dur svataj bildej soná, bet, ak brejnums! Asnis ar iudeni soka tecejt patiši. Židi nusabejda, un nezinoja ku darejt tolok. Tulajk jus rabini taj pamoceja: „Atnesit spani, pasaversim, kas bius.“ Atnesia, un spans piteceja pilns. Tod židi saceja: „Pajimsim šitu asni un nessim uz sinagogu“ t. i. jus liugšonas moju, citajžok školu. „Salasejsim slimus un smeresim jus ar tu asni. Kristejti lauds soka, ka ji dabujuši caur Jezu daudz brejnumu. Redzesim, vaj tis ir tajsnejba?“

Kaj nurunoja, taj padareja. Kaj tik pasmereja nezkajdu slimu, kurs jau nevareja pasakustinot, jis tiulen vasals triukos kojos un soka nu pricas lakalat. Peçok dazi okli izazoleja un daudz citu slimu palika vasali. Visá mistá celas triuksnis un stejkšonos, visi gribeja tikt klot pi to brejnejšgo ašnia un kam tik lubias pitikt klot, ar tu rejzi palika vasals. Turejž to mista židi, redzedami tik leļus brejnumus iticeja Kungam Jezam. Nugoja uz Vejskupu, atzina sovu vajniu un liudzia,

ka Vejskups jus nukristejtu, un pijimtu Katolu Baznejcá. Taj vis tis mistenš atsagrizia uz patisejgu Divu, un visi turines židi palika par ticejšim Katolim.

### Ap sv. Katres dzejvi.

Bezdivejgajs, pogonu ticejšas Maksencijuss, Aleksandrijas pilsatá biudams, lika visim, tos molas laudim, upuret divaklim. Daudz laužu sasapulceja. Tulajk tamá pat pilsatá dzejvoja cinejšga jaunave\*) sv. Katre. Jej redzedama, ka caur varmacejšgo Maksencijusa pisacejšonu lauds pulkim pazud, atgoja pi to kejzera un pasaceja jam: „Tev, kejzer, pidar zinot, ka tova ticejšba ir moni, nebius tod nedzejvus divaklus atzejt par Divu.“ Un tad vel jemia kejzeram stostejt ap pogonu ticejšas aplamejšbu, vujceja ju, ka tik vinejšga sv. Kristejtus Ticejšba ir ejstina, un ka, jo kas grib biut miuzejgi lajmejgs, tam nepicišami jotic ikš Kunga Jeza. Kejzers brejnejšas dzerdadams taj drusu un gudru sv. Katres runu, un atbildeja: „Pagaid, peçok es ar tevim parunošu par tu, kad upurešona bejšsis.“

Pabejšds sovas mon-ticejšas ceremonijas, atsaucia uz sevi sv. Katri un vajcoja, ko jej gribute? Tod sv. Katre stosteja jam ap sv. Ticejšbu, ap tu ku patisejšgajs Divs ir laudim pasludinojšs, ikš ko vajag ticejt un kaj darejt. Visu taj gudri runoja, ka kejzers nevareja turetis pretim un gribejt-negribejt vajdzeja pisazejt, ka sv. Katre runoj tajsnejbu. Bet brimejšgajs pogons neiticeja patisejšgajam Divam. Vel jam gribejšas sv. Katri uzvaret ar gudru runu. Izlaseja tod nu visas valsts un sasaucia visugudrokus pogonu vejšrus, laj ji ar sv. Katri parunoj par ticejšbu. Ti mocejti pogoni apšajemia pret kejzeri atgrist sv. Katri nu Kristejtus ticejšbas uz sovu, bet nutika citajž. Sv. Katre taj gudri visu izstosteja, skajdri pirodejdamo pogonu ticejšbas aplamejšbu, un Kristejtus Ticejšbas patisejšbu, ka ti gudriniki poši pazina, kuraj pusejš ir

\*) jaunave = jumprav



tajsnejba. Patiši izvujcejtus lauds ir viglok atgrist uz Divu, ne kaj tik drusku mocejtus. Taj visod beja un ir, ka moza un slikta skūlošona, t. i. mocejšona atverza nust nu Diva, bet loba un dzila skūlošona vad pi Diva klot. Taj un iti picdesmit nu visas valsts vejri uz sv. Katres mocejbu palika par ticejgim Kristejtim; pazinuši patisu Divu, negribeja jau nu Jo atsastot: gotovi beja tiulen numert par svatu Ticejbu. Taj launajs pogonu keizers palika kauná. Jis nu dusmes tiulen lika tus mocejtus lauds sadadzinot guni. Ši gudejgi vejri labprot pijemia novi par tajsnejbu, un ar sovu paraugu daudz citu pogonu atgrizia uz patisu Divu.

Pec to keizers Maksencijuss gribeja sv. Katri pivilt ar milejgim vordim. Jis apsajemia pajimt ju sev par sivu, jo tik upures divaklim. „Ni par ku uz pasaula tis nenutiks, atsaceja sv. Katre, es sovu jumprovejbu un šķejstejbu esmu atdevuse Kungam Jezam. Es nesabejstus muku, Divs man ajzmoksos par jom dabasu valstejbá.“

Tulajk nezelejgajs pogons lika sist nevajnejgu Jumpravu vasalas divi stundes, taj ka asnis jemia tecet pa visu misu. Pečok isledzia ju citumā uz divpadsmīt dinom, ka tur nudzejbtu nu boda. Bet te Kungs Jezus jaj brejnejgi palej-dzeja: nedevia cist boda un visas vajnias izdzideja. Sv. Katre, biudama citumā, atgrizia daudz laužu uz sv. Ticejbu. Kad porgoja 12 dinu, otkon atvedia sv. Katri uz tu pošu pogonu valdiniku. Patajseja leļus skritulus ar pidzejtim aplejk nažim, pogoni gribeja storp tim skritulim sagrajzejt sv. Katri druponom. Bet pec visuvarejgo Diva prota nutika citajz. Kad jau pisita sv. jumpravu un poš-lajk gribeja grajzejt, ak brejnums, skrituli sabirza druponu druponom, kuras izskrajdedamas apsita daudz pogonu, bet sv. Katre palika pavisam neajztikta. Pec to brejnuma daudz kas pijemia sv. Kristejbas Sakramentu. Pedejgi visuvarejgajs Divs atlovia pogonim nucerst sv. Katri ar zubinu. Jos misu pajemia Engeli un pagloboja uz Sinai kolna, kur Divs ir devs sovu desmit bauslejbu.

## Ap atlajdom (odpuskim).

Kas tis ir atlajdas?

Atlajdas ir lajcejgas stropes par grakim atlajšona.

Tu zini, dorgajs lasejtojs, ka Divs stropej par grakim. Grecinikam vajdzes atlejdzet Diva tajsnejbaj par visim sliktim dorbim. Citi graki ira novejgi t. i. leli, rupi, kuri atjindami Diva zelestejbu, kaj kautin nukaun dveseli. Citi otkon ir mozi, var gadejtis kas-dinas, todel jus saucom par ikdiniškim. Tajsnejgajs Divs par lelim grakim stropej ar miujejgu pazušonu ellé, pār mozim grakim laudim jociš vorgus šamá pasauli, voj mukas slaucamá guni.

Kaj varim dabot nu Diva graku atlajšonu?

Caur graku vajdešonu un lobim dorbim. Tik vajdet par grakim vajag taj, kaj Divs ir lies. Ikkotris Katols zina, kaj ir jovajd par grakim. Vajaga it pi graku siudzešonas Sakramenta un izsiudzet visus sovus grakus pret baznejckungu. Bez uzcitejgas un riupejgas sasagatavejšonos nevar labi graku izsiudzet. Topec laj ikkotris idams pi grakus siudzešonas papišku labi apgodoj un pimin, ar ku Divu apkajtinoja. Pec graku sarekinošonas stipri un nu sirds dibina par jim jožaloj, par tu ka neesi bejs paklausejgs visumilejgokam Divam, turpretejm, sasaceli pret ju un dareji jam negudu. Apsajem tod visuloboko Diva nikod vajrok neapkajtinot ar grakim, piminadams, ka caur sliktu dzejvi pazaudejsi dabasu valstejbu, un tiks miuzam elles mukós. Kad biusi jau tu padarejs, tod tulajk tik ej grakus siudzatu, t. i. pasejt jus baznejckungam.



Vajag labi klausejtis baznejckunga, kaj jis moca, un kajdu ajzmat gondarejŝonu par grakim. Ajzmatu stropi par grakim cik ispejams drejzok izpildi. Tis slikti grakus siudzatu, kas negribatu ajzmastos stropes panest. Redzi milajs lasejtojs, ka eaur graku siudzeŝonas Sakramentu mes dabojam graku atlajŝonu.

Kad grakus izsiudzejam, Divs pidud mums miuzejgu elles stropi, uz kuru ajzpelnejuŝi bejom caur launu dzejvi. Ikkotris sliktis dorbs, ikkotris graks pelnej vajniu un stropi. Ivirojit tu un jemit gaumé.

Ti kas ir nuziguŝis ar lelim grakim būs stropati ar miuzejgu pazudinoŝonu ellé; par mozim grakim jopanas strope, voj slaucamá guní, voj ŝamá pasaulí. Vajnia par grakim un miuzejgo strope ellé nevar biut tam atlajsta, kas negrib it pi graku siudzeŝonas Sakramenta\*). Citajzok sokut: graks un miuzejgo strope par ju nevar biut nikod atlajsta bez patisejgo zaľuma un patisejgas gribas pijimt graku siudzeŝonas Sakramentu. Nikajdas atlajdas poŝas par sevi nevar atlajst graku un izglobt nu miuzejgos pazuŝonas, jo nav nu miusu puses zaľuma un graku siudzeŝonas Sakramenta. Divs taj grib un taj istodeja, ka graki un miuzejgo strope nebius nucalti tam, kas nezaloj par grakim un negrib jus pascejt baznejckungam pi graku siudzeŝonas Sakramenta.

Ku tod lobu dud miusim atlajdas?

Atlajdas atlajz mums tik lajcejgu stropi.

Igaumejit, tu stropi todel sauc par lajcejgu, ka viniu vajdzes cist ne miuzam bez gola, bet tik nuliktu lajku. Par mozim grakim vajdzes miusim atlejdzet eiŝut, voj ŝamá pa-

---

\*) Tis varatu dobot graku atlajŝonu kas, laj gon nevaratu tikt pi graku siudzeŝonas Sakramentu, bet ar patisejgu un pilnejgu zaľumu, t. i. nu Diva milejbas zaľotu par grakim, un gribatu jus pascejt baznejckungam pi graku siudzeŝonas Sakramenta, ka tik varatu. Taj var nutikt ar cilvaku, kurs merst zemé un nevar baznejckunga sagajdet. Tod stipri nu sirds dibina jozaloj tulajk par grakim.

saulí, voj slaucamá guní. Ŝitu tod lajcejgu stropi atlajdas nucel un pidud.

Tagad, jo kas tevis, milajs lasejtojs, pavajcotu? Vaj atlajdas pidud grakus? kaj jam atsacejtu?

Vajdzatu taj atbildet: Atlajdas grakus nepidud. Graku atlajŝonu varim dobot tik ar lobu zaľumu pidarejgi idami pi graku siudzeŝonas Sakramenta. Bet atlajdas nucel tik lajcejgu stropi, kuru miusim vel jopanas par jau atlajstim grakim. Ne par velti augŝok mineju, ka mes grakodami palikam vajnejgi pret Divu un pelnejam stropi. Kad cilvaks labi izsiudzej sovus grakus, tod Divs jam atlajz pirmkort poŝu g'ra ku, voj lobok sokut, vajniu par grakim: taj ka cilvaks, nu Diva pretinika, tejk par Diva draugu. Utrkort Divs, atlajz miuzejgu stropes cisŝonu elles mukós. Bet ne visod pi graku siudzeŝonas Sakramenta Divs atlajz lajcejgu par grakim nupelnejtu stropi. Tej ir starpejba storp sv. Kristejbas un graku siudzeŝonas Sakramentim. Pi Kristejbas visi graki un visa strope, kaj miuzejgo taj un lajcejgo, tũp nucalti. Pec Kristejbas cilvaks ir pavisam tejrs, jo dvesele var it tajsni uz debesim. Bet drusku sovajz ir ar sv. grakus siudzeŝonu Sakramentu. Pi to cilvaks dabo, graku un miuzejgas stropes par vinim atlajŝonas, bet lajcejgo strope ne visod tejk atlajsta. Par ju vel vajdzes panest stropi vaj ŝamá pasaulí, vaj slaucamá guní. Redzi, ŝitos tod lajcejgos stropes nucelŝonu varim dabat caur atlajdom: un taj, te vers zemes varim atlejdzinot par tim graku atlikumim un isasorgot nu brismejgos slaucamos guns.

Tagad tev ir jau saprutams, dorgajs lasejtojs, kodel lauteni taj ciŝ bozas un lin pi graku siudzeŝonas atlajdu lajká? un kodel, kad kajdá baznejcá ir atlajdas, sabrauc ti citi baznejckungi palejdzatu spovedet? Todel gon, ka cikom cilvakam graks un miuzejgo strope vel nav atlajsti, tikom nikajdas atlajdas jam niko nelejdz. Ej papriŝku izsiudzej grakus un dabo, jus nucelŝonu, tulajk tik vareni dobot atlajdas.



Zinu gon tagad, ku atlajdas mums dud, var kas pascejt, bej kaj jus dabot?

Ka dabot atlajdu, vajag pareizi (riktejgi) izpildejti visu, ku lika atlajdu devejs\*). Svatajs Tavs, dudams kajdas atlajdas, pasludinoj tamá pat šalteniá dazus lobus dorbis, kuri ir jodora del atlajdu dabošonas. Var un vajag gribejt dabot atlajdu par tim liktim lobim dorbim. Visuvajrok del pilnu atlajdu dabošonas ajzmat tajdus lobus dorbis:

- 1) It pi graku siudzešonas Sakramenta,
- 2) Pijimt Visusvatoku Sakramentu,
- 3) Paliugt Diva baznejcá,
- 4) Nuskajtejt kaut picus poterus par Baznejcas labklojebu, un pedejgi vel kajds lobs dorbs var biut likts izpildejti.

Tagad tu sapruti, ku nuzejmoj tis, ka kajdá baznejcá ir atlajdas, pimaram Agliuná, Varklonús, 15 augusta, voj Dagda Visusvatokas Trejadibas diná? voj kur citur kajdá diná?

Tis nuzejmoj, ka ikkotris, kas tamá diná izsiudzes\*\*) sovus grakus, pijims tur Visusvatoku Sakramentu, izklausejs gudejgi svata Miša un nuskajtejs kaut picus poterus par sv. Baznejcu, tis atlajdu dabos. Raug ši četri lobi dorbi ir vajdzejgi del atlajdu imontošonas.

Atlajdas ir pilnas un nepilnas, tis ir, tik pa dalaj. Pilnas atlajdas par tu taj sauc, ka jos atlajz visu, lejdz tam lajkam nupelnejtu, lajcejgu stropi. Nepilnas atlajz tik kajdu lajcejgas stropes dalu. Taj pimaram atlajz 40, 100, voj 300 dinu, godu, 7 godi un taj vel. Tej atlajdu dinu rekinošona ir pajimta nu Baznejcas pirmejim lajkim. Seniok baznejckungi

\*) Zinoma lita, ka atlajdas var dut tik Svatajs Tavs un Vejskupi. Pavests var dut visajdas atlajdas, pilnus, nepilnus, del vinas molas, voj visa pasaula, bet Vejskupi var dut tik del sovas molas un nepilnus, pimaram 40 dinu, 100 dinu, vaj visa goda, bet ne vajrok.

\*\*) Tis ari var atlajdu dabot, kas grakus izsiudzatu ap pirmejim Nešporim, t. i. zam vokoru pret atlajdu dinu.

ajzmetia ļeļoku stropi par grakim ne kaj tagad. Par citim novejgim grakim vajdzeja nest griutu stropi, ne kajdu dinu, voj vajrok, bet kajdus 7 godu, voj 10, voj 15, voj vajrok godu. Tagad jau zeļejgo Mote sv. Baznejca, ajz laužu vojuma, neajzmat tik griutas stropes, bet dud miusim vari atlejdzinot Divam caur atlajdom.

Visuaugstokajs Romas Tavs, Pavests, caur nu Diva dutu jam vari izdola laudim visajdas atlajdas. Pavests ir par dabasu monta sorgu un izdalejtoju. Tu montu mums nupelnejá Pestejtojs un pa daliniaj visi Svati.

Atlajdas varim dabot ne tik del sevis bet un del dveselem, kuras ciš slaucamá guni.

Te tolok ir irakstejtas liugzonas kuras ir apdovinotas nu Svato Tava ar atlajdom, tos ari liugšonas var upuret par sevim, voj par dveselem slaucamá guni; tik tos liugšonas vajag skajtejt divabajlejgi, ar sabarstu sirdi, ar apsajemšonu vajrok negrakot, un ar gribu dabot atlajdas.

Taj par svato krista pormešonu: „Ikš vorda Diva Tava, un Dala un Svato Gora. Amen.“

Pavests Pius IX idevia 50 dinu atlajdu, 28 Julijá 1863 godá un 100 dinu, jo kas pormat kristu ar sveteitu iudini.

Kas sasatikdams, voj igojs cita ustoba pascejs: „Lajbius Kungs Jezus gudinots.“ Un kas atsoka: „Miuzejgi miuzam. Amen.“

Obi divi daboj pa 50 dinu atlajdu. Tos atlajdes piškejria Pavests Klemens XIII.

Par šu liugšonu: „Jezu, muns Divs, es Tevi miloju vajrok par visu.“

Daboj 50 dinu atladu. — Pavests Pius IX, 1854 godá 7 Majá.

Par liugšonu: „O soldono muna Kunga Jeza sirds, pador laj es Tevi vajrok un vajrok miloju.“

300 dinu. Pavests Pius IX 1876 godá 22 Novembrí.



Par liugšonu: „Laj bius svetejta svato un nenuzidzejgo Visusvatokos Jumpravas Marijas, Diva Motes Ijimšona.“

300 dinu. Leons XIII 1878 g. 10 Septembri.

„Jezu, Marija, Jezups, atdudu Jums munu sirdi un dveseli. — Jezu, Marija, Jezups, esit man klot pi munas numeršonas. — Jezu, Marija, Jezups, laj es pi Jiusim ikš mira atdudu Divam goru.“

300 dinu. Pius VII 1807 g. 28 Aprilī.

„Laj nutejk un laj ir tejkts un miuzejgi slavinots visutajsnejgokajs, visuaugstokajs, un visumilejgokajs Diva Prots ikš visa.“

100 dinu. Var dabet vinu tik rejzi dinā. Pius VII 1818 g. 19 Majā.

„Lenejgajs un pazemejgas sirds Jezu, pador munu sirdi lejdzejgu Tovaj.“

300 dinu. Var dabet vinu tik rejzi dinā. Pius IX 1868 g. 25 Februari.

### Liugšona uz Jumpravu Mariju Kardinošonas lajkā.

„Ak muna kundze, ak muna Mote, pimin, ka es esmu Tavs, sorgoj mani, kaj sovas litas un sova ipašuma.“

40 dinu. Pius IX 1851 g. 5 Augustā.

„O Marija Diva Mote, zelsirdejbas Mote, liudz Diva par mums un par numirušim.“

100 dinu. Var dabet vinu rejzi dinā. Leons XIII 1885 g. 15 Decembri.

### Liugšonas ar atlajdom, kuras pamudinoj Ticejbu, Ceribu un Milejbu.

„Es ticu stipri todel, ka Divs, visuaugstoko patisejba parodeja un apsludinoja mums caur svatu Katolu Baznejcu, ka ir Vins Divs ikš trim atseviškom, bet lejdzejgom sev Personom, kuras sauc: Divs Tavs, Divs Dals, Divs Svatajs Gors. Es ticu, ka Diva Dals topa par cilvaku, pijimdams caur Svatu Goru cilvaka misu un dveseli, un numira par miusim pi krista, augšan-celas nu mirunim, uzkopia debesis, nu turines atis pi pasaula gola tisot dzejvus un numirušus, ka idut lobim miuzejgu dabasu valstejbu, un sliktus pazudinot. eĻé. Taj pat ticu ikš visa, ikš ko tic un moca tej poš svato Baznejca.“

Ak muns Divs, Tu esi visuvarejgs, bez gola lobs un zelsirdejgs, topec es cereju, ka caur Kunga Jeza, miusu Pestejtoja mukas, un noves nupalnim, idusi man miuzejgu dzejvi, kuru esi apsulejs tim, kuri labi dzejvoj, kaj svata Ticejba moca. Tu visuticamokajs Divs, tu izpildejsi sovu vordu, todel es ar Tovu palejgu gribu divabajleji dzejvot.

Ak muns Divs, Tu esi visuaugstokajs, un bezgalejgajs lobums, es Tevi miloju nu visas sirds un vajrok par visu, un laušus drejzok visu izgajsinot, ne kaj Tevi apkajtinot un del Tovas milejbas, miloju un gribu milot ari sovu tuvaku, kaj sevi pati.“

Atlajdas devia Benedikts XIV 1756 g. 28 Januari. Pruti 7 godi un 7 kvadragenas. Jo kas šu liugšonu skajtejt visu menesi kotru dinu, tod varatu dabet pilnus atlajdas, kad isiudzas sovus grakus, pijims Visusvatoku Sakramentu un nuskajtejs kaut 5 potorus par kristetus keniniu miru. Paliugs Diva, ka viltejgu ticejbu lauds drejzok pazejt tajsnejbu un paliktu par Katolim, un ka visi klausejt un cinejt sv. Katolu Baznejcu. Kas itu liugšonu skajtejt ikdinas lejdz novej, numerdams varatu dabet pilnas atlajdas, jo tulajk, nespedams skajtejt garoku liugšonu, kaut ajcinotu tu Visusvatoku „Jezus“ vordu.



### Katolu moju liugšona.

O lobuma un zelsirdejbas Divs, mes atdudam tovaj visu-varejgaj globošonaj sovu satu, sajmi un visu ku turom. Svetej mius visus, kaj esi svetejs Visusvatoku Sajmi Nazareta mistá

Visusvatokajs Pestejtojs, Jezus Kristus, liudzam Tevis caur tu milejbu, del kuras esi palicis par cilvaku, ka miusu ispestejt; caur zelsirdejbu, del kuras esi numiris par mums pi krista, svetej miusu satu, sajmi un dzejvotojus. Sorgoj mius nu visajda launa un sliktim laudim. Globoj mius nu parkiunia, krusas, iudinia polim un nu slikta lajka. Sorgoj mius nu Tovas dusmes, un neiredzešonas, un nu miusu inajdniku launim padumim, nu merim bodim un karim. Nedud, ka kas nu miusim nenumertu bez Svatim Sakramentim. Dud mums Sovu svetejbu, laj mes visod stipri ticam un dzejvojam Tova Svata Katolu Ticejbá, kuro var mius padarejt par svatim. Dud, laj turim ceribu ikš nuskumšonom un vorgim. Tevis un tuvaka milejba miusu sirdis visod laj aug leloka un leloka. O Jezu svetej miusus un globoj. O Marija zelestejbas un zelsirdejbas Mote, svetej mius, glob nu neškejsta gora, ved mius ar sovu motis ruku par šu ossoru likniu. Sadari mius ar sovu Dalu, un atdud Jam mius, ka mes toptu Jo apsulejuma cinejgi.

O Svatajs Jezups, miusu Pestejtoja Sorgs, Jo Svatos Motes Globejs un Svatos sajmes Golva, liudz Tu par mums Diva, visod svetej un sorgoj miusu mojas.

Sv. Mikels, sorgoj mius nu visajda elles launa.

Sv. Gabriels, palejdz mums pazejt svatu Diva valu.

Sv. Rapuls, globoj mius nu slimejbom un nu peškas noves. — Svati Sorg-Engeli, turit mius dinu un nakti uz izpestejšonas cela. Sv. Patroni liudzit Diva par mums. Ak svetej šu satu Divs Tavs, kurs miusu radeji, Tu Diva Dals, kurs esi par mums citis pi krista, un Tu Divs Svatajs Gors, kurs pi Kristejbas Sakramenta mius svatus dareji. Visusva-

toka Trejadiba laj sorgoj miusu misu, škejstej miusu dveseli, valdej miusu sirdi, un nuvad mius uz miuzejgu dzejvi. Guds laj bius Divam Tavam, guds Divam Dalam, guds Divam Svatam Govam. Amen.“

200 dinu, var dabot vinu rejzi diná. Leons XIII 1889 g. 19 Januari.

### Liugšona uz Svatu Goru.

Ak Svatajs Gors, Divs Radejtojs, atej zelejgi uz palejgu visaj Katolu Baznejcay pret inajdniku uzbrukumim. Istiprinoj Svatu Baznejcu, un idud jaj sovu spaku nu augstines; atjaunoj Tovu kolpu goru, kurus esi apsvajdejs ar sovu milejbu un zelestejbu, ka ikš Tevis slavinotu Divu Tavu un Jo Vinpidzimušu Dalu, miusu Kungu Jezu Kristu. Amen.

300 dinu, vinu rejzi diná. Leons XIII 1889 g. 26 Augustá.

### Sadarešonas ar Diva Valu liugšona.

O visuzelejgajs Jezu, apdovinoj mani ar sovu zelestejbu, taj ka laj Tova zelestejba visod biutu ar mani, strodotu ar mani un paliktu ar manim lejdz golam. Dud, laj visod to gribu un to mekleju, kas Tev vajrok mil un patejk. Tavs prots laj ir par munu protu\*), un muna griba laj visod it Tovaj lejdz, un laj visod ar ju sadar. Ak, ka muna gribesoná an negribesoná, biutu vinajda ar Tovu, un ka es nevaratu gribet to, ko Tu negribi, un gribatu to, ko Tu gribi. Amen.

200 dinu, rejzi diná. Leons XIII 1886 g. 26 Februari.

\*) prots = griba, vala.



### Liugšona pret Kunga Jeza muku.

Raug, ak lobajs un visusoldonokajs Jezu, es pakrejtū celus pret tovu vajgu un karški nu dveseles dibina Tevis liudzu, un sirsnigi prosu, ilej muná sirdi dzejvu un stipru ticejbu, ceribu un milejbu, idud ejstinu zalumu par grakim un stipru gribu sevi uzlobot. Tagad kad ar dzilu milejbu un sopi piminiu un sova gora skotus\*) uz tovom picom certumim, redzu tos picus certumus, ap kurom jau Davids Profets stosteja, runodams ap Tevim, o lobajs Jezu: „Pordiuria munas rukas un munas kojas, saskajteja visus munus kaulus.“ (ps. 21, 17—18.)

Ka dabot pilnas atlajdas par šu liugšonu, paprišku joizsiudzej sovi graki, jopijem Visusvatokajs Sakraments, vel jonuskajta kajdi picī potori par Svatu Tavu un tamá pat dina, atsametis celus un verutis uz Kunga Jeza muku, divabajlejgi jonuskajta itej liugšona. Pius IX. 1858 g. 31 Julijá.

### Liugšona uz Visusvatoku Jumpravu Mariju.

Pimin, o Visumilejgoko Jumprava Marija, ka miuzam nav dzerdats, ka kas biutu nu Tevis aplajsts, kurs atsadud Tovaj globšonaj, liudz Tova palejga, Tovas ajzastošonas prosa. Es niu ari, istiprinots ar tajdu cerejbu, stejktis-stejdzus un skrinu uz Tevi, ak Jumprava, un osoras lidams, es greciniks stojus pret Tevim. Ak, Diva Dala miuzejgo Vorda Mote, nesmodej munu vordu, bet klausis, zelejgo Mote un izklaus.

300 dinu. Pius IX 1846 g. 25 Julijá.

### Liugšona Visusvatokos Jumpravas Marijas Nenuzidzejgaj Ijimšonaj par gudu.

„Ikš Vorda Diva Tava un Dala un Svato Gora. Amen. Laj tūp svetejta, svato un bezvajnejgo Visusvatokas Jumpra-

\*) skotus = verus.

vas Marijas Ijimšona.— Vinu rejzi Tavs miusu, cetras rejzes Svejcinota, vinu rejzi Guds ir Divam etc. Šu liugšonu vajag atskajtejt trejs rejzes.

300 dinu. Pius IX 1856 g. 22 Junijá.

### Liugšona uz Svatu Jezupu del škejstejbas izliugšonas.

O Tavs, un jumpraviškas škejstejbas Sorgotojs, Svatajs Jezups, kura sorgošonaj beja atduta poša nevajnejba Jezus Kristus un Jumprava par Jumpravom Marija, Tevis niu liudzu un karški prosu, caur tom visudorgokom personom Kungu Jezu un Visusvatoku Jumpravu Mariju, sorgoj mani nu visajdas neškejstejbas, globoj munu protu nu nekajnejgim dumim, dud laj es, kaj man pidar, kolpoju visod Kungam Jezam un Jumpravaj Marijaj ar nevajnejgu sirdi un škejstu\*) misu. Amen.

100 dinu, dabojamas rejzi diná. Pius IX 1877 g. 4 Novembrí.

### Liugšona par Visuaugstoku miusu Valdejtoju Svatu Tavu.

Liudzames par Visuaugstoku miusu Vejskupu N. Divs Kungs laj ju globoj, dzejvu uztur, dud jam lajmi vers zemes, un nepadud jo inajdniku varej. Tavs miusu Svejcinota.

300 dinu. Pius IX 1876 g. 26 Novembrí.

### Liugšona par numirušim.

O visuzelsirdejgokajs Jezu, dveselu milotojs, liudzu Tevis caur visusvatokas Tovas Sirds mersonu, un caur Tovas nenuzidzejgos Motes sopem, apmozgoj ar sovu asni visa pa-

\*) škejsts = cejsts



saula grecinikus, kuri tagad merst zemé, un vel šudin numers. O merstušo Jeza Sirds, apsazaloj par tim, kuri tagad merst. Amen.

100 dinu. Pius IX 1850 g. 2 Februari.

### Liugšona par lajmejgu smerti.

O Kungs Jezu, lobuma Divs, zelsirdejbas Divs, raug, es stojus Tova prišká ar pazemejgu sirdi, un atdudu Tev globošonaj pedeju munu stundi, un tu kas manis gajda, kas ar mani nutiks.

Kad munas nuterpušos, bezspecejgos kojas apsludinos man, ka munas lajcejgos dzejves celš jau bejdzas del manis. Milasirdejgajs Jezu apsazaloj uz manis.

Kad munas tricušos un sasolušos rukas nevaras jau Teyis pi krista pisisto turet, un gribut-negribut nuļajss Tevi uz munas slimejbas gultu, — zelsirdejgajs Jezu apsazaloj uz manis.

Kad munas aptimsotos, nu noves soltuma nubidatos acs, jau voji un stejvi pasavers uz Tevis, zelsird. Jezu apsaz. . . .

Kad soltos un tricušos munas mutes liupas pedeju rejzi izrunos Tovu svatu vordu.

Kad muns bolajs un zilajs vajgs sacels žalumu ikš klot stovušim, un moti uz munas golvas celsis, apslacinoti ar noves svidrim, un sludinos jau tivu monu golu.

Kad munas auss jau pavisam bius ajzdarejtas laužu bolsam, un atsadarejs ka izdzerts Tovu bolsu, ar kuru mani tisoni uz visu miuzu.

Kad munu protu brismejgi un bejstami bidakli bides, kad mani apstos nuskumšona un porjims lela bajle par grakim par kurim biušu tisoni, kad valns gribes atjimt man ceribu ikš Tovas zelsirdejbas, ak tamá pedejá karš

Zelsirdejgajs Jezu apsazaloj uz manis.

Zelsirdojgajs Jezu apsazaloj uz manis.

Kad muna vojo, nu sopem numokto un nu smerts nubidato sirds pavisam jau paniks kará ar ispestejšonas inajdnikim.

Kad pedejos munas osoras, kaj atnokušos munas noves zejmi izteces nu munom acim, pijem jos, kaj munu sirds žalumu; ka es tamá bajlejgá šalteniá lajmejgi numertu, kaj vajdešonas par grakim upurs.

Kad muni rodi un draugi sasalasejuši ap manim raudos manis del un sauks Tevis.

Kad jau visas munas misas nujautas pamers, un vis pasauls izniks munós acis, un es vajdešu noves sopés, un pedejos meršonas šalteniá.

Kad muna dvesele ar pedeju dvašu škersis nu munas misas, pijem ju stejdzušus uz Tevi.

Kad muna dvesele pedeju rejzi pakustinos munu muti un izis miuzam nu šo pasaula, atstodama bolu, soltu un jau bez dzejves misu. Pijem sev par gudu tu munu škeršonus, un tulajk.

Pedejgi, kad muna dvesele stosis Tova prišká, pirmu rejzi iraudzejs miujejgu Tovas augstejbas un spaka spudrumu, neatstum manis nu Tova vajga caur nepabejgtu zelsirdejbu Tovu pijem munu dveseli uz Sevi, ka es miujejgi Tevi gadinotu;

O Divs, kurs esi licis mums mert, bet pašlepis pret miusim numeršonas dinu un stundi, dud laj es visod tajsnejgi un svati dzejvodams, nupelneju atsaškert nu šo pasaula, Tevi milodams. Caur Jezu Kristu miusu Kungu, kurs ar Tevim dzejvoj un valdej vinejbá ar Svatu Goru. Amen.

100 dinu. Leons XIII 1884 g. 11 Augustá.

### Liugšona uz sv. Borbolu par lajmejgu novi.

O Divs, kurs esi izlasejs svatu Borbolu del dzejvu un merstušu ipricinošonas, dud mums caur Jos ajzastošonu, ka mes visod dzejvotum ikš Tovas milejbas, ak Divs, un ceretum



tik ikš bezgalejgas Tova Dala sopes nupalnim, ka mes nikod nenumertum grakús, bet istiprinoti ar graku siudzešonas un postoras svetejbas sv. Sakramentim, varatum bez bajles tikt miuzejgá gudá; to liudzam caur tu pošu Kungu Jezu Kristu. Amen.

100 dinu, rejzi diná. Leons XIII 1879 g. 1. Martá.

Redzit niu, mili lasejtoji, kaj sv. Katolu Baznejca mius miloj un palejdz apdovinodama ar atlajdom. Es nevaru šamá gromoteniá sarakstejt visus lobus dorbus, kurim atlajdas ir piškertas, bet nesabejstit, mili lasejtoji, ikvins lobs dorbs nebius ajzmersts nu Diva. Jo kas nezinotu, kajdim dorbm kajdas atlajdas ir piškertas, bet darejtu tus gribadams Divu gudinot un pelnejt del miuzejgas dzejves, dabos atlajdu. Tod del labi ir gribejt dabot atlajdu; jo tik varim, par miusu liugšonom un lobim dorbm.

Taj atlajdas ir dabošanas dzizut, voj skajtut, Ružu-kruni, taj pat ari par Krista cela apišonu.

Svato Baznejca tim ari dovinoj atlajdas, kas ikdinas idams gulatu, kad skajta vokora potorus, apdumoj, kaj por-dzejvoja dinu, vaj neapkajtinoja ar ku Diva. Taj darejdams izasorgosi nu grakim un lobok vares jus piminet idams pi svato graku siudzešonas Sakramenta. Kad piminesi grakus, nuzaloj, apsajem vajrok negrakot, un jo par nelajmi biutu ikritis kajda rupá graká, zaloj un apsajem, cik spesi, drejzok it pi graku siudzešonas Sakramenta.

Piminit un tu, dorgi lasejtoji, ka Pius VII, Pavests, idevia 1817 goda, 16 Januári, 100 dinu atlajdu tim, kuri ar satriktu sirdi dzidz gorejgas dzismes. Tod jums ari, muni mili, itejcu sasapulcejušim pa satom, pimaram svatdinem, dzidot svatos dzismes visulobokam Divam par gudu.

Daudz liugšonom un svatom brolestem ir piškertas atlajdas. Visas te griuts ir sarakstejt. Jo kas grib vajrok par ku zinot, vajcojit sovu divabajlejleju baznejkungu.

Es te vel irakstejšu tik ap svatu Ružu-kruni un ap Škaplerim.

Ikvins nu jiusim zina, kas tis ir Ružu-krunis, kaj jis joskajta. Ružu-kruniam ir trejs dalas, taj saucami krunejši\*), ikkotram krunejšam ir picas dalenias, saucamas nušlapumi\*\*). Ikkotrá daleniá ir 1 Tavs miusu, 10 Svejcinoša, un 1 Guds ir Divam. Pec picom daleniom joskajta rejzi Es ticu.

Par Ružu-krunia skajtejšonu ir dutas atlajdas. Vajag tik divabajlejgi skajtejt un godot ap Divu. Skajtejdami Ružu-kruni dumojit ap miusu Pestejtoja dzejvi. Taj pirmajā nušlapumā pret Tavs miusu vajag piminet un apdumot, kaj Engels Gabriels siutejts nu Diva uz Jumpravu Mariju sludinoj jaj, ka paliks par Diva Moti. Visusvatoko Jumprava Marija itu ziņu pijem ar pazemejbu, Diva Dals tūp par cilvaku del miusu izpestejšonas. Miusim tod vajag biut pazemejgim, un atsadut Diva valaj.

Utrajā daleniá godoj, kaj Visusvatoka Diva Mote stejdzas uz svatu Ilžu jaj palejdzatu, miusim ari vajaga milot tuvaku un divabajlejgi pricotis.

Trešajā daleniá veris gora uz pidzimuša del miusu ber-nenia Kunga Jeza; jamam nu Jo paraugu, laj tūpam nevajnejgi, kaj barni, laj nesadzonojam porok pec bogatejbas.

Caturtajā. — Pimin, kaj Jumprava Marija upurej sovu Svatu Berneniu, Kungu Jezu Jeruzalemas baznejcá. Vujcames biut paklausejgi, škejsti un nevajnejgas sirds.

Piktajā. Jumprava Marija atrud Kunga Jeza baznejcá. Miusim josapiulej nikod neatsaškert nu Kunga Jeza.

Utrajā Ružu-krunia dalá, pirmajā daleniá apgodoj, kaj Kungs Jezus Eleja dorza liudz Divu pret sovu novi, un visus sovus vergus un nokušu numeršonu upurej par miusu ispe-

\*) krunejši = koronkas.

\*\*\*) nušlapums = tajemnejca.



stejšonu. Zāloj tod par sovīm grakīm, bizok liudz Diva; cīšok josasorgoj, ka neikrist grakā.

Utrajā daleniā. Kungu Jezu bezdivejgi zīdi šausta ar rejstim. Miusim vajag vajdet par grakīm.

Trešajā. Kungam Jezam uzlik uz golvas eškezu kruni. Mums vajag darejt ne tu, kas pošim, bet tu Divam kas patejk.

Caturtajā. Kungs Jezus nas griutu kristu. Mius paci-tejgi jopanas vorgi, kuri godos šamā dzejvé.

Piktajā. Pestejtoju pikal pi krista. Par tajdu Kunga Jeza cišonu par mums un par tik lelu Jo Visusvatokos Motes žalumu vajag mums milot, cik vin spejam, bez gola zelsir-dejgu Divu, Kungu Jezu un Jumpravu Mariju.

Trešajā Ruzu-krunia dalā, pirmajā daleniā apgodoj Kunga Jeza augšan-celšonus. Kungs Jezus pec mukas un noves augšan-celas pilns spaka, guda un spudruma, jau vajrok neciss. Mums vajag par tisu pasagrist uz Divu.

Utrajā. Kungs Jezus it uz dabasim. Un miusim jogo-doļ ap dabasim, ka tikt tur un dzejvot vinuvit ar visumilej-goku Divu.

Trešajā. Svato Gora atnokšona uz Apustolim. Mums ari jodzejvoj pec padivejgim padumim, jodora lobi dorbi, ka Divs Svatajs Gors biutu miusu sirdi.

Caturtajā daleniā. Visusvatoko Jumprava Marija tūp pajimta uz dabasim. Esim numudā un dzejvojam kaj pidar, ka Divs dutu mums sovu zelestejbu un lajmejgu numeršonu.

Piktajā. Jumpravas Marijas kruniošona. Miusim vajag tejkt un slavinot Visusvatoku Jumpravu Mariju, Jos liugt un pošim bez porstošonas strodot del dabasu valstejbas.

Labi ir ikdinas nuskajtejt vinu Ruzu-krunia dalu, t. i. tik piēus nuslapumus ar „Es tīcu“ golā. Tu var darejt pec tajdas aļlas. Pirmudin un caturtdin var skajtejt pirmu dalu. Utartdin un piktdin utru dalu. Trešdin sastdin un svatdin trešu dalu.

Visi lauds, viņa olga, voj ir isarakstejuši sv. Ruzu-krunia ... var dābot atļajdas par lobu jo skajtejšonu.

kuri var pijimt brolesté, pa rejzej daboj nu versnejcejbas vari pormejst gaveni ar poterim, voj kajdim citim lobim dorbim. Vajag zinot ka visas Škapleru, kaj ari Ruzu-krunia brolešu kolpošonas nav jopildej todel, ka citajzok biutu graks, bet nu lobas valas\*) del atļajdu un nupalnu dabošonas.

1) Pilnas atļajdas var dābot tamā dinā, kad kas isa-roksta brolesté.

2) Jumpravas Marijas Škaplerdinā. 16 Julijā aba 16 dinā sina meneša.

3) Numeršonas stundé, jo pec graku siudzešonas mer-stušajs, kaut ar sabarstu sirdi pisauks „Jezus, Jezus“.

4) Daboj 5 godu un 5 kvadrāgenu atļajdas, kas pec graku izsiudzešonas pijem Visusvatoku Sakramentu un nuskajta kaut 5 potorus par svatu Baznejcu un Rimas Svatu Tavu.

Ira vel daudz citu atļajdu par Škapleru nosošonu un kolpojūmim, par kurom varesit izzinot nu sovīm gorejgim tavim, seviški nu tim, kuri jius pijims brolesté. Ti baznejc-kungi ari jums pastostejs, jo vajdzes, kajdas atļajdas varit dābot par nosošonu svetejtus kristeniu, mataliceniu, par citu liugšonu skajtejšonu un taj vel par citim lobim dorbim. Drejzok un viglok varim izavujcejt klausejdami gudru un di-vabajlejgu baznejckungu, ne kaj pošī skajtejdami kajdas gro-motēnias.

### Divabajlejga dveseles apdumošona.

Divs ir vins iks Trim Personom. Tis vinejgajs Divs radeja dabasus un zemi un visu kas tik ir uz pasaula. Divs mani ari radeja. Radeja del to, ka es lajmejgs dzejvotu miuzejgi debesis. Radejtojs grib cilvaka lobuma. Cilvaks pats sev visuvajrok škodej. Jis caur nepaklausejšonu Divam ikrita vorgūs, un biutu miuzam pazudinots, jo Divs nebiutu uz jo apsazālojis. Utra Visusvatokas Trejadibas Persona

\*) Taj pat kaj isarakstejušim Tresaja sv. Franča brolesté.



Diva Dals pijemia cilvecejbu, ikš kuras eisdams atperka visus lauds.

Trešo Visusvatokas Trejadibas Persona Divs Svatajs Gors, atidams uz cilvaka dveseli, porsvetej ju, un palejdz cilvakam palikt par svatu. Cilvaks nespej niko padarejt ar sovu vin spaku. Nevar pats sevis izpestejt, bet nepicisami vajag Diva palejga un zelestejbas. Visuzelejgokajs Divs dud visim laudim ajztikam sova palejga un zelestejbas, ka ikkotris var nupelnejt dabasu valstejbu, jo tik patisejgi gribes nu sovas puses strodot Diva zelestejbaj lejdz. Jo tod kas bius pazudinots, tis nutiks nu jo patia vajnias.

Miusim jodora taj, kaj Divs grib; ap tu Diva gribu stosta un moca vinejgi svatos Katolu Baznejcas baznejckungi. Baznejckungu, kuri ir siutejti nu Vejskupa stovuša vinejbá ar Svatu Tavu, vajag miusim svati klausejt, kad moca ticejt un labi darejt. Todel ka Versnejcejba ir par Diva vitinikim vers zemes.

Cilvaka dzejve ir kaj kara-klausejba\*) kara lajká: vajag uzvaret dveselu inajdnikus, uzturet dzejvu ticejbu un darejt lobus dorbus. Josasorgoj, ka nedz slikti lauds, nedz valns, nedz misas launas kardinošonas un korejbas nevaratu miusu atškert nu Diva, bet jodzejvoj taj, ka mes ikdinas paliktu vis loboki, stiproki Diva kolpošoná un svatoki. Tapt par svatu ir lelajs dorbs un smagi dzar tu josapiulej. Divs gon palejdzes, dus sovu zelestejbu, jotur tik visim stipra cerejba uz Viniu. Ar Diva palejgu daudz milionu laužu palika par svatim, kodel tod es nevaratu iit dabasu valstejbá. Vajag tik tagad dzejvot, kaj Divs grib. Brejnejgs ir Divs ikš sovim Svatim. Ne viná vin kortá beja Svati. Debesis igoja gon tajdi, kuri šamá pasaulá beja par Vejskupim un baznejckungim, gon tajdi kuri beja par keninim un kungim, gon ari tajdi, kas beja tik par vinkoršim, sprostim zemnicenim un naboga ubadzinim. Jau pricojas miuzejgá lajmé pi Diva

\*) Kara-klausejba = kara-dinasts.

svati mucekli\*) un lels pulks aplicinotoju, svatas Jumpravas, atrajtes un sivites. Tur iraudzejsi tuksneša un klostera dzejvotojus, pilsatu un lauku lauds. Ar vordu: ikkotrá kortá, jo tik kaj pidar dzejvosi, var ar Diva palejgu izpestejt sovu dveseli. Ne visim, kuri tika debesis, beja vinajdi dorbi dorami; bet ikkotris nu vinim miloja Diva vajrok par visu, kas ir uz pasaula, un tuvaku kaj sevi pati. Sovus pinokumus, t. i. sovas kortas dorbus izpildeja kaj ne lobok. Nav ni vina debesis, kurs te beja par netikli. Visi svati liudzia Diva un strodoja; merdeja misu, ka dvesele biutu stiproka; beja paze-mejgi un visajdas tajsnejbas milejtoji; taj un tev, dorgajs cilvecen, jodzejvoj.

Kaj tik rejta pasamussi nu miga, tiulen pormet kristu, un jo jau ir lajks celtis, nesakavej par velti gultá, bet mudri celis augšá. Tik netiklim patejk ilgi volotis un ruzejtis gultá, kaj durovas uz endzem. Tulajk kardinotojs pasnedz jin sliktus dumus. Tu tod nesakavej ilgi un celis; mudri numozgoj muti un apsavele, piminadams pa tu storpu, ka Divs ir visur, veras uz tevis, tevi redz un visu zina, ne tik vin runas un dorbus, bet un dumus. Patejc Divam, ka dud tev vel dinu dzejvot. Metis celus un nuskajt rejta potorus. Ciši labi ir pi rejta potorem apdumot ap kajdu nabejs ticejbas tajsnejbu. Taj pimaram, vari apdumot vinu dinu, kaj Divs, ar sovu bez mara varejgu vordu, ir radejs pasauli, un ka tu ari daboji nu Diva sovu dzejvi un visu, kas tev ira. Patejc Divam par tu un apsajem labi volkot Diva dovonas, un likt jos litá.

Utrá diná vari apdumot par cik lelu nelajmi ir graks. Nikas nav sliktoks par graku. Nu graka izacelas slimejbas, triukums, vajdi visajdas netajsnejbas, smerts un golu gola elle. Tod bejstis graka un apsajem jo sorgotis cišok, ne kaj elles guns.

\*) Muceklis, kurs par ticejbu ir numucejt. Aplicinotojs kurs svati dzejvoja un numira ar sovu nevi.



Trešā dinā vari apdumot ap dabasim, ap tu bezgalejgu ļajmi, kajda ir Diva Svatim. Tod pamudinoj sevi uz loboku dzejvi, ka tu ari varatu tikt debesīs.

Caturtā dinā vari apdumot ap Visusvatokas Jumpravas Marijas, tos greciniku Globejas svatumu, un ap tu, kaj Jej miloj bedejgus lautenius, un grib palejdzet ikkotram ar sovu ajzbildejšonu pi Diva. Tod patejc Divam par tu, ka Jis sovu Moti ir idevs tev par moti, un liudz tos Motes palejga.

Piktā dinā vari dumot ap kajda svata dzejvi, mudinodams sevi darejt taj, kaj jis dareja. Ar citom dinom labi ir piminēt, ku esi dzerdejs nu baznejckunga mocejbom, vaj por-skajtejs kajda loba gorejgā gromoteniā, un taj vel.

Pec potorem, jo tod ir dorba dina, nesakavedams stojis pi dorba un strodoj Divam par gudu. Strodoj vinajz, ka dveselis inajdniks visod tevi atrastu pi kajda gudejga dorba: tod nedrejkstes tevi kardinot. Vajag gon pa rejzej ari atsa-piust, bet un tis ļaj bius Divam par gudu, un uz tu golu, ka peçok biutu stiproks pi dorba. Idams pi edinia pormet kristu un drusku paliudz Diva. Vari, paraugam, tajdus vordus nuskajtejt: „Svetej, ak Divs, tos dovonas, kuras nu tovas zelestejbas essim. Laj Tev bius guds un slāve miuzam. Amen.“ Ed sotejgi, tik vin, cik vajag del uzturesonas veselejbas. Mes adam, ka dzejvotum, bet ne todol dzejvojām, ka astum. Pec edinia ari patejc Divam, pormet kristu un nuskajt kaut tajdus vordus: „Patejcu Tev, ak zeļejgajs Divs, par visom Tovom dovonom, esi gudinots un slavints tagad un miuzam. Amen.“

Kad jau isi gulet vokora, neajzmerst nuskajtejt potorus. Pi vokora potorem apdumoj, kaj tu pordzejvoji pagojušu dinu, vaj neesi padarejs kajda graka. Pratinoj sovu zirds apzini, voj jej tev ko nepormess. Zāloj par grakim un apsajem uzlobot sovu dzejvi un tajdu graku vajrs nedarejt. Jo pamanejtū, ka esi ikrits, par nelajmi, kajdā lelokā grakā tod apsajem stejgtis pi graku siudzešonas Sakramenta. Nu tajdas apdumošonas un graku nuzalošonas atlads daudz lobuma. Pirmkort: kad bius josiudzej graki, tod tev bius vigli vinius

sarekinot. Utrkort: visuzeļejgajs Divs nenustropes tevis ar miuzejgu pazušonu, jo ikvokora stipri un nu Diva milejbas sovus grakus nuzalosi, apsajimdams vajrok negrakot un stejgtis pi graku siudzešonas Sakramenta. Pec vokora potorem nepidar daudz runot, nedz ilgi kavetis, bet joit jau mirejgi gulet.

Kad atis svatdine stejdzis uz baznejcu sv. Mišas klausejtu. Piulejis, ka nikod pa svatdinem un citom svetejamom dinom neaplajst sv. Mišas. Tik tod, kad ir kajda ejstina vajdzejba, vaj niu slimu kūpt, vaj satas sorgot, gonus it, voj kad dzimdinotoji, voj citi versiniki neatlaun it, vari palikt satā un tod nebius nekajda graka par neišonu. Bet graks biutu tam, kurs vigli varadams sv. Mišas nuklausejt, nedoritu to ajz ļajskama un netikuma. Tajds jau ir par nepaklausejgu sv. Katolu Baznejcas Motes barnu.

Ļobs katols, ne tik vin sv. Mišas ļajka bius baznejca bet ari klausejs mocejbas, bius uz Nešporim un citom liugšonom. Ak, dorgajs lasejtojs, neaplajd nikod mocejbas. Slikti tam kļosis, kas nesakļausa mocejbas. Kungs Jezus pasaceja: „Svetejgi ira ti, kuri Diva vordu klausu un izpildej vinius.“ Un vel: „Kas Diva vordus neklausu, tis nav nu Diva.“ Un otkon: „Tej ir miuzejgo dzejve, ka lauds pazejtu Tevi, ak Divs Tavs, un kuru Tu esi siutejs Jezu Kristu.“ Bet kaj tu pazejsi, jo neklausejsi mocejbas? Tod jo negribi biut pazudinots uzcitejgi klausis mocejbu baznejcā. Klausis taj, itin kaj kad tis biutu tajšni uz tevi runots. Klausis un jem gaumē, atmet nust visas citas dumas, ka neajzmerst pasnegtu pamocejšonu, un ka dabot nu tom gorejgu lobumu. Dzerdatus svatus vordus pimin un pordumoj vel satā, un pec tim igruz sovu dzejvi. Tejcams ir tis irodums, ka baznejconi pastosta setnikim ap ku beja mocejba.

Kad biusi atgojs baznejcā sv. Mišas klausejtu, stojis tulajk pazemejgi pret Divu, atdudams Jam Visuļeļoku gudu. Tok tu atgoji te porliugt Diva par sovim grakim. Nesaveris aplejk, bet damoj un temeļ, ku dora pi oltora. Rejzē ar



baznejkungu divabajlejgi upurej Divam sv. Mišu. Sv. Miša lajka vari skajtejt potorus, kajdi tik tev patejk: Ružu-kruni, litanijas, liugšonas, un tam lejdzejgu. Jo ir tev tajda gromota, kurá vari atrast pirakstejtu sv. Mišu, tod labi ir viniu rejzé ar baznejkungu nuskajtejt. Daži divabajlejgi klausejtoji sv. Mišas daudz nebadoj par vordim, bet vajrok igaumej, ku dora pi sv. oltora. Taj Miša isokuma pazemejgi žaloj par grakim un liudz del sevis Diva želestejbas. Kad baznejkungs skajta „Gloria“, tod ji ari slavinoj un gudinoj Divu. Svatus Rokstu lasejšonas un Evangelijuma lajka, patejc Divam par Jo svatim vordim. „Credo“ lajká, atjaunoj ikš sevis ticejbu un apsajem visod lejdz novej taj ticejt un darejt, kaj pisoka vinejgi Svato Katolu Ticejba. Pi upurešonas atdud Divam sovu sirdi, veleşonas un visu sevi. Pi „Sanctus“ slavinoj Divu ar Engelim un visim Svatim.

Pirma Diva Mišas un Asnia paciļošonu žaloj par grakim, ka neesi cinejgs stotis Diva prišká un liudz Diva rejzé ar baznejkungu par dzejvim. Te var pec svato Franča nu Bor-gijas parauga taj darejt. Isaver labi ar sovu goru Kunga Jeza muká un apdumoj ap Jo picom ranom. Lobos rukas certumam atdud Svatu Tavu, Vejskupus un baznejkungus. Krejsos rukas certumam, atdud keninius un visus kurim vare un valdejba ir duta. Lobos kojas certumam atdud gorejgas sabidrejbas, un krejsos kojas certumam sovus radinikus, ti-vejus, kajminius, labdarejtojus un visus, kuri ir prasejuši un gajda tovas liugšonas. Svatu certumu soná un sirdi atstoj pats del sevis, atdudams jam visas sovas darejšonas un veleşonas. Tajda pat kortejba, kaj te, liudz ari pec paciļošonas par numirušim. Diva Misas un Asnia pacelšonas lajka slavinoj un gudinoj Kungu Jezu, upurej Ju Divam Tavam par gudu, patejc par dabotom dovonom; laj sv. Miša bius par atlejdzejbu par miusu un visa pasaula grakim. Liudz nu Diva jaunas želestejbas.

Tagad jau pats Kungs Jezus ir uz oltora. Atdud Jam gudu. Ak cik labi biutu, jo tu varatu dait pi Diva goļda,

bet jo tev nav brejvis, tod ar sirds gribešonu ajeinoj Kungu Jezu, laj Jis atit gorejgi uz tovu dveseli. Jo nevari patiši pijimt Kunga Jeza sová sirdi, tod pijem Visusvatoku Sakramentu gorejgi. Tulajk pec „Pater noster“ nuzaloj par grakim, atjaunoj sevi dzejvu ticejbu ar stipru ceribu un milejbu pret Kungu Jezu. Kad baznejkungs pijem Visusvatoku Sakramentu, pamudinoj sovu gribešonu pijimt Kungu Jezu un sasavinot ar Viniu. Pec „Communio“ tis ir, pec Diva Misas un Asnia baudejšonas, patejc Jam par želestejbu.

Var vel citajž klausejt sv. Miša, ejsti, apgodoj Kunga Jeza muku. Zinom, ka sv. Miša ir par miusu Pestejtoja mukas pimini un atjaunošonu. Jezus Kristus nu laužu milejbas istodeja tu bejstamu un augsti svatu Miša upuri. Mes tod apgododami Pestejtoja siuru muku pamudinosim sevi uz Kunga Jeza milejbu un paklausejšonu. Todel divabajlejgi lauteni uz Miša ceremonijom taj veras, kaj var lobok piminejt Diva Dala mukas nutikumus. Tod Kunga Jeza muku taj varatu apgodot Mišas lajka:

#### Baznejkungs.

- 1) Baznejkungs it pi oltora.
- 2) Isok sv. Mišu.
- 3) Skajta „Confiteor“.
- 4) Buçoj oltori.
- 5) It pi gromotas.
- 6) Isok skajtejt nu gromotas „Introitus“.
- 7) It uz oltora vidu skajtejdams „Kirie“.
- 8) Soka „Dominus vobiscum“.
- 9) Losa Svatus Roksta gobolu.
- 10) It otkon uz oltora vidu.
- 11) Skajta Evangelijumu.

#### Jezus Kristus.

- 1) Jezus Kristus it uz Eleja dorzu.
- 2) Jezus isok liugt Diva Tava.
- 3) Jezus krejt uz vajga, un lej ašnia svidrus.
- 4) Judass caur suminošonu izdud Diva Dalu.
- 5) Kungu Jezu sasejuši vad uz Annašu.
- 6) Dud netajsnejgu licejbu pret Kungu Jezu un sajmoj Ju.
- 7) Apustols Pitera ajzalidž Kunga Jeza.
- 8) Kungs Jezus caur pasaveršonu atgriz Apustolu Piteri uz graku vajdešonu.
- 9) Kungu Jezu vad uz Pilatu.
- 10) Kungu Jezu vad uz Herodu.
- 11) Kungu Jezu vad otkon uz Pilatu.



- 12) Atsedz bikeri.
- 13) Upurej majzi un vejnu.
- 14) Apsedz bikeri.
- 15) Mozgoj rukas.
- 16) Soka „Orate fratres“.
- 17) Kluseniom skajta liugšonas.
- 18) Skajta „Praefatio“ un „Sanctus“.
- 19) Liudz Diva par dzejvim.
- 20) Skajta kluseniom.
- 21) Krista Hostiju un bikeri.
- 22) Pacel Diva Misu.
- 23) Pacel Diva Asni.
- 24) Liudz kluseniom.
- 25) Pasoka bolsa „Nobis quoque peccatoribus“.
- 26) Skajta „Pater noster“.
- 27) Porlauz Hostiju.
- 28) Hostijas druponu ilajz bikeri.
- 29) Soka „Agnus Dei“.
- 30) Pijem Diva Misu un Asni.
- 31) Slauka bikeri.
- 33) Apterp bikeri.
- 33) Soka „Dominus vobiscum“.
- 34) Skajta liugšonas.
- 35) Soka pedeju rejzi „Dominus vobiscum“.

- 12) Nu Kunga Jeza nuvalk drabes.
- 13) Kungu Jezu nezelejgi šausta.
- 14) Kungu Jezu apkrunioj ar erškezim.
- 15) Pilats mozgoj rukas un atzejst Pestejtoja nevajnejbu.
- 16) Pilats roda laudim Kungu Jezu un soka: „Ecce homo,“ tis ir, Raug, cilvaks.
- 17) Kungu Jezu nicinoj un visojz komoj.
- 18) Zidi lajz vala Barabbu un Kungu Jezu netajsnejgi nutisoj uz novi.
- 19) Kungs Jezus nas kristu uz Kalvarijas kolna.
- 20) Jezus satup sovu Visusvatoku Moti ar citim sivitem.
- 21) Kungu Jezu sit pi krista.
- 22) Kungu Jezu pacel uz krista.
- 23) Asnis tak nu picom Pestejtoja certumim.
- 24) Kungs Jezus veras uz nukumušos sovas Motes.
- 25) Pestejtojs liudz sova Tava par laudim.
- 26) Izrunoj uz krista 7 vordus.
- 27) Jezus merst zeme uz krista.
- 28) Kunga Jeza dvesele it apraudzet numirusus, tis ir, kop ikš elles.
- 29) Daudz kas atzejt Kungu Jezu par ejstinu Diva Dalu.
- 30) Kungu Jezu lik grobā.
- 31) Svajda Kunga Jeza Misu ar dorgom zolem.
- 32) Kungs Jezus augšan celas nu mirunim.
- 33) Kungs Jezus pasaroda sovaj Motej un Apustolim.
- 34) Kungs Jezus pasaroda moceklim.
- 35) Kungs Jezus škiras ar moceklim un kop uz debesim.

- 36) Krista lauds.
- 37) Soka: „Ite Misa est,“ un skajta Evangelijumu.

- 36) Svatajs Gors atit uz Apustolim.
- 37) Apustoli it uz pasauli Diva vordu sludinotu.

Piminiut nutikumus nu Kunga Jeza mukas, vajag ari likt klot kajdu Divam patejkamu liugšonu: Ju milot, gudinot, žalot par grakim, pamudinot ikš sevi pazemejbu, taj ka tej Pestejtoja mukas apgodošona biutu aridzan par liugšonu. Zinoms, ka sv. Miša ir istodejta, ka mes caur viniu Divu gudinotum, porliugtum, prasejtum jaunu zelestejbu un patejktum par tom, kuras jau dabojom. Todel var vel taj sv. Mišu klausejt.

Gudinojam un slavinojam Divu nu Mišas isokuma lejdz „Sanctus“. Nu „Sanctus“ lejdz „Pater noster“ žalojam par grakim. Pečok nu „Pater noster“ lejdz Diva Misas un Asnia pijemšonaj liudzam nu Diva jaunu zelestejbu. Tod nu „Communio“ lejdz bejgom patejcam Divam par visom Jo labdarejšonom.

Nedelis svatdine ir nulikta Visusvatokos Trejadibas gudan. Tamā dinā Divs isoka radejt pasauli; tamā pat Diva Dals pec pasaula atperkšonas augšan celas nu mirunim; tamā ari Divs Svatajs Gors atnokia uz Apustolim un isoka dzejvot Svatajā Katolu Baznejcā.

Itu septitu dinu joatvelej pavisam dveseles izpeštejšonaj. Sešas dinas bej griuši jostrodoj dorbus, bet šudin jopatejcas Divam par Jo zelestejbom. Laj tis svatdines mirs pimin tev dabasu pricu un dusešonu. Tu ari uz turini stejdzis, ka vitudidodams: Svats ir, Svats ir, Svats ir Divs Kungs Sabaot, pilns ir debess un zeme Jo Augstejbas guda.“

Tod šudin, jo esi grakus izsiudzej jus, ka tu nu valna kolpa otkon paliktu par milejgu Diva barnu. Bet jo tu ej pi graku siudzešonas Sakramenta, ka dabot lobu padumu un pavujcejšonu, voj jo gribi siudzet grakus nu visas dzejves, tod lobok ej ne svatdin, kad ir daudz citu laužu, bet dorba-



din, ka baznejckungs varatu tevi pilnejgok pamocejt. Nesabejst, nesakaun tí ni ko, pasok visu, todel ka baznejckungs spovedadams grib tik tova lobuma. Laj Divs sorgoj, ni ko neslep, pasok visus grakus ar jus apstaklim. Kas slikti siudzej grakus, paslep jus, voj ku samaloj, tod padora leļu un bris-mejgu graku svatzadzejbu; tajdam lobok biutu neit graku siudzatu, nekaj tejšam jus slikti izsiudzet. Bet pi graku siudzešonas Sakramenta vajag it ikkotram, kas grib tikt dabasu valstejba. Kaj nedelas svatdine, taj un citas nu sv. Baznejcas nuliktas svatdines josvetej un joklausa jamós sv. Miša.

Pirmudin ir irodums skajtejt liugšonas uz Divu Svatu Goru. Tamá pat diná gudinoj Svatus Engelus. Utartdin liudz Svatus dabasu dzejvotaju ajzbildešonas. Tamá diná visuvajrok siutom sovas liugšonas caur Svatu Apustolu rukom. Trešdin joliudz Diva par numirusim, ka Divs drejzok izlajstu jus dveseles nu slaucamas guns, un pejintu uz Sevi. Tamá diná gudinojam ari Svatu Jezupu, Visusvatokas Jumpravas Marijas Briutgonu. Caturtdin cinejam un gudinojam paslaptu Visusvatoká Sakramentá Kungu Jezu un patejcam Jam par dveselu barejbas istodejšonu. Piktdin mums joapgodoj Kunga Jeza muka, kuru citia del miusu ispestejšonas. Sastdine ir nulikta Visusvatokos Jumpravas Marijas gudinošonaj.

Sv. Baznejca nulik ne tik pa vinaj vin dinaj del kajda nuslapuma pagudinošonas, bet ari rejem pa vajrok dinom, pat pa visam menešam. Taj gavenia lajká joapgodoj Pestejtoja muka. Maja menesi, tis ir lopu menesi, pulcejames baznejcá, voj pi kristim gudinodami Visusvatoku Jumpravu Mariju. Junijá, tis ir vosoras menesi, gudinojam Visumilejgoku Kunga Jeza Sirdi. Par visa Oktobra, tas ir lejta menesi skajtom Ružu-kruni, visuvajrok liugdami Diva par Baznejcas labklojejbu, un par tu, ka visi lauds isastotu tamá vinejgi Svatá Katolu Baznejcá.

Nelabi biutu jo kas pa svatdinem skajtejtu potorus tik rejta un vokora. Vajag ari Diva paliugt dinas lajká. Jo kas mok skajtejt gromotá, laj liudz Diva lasejdams nu tom. Kas

nemok skajtejt, tod laj klausos citu skajtut. Pulkas liugšonas cšok patejk Divam.

Seviški pa svatdinem vajag skajtejt divabajlejgas pamotejšonas, un vis pori lobas gromotas. Tis kas nemok pats skajtejt, laj piulejas klausejtis, kad citi skajta. Taj darejdams, cilvecen, viglok pazejsi Divu, pazejsi, kajds Jis ira lobs, kajds tajsnejgs, kaj zelsirdejgs, un taj vel, un taj vel. Tod taj cšok numilosi Divu, un viglok tev bius izpildej. Jo bauslejbas. Pazejsi, ka Divs ir tevi bezgalejgi numilojs. Diva Dals tok par tevi ir numiris pi krista, un istodeja septenius Sakramentus, vis del tovas izpestejšonas. Kristejbas Sakramentá Divs pijem tevi par sovu barnu. Istipriņošonas Sakramentá pavajroj tovu spaku ikš Ticejbas un padora tevi par sovu karavejru. Visusvatokoja Diva Misas un Ašnia Sakramentá pats Kungs Jezus atit uz tevi un baroj tovu dveseli ar sevi pati. Grakus siudzešonas Sakraments atdud atpakal dveselej dabasu valstejbu, kura graku del jau beja pazaudejta; caur tu Sakramentu cilvaks nu valna kolpa palik otkon par Diva barnu. Postoros Svetejbas Sakraments palejdz cilvakam lajmejgi porit uz citu pasauli, uz miuzejgu dzejvi. Baznejckungu Isvetejšonas Sakraments izdora tu, ka mums netriukst ejstinu Diva Kolpu un vitiniku t. i. Baznejckungu. Jo nebiutu baznejckungu, kas tulajk dalejtu laudim Diva zelestejbas un seviški, kas atlajstu grakus? Pedejgi, laulejbas Sakraments saškir un savinoj divus cilvakus, vejru un siviti taj, ka ji nikod nevejrs lejdz pošaj novej nevar vins nu utra atsaskert; pastiprinaj un pasvetej jus milejbu, palejdz panest sadzejves griutajbas un, kas ir visuleloka lita itamá Sakramentá, Divs dud palejgu, ka labi un ikš Diva bajles izaudzatu sovus barnus. Dzimdinotojim nikod nebius to ajzmerst, ka, jo Divs dud jim barnus, tod ari grib, ka izaudzatu jus del dabasu valstejbas. Topec dzimdinotoji mocit barnus skajtejt potorus, mocit, kaj josorgoj Diva bauslejbas, mocit milot Divu un tuvaku, kaj ari neajzmerstit vujcejt strodot vajdzejgus del portikšonas vers zemes dorbus. Mocit visa loba, netik vin ar vordim,



bet un ar parāgu, darejdami posi kaj Divs lika un kaj ~~lika~~  
gudejgin laudim. Tulajk labi izpildejsit tava ar moti ~~pinču~~  
mus un bias jums ~~ar~~ nu jūsu barnim, kaj te vers ~~ar~~ mes  
taj un dabasu ~~ar~~. Taj izaudzati barni cinejs un gu  
dinos sovu tavi ~~ar~~ moti, kaj pisoka caturto Diva bauslejba  
Cinejdami un gudnodami klausejs, milos un nikod nepadarejs  
sovim dzimdinotojim. ~~nikajdas nepatikšonas un nuskumšonas~~

Muns jaukajs lasejtojs, te nav ispejams ap visu rakstejt  
novaru itamā mozaja gromotema visu izstostejt, taj ka ikkot  
ris vigli varatu atrast sev celu, pa kuru jam joit. Es ne  
ziņinuns dorgajs, kajds tu esi: ~~ar~~ par kungu, vaj par  
zemni, par sajminiku, vaj kolpu, vaj esi par barnu, vaj par  
piaugšu, vaj tu dzejvoj ikš bagatejbas, voj nabadzejbas, vaj  
esi par divabajlejgu, vaj lelu greciniku. Ikkotram nu tim  
vajdzatu dut drusku sovajdokas pamocejšonas. Kas ir rakstejts  
itamā gromoteniā, ir lobs un lajkam vajdzejgs del visim.  
Bet jo tu gribi (un gribejt tev to vajag, jo bejstis pazušonas),  
izzinot ku tajsni tev jodora, kaj jodzejvoj, tod pavajcoj baz  
nejekunga, kad isi grakus siudzej: tok, paldis Divam, varesi  
sev atrast tajdu lobu un divabajlejgu baznejekungu, kurs  
pinocejgi tevi pamocejs un idus padumu tovaj pestejšonaj par  
lobu; parodejs tev lobu celu, pa kuru idams tiks dabasu  
valstejbā. A m e n.

